

বাংলার মেয়ে

সামাজিক নাটক

শ্রীযোগেশচন্দ্র চৌধুরী

কর্তৃক

শ্রীমতী প্রভাবতী দেবী সরস্বতীর

“পথের শেষে” উপন্যাসের

নাট্যরূপ

বঙ্গমহলে প্রথম অভিনয়

২রা অগস্ট, ১৯০১

গুরুদাস চট্টোপাধ্যায় এণ্ড সন্স

২০৩/১১, কর্ণওয়ালিস্ স্ট্রীট, কলিকাতা

পাঁচসিকা

গুরুদাস চট্টোপাধ্যায় এণ্ড সন্সের পক্ষে ভারতবর্ষ প্রিন্টিং ওয়ার্কস্ হইতে

শ্রীগোবিন্দপদ ভট্টাচার্য্য দ্বারা মুদ্রিত ও প্রকাশিত

২০৩।১।১, কর্ণওয়ালিস ষ্ট্রীট, কলিকাতা

নিবেদন

শ্রীমতী প্রভাবতী দেবী সরস্বতীর “পথের শেষে” উপস্থাসের মাত্র গল্পাংশটুকু লইয়া “বাংলার মেয়ে” নাটক রচিত হইল। গল্পটির নাট্যরূপ বিবৃত করা ছাড়া এ নাটকে আমার নিজস্ব বক্তব্য-বিষয়ও কিছু সন্নিবেশ করিয়াছি। বর্তমান পাশ্চাত্য সভ্যতার সংস্পর্শে ও দ্বন্দ্বে আমাদের জাতীয় জীবনে যে বিপ্লব ঘটিতেছে এবং তাহার ফলে আমাদের অন্তঃপুর-চারিগাঁরা নীরবে যে ছঃসহ ছঃখ সহিতেছেন, তাহা দেখাইবার প্রয়াস পাইয়াছি; সেই স্থানে বিভিন্ন শিক্ষাদীক্ষা ও জীবনধারার আবেষ্টনী অনুসারে কয়েকটি বিভিন্ন নারীচরিত্র চিত্রিত হইয়াছে। এইখানেই “বাঙলার মেয়ে” নামের সার্থকতা। এই চরিত্রগুলির অনেকগুলিই মূল গল্পে আছে, শুধু নাটকীয় রূপের জন্য বর্ণবৈচিত্র্যের তারতম্য ঘটাইতে হইয়াছে।

বিলাতী টেকনিকে নাটক বিচার করিতে বসিলে, নাটকের দু’একটি চরিত্র ও দৃশ্য অনাবশ্যক মনে হইতে পারে; কিন্তু বর্তমান নাটকের বিষয়-বস্তু বিচার করিলে আমার এই পথ ছাড়া অন্য পথে যাইবার উপায় ছিল না। নাটকে যদি কোন ত্রুটি থাকে, সে ত্রুটি নাট্যকারের অর্থাৎ আমার; উপস্থাস-রচয়িত্রী তার জন্য বিন্দুমাত্র দায়ী নহেন। নাট্যরূপ দিবার জন্য মূল গল্পের পরিবর্তন ও পরিবর্দ্ধনে আমি সম্পূর্ণ স্বাধীনতা পাইয়াছি। আমার ধারণা, বাংলা নাটক রচনার জন্য সর্বতোভাবে ইংরাজী টেকনিকের মর্যাদা অক্ষুণ্ণ রাখিবার আবশ্যক নাই।

এই নাট্যরচনার মূল উদ্দেশ্য, রঙ্গমঞ্চে অভিনয়ের দ্বারা বাঙালী

নাট্যরসিক দর্শকের চিত্তরঞ্জন। ভগবৎকৃপায় আমার সে উদ্দেশ্য সফল হইয়াছে। সাধারণ দর্শক নাট্যাভিনয় দেখিয়া বিশেষ আনন্দিত হইয়াছেন।

রঙমহলের কর্তৃপক্ষগণ, প্রযোজক, শিক্ষক, সুরশিল্পী ও নটনটীগণকে আমি আমার অভিনন্দন জানাইতেছি। তাঁহারা সকলে মন দিয়া একযোগে কাৰ্য্য করিয়াছেন বলিয়াই নাট্যাভিনয় সাফল্য মণ্ডিত হইয়াছে।

: ৮ বি, বাগবাজার ষ্ট্রীট ;

কলিকাতা

দীপাবলিতা, : ৩৪ :

}

শ্রীযোগেশচন্দ্র চৌধুরী

নাটকীয় চরিত্রপরিচয়

—পুরুষ—

উপেন্দ্রনাথ	...	চন্দনডাঙ্গা-গ্রামবাসী (গৃহস্থ ব্রাহ্মণপণ্ডিত)
জিতেন্দ্রনাথ	...	ঐ জোষ্ঠপুত্র (কলিকাতা হাইকোর্টের ব্যারিষ্টার)
সত্যেন্দ্রনাথ	...	ঐ কনিষ্ঠপুত্র
প্রকাশ	...	সত্যেন্দ্রের সহপাঠী ও বন্ধু (এক গ্রামবাসী)
স্বরেশ	...	উপেন্দ্রনাথের জামাতা
সুবিনয়	...	উপেন্দ্রনাথের বৈবাহিক, জিতেন্দ্রের স্বস্তর
অনিল	...	জিতেন্দ্রের জামাতা (ডাক্তার)
অজিত চ্যাটার্জি	...	জিতেন্দ্রের বন্ধু (ব্যারিষ্টার)—ইলা দেবীর পিতা
শঙ্কর	...	সুবিনয়বাবুর বাড়ীর ভৃত্য
নিতাই	...	গ্রাম্য ভিখারী গায়ক
নটবর দাস	...	গ্রাম্য চাষা (উপেন্দ্রনাথের প্রতিবেশী)

কুঞ্জলাল (সঙ্), দারোয়ান, পিওন ইত্যাদি—

—স্ত্রী—

মায়া	...	জিতেন্দ্রের স্ত্রী
দেবী	...	সত্যেন্দ্রের প্রথম স্ত্রী
ইলা	...	ঐ দ্বিতীয়া স্ত্রী
ভবানী	...	উপেন্দ্রের কন্যা
বীথি	...	জিতেন্দ্রের বড় মেয়ে
সরলা	...	মায়ার মা (সুবিনয়বাবুর স্ত্রী)
রমা	...	সরলা দেবীর পালিতা বালবিধবা
নিষ্ঠারিণী	...	সুরেশের মা
শান্তি	...	নটবর দাসের সধবা মেয়ে (চাষার মেয়ে)
মলিনা	...	গীতির স্কুলের সহপাঠিনী বন্ধু

ରଙ୍ଗମହଲେ ଉଦ୍ବୋଧନ-ରଜନୀ

୭ରା ଆଶ୍ୱିନ, ବୃହସ୍ପତିବାର ସନ୍ଧ୍ୟା ୧-୩୦ ମିଃ

ସଂଗଠନକାରୀଗଣ :

ଅଧ୍ୟକ୍ଷଗଣ	{	ଶ୍ରୀବିଜୟେନ୍ଦ୍ରଚନ୍ଦ୍ର ମଲ୍ଲିକ
		ଶ୍ରୀସାମିନୀ ମିତ୍ର
		ଶ୍ରୀସତୁ ସେନ
ନାଟ୍ୟରୂପଦାତା		ଶ୍ରୀସୋମେଶଚନ୍ଦ୍ର ଚୌଧୁରୀ
ପ୍ରଯୋଜକ	{	ଶ୍ରୀନିଶେଚନ୍ଦ୍ର ମିତ୍ର
		ଶ୍ରୀସତୁ ସେନ
ସ୍ଵରଶିଳ୍ପୀ		ଶ୍ରୀନିତାଇ ମତିଲାଲ

উদ্বোধন-রজনীর নটনটীগণ

— পুরস্কার —

উপেক্ষনাথ	শ্রীযোগেশচন্দ্র চৌধুরী
জিতেন্দ্রনাথ	শ্রীনরেশচন্দ্র মিত্র
সত্যেন্দ্রনাথ	শ্রীরতীন্দ্র বন্দ্যোপাধ্যায়
প্রকাশ	শ্রীজহরলাল গাঙ্গুলী
সুরেশ	শ্রীরবীন্দ্রমোহন রায়
সুবিনয়	শ্রীঅমরনাথ বসু (এঃ)
অনিল	শ্রীভূমেন রায়
অজিত চ্যাটার্জি	শ্রীইন্দ্রভূষণ মুখোপাধ্যায়
ডাঃ মুখার্জি	শ্রীপ্রফুল্লনাথ মুখোপাধ্যায় পরে শ্রীসুধাংশু মিত্র
শঙ্কর	শ্রীহীরলাল চট্টোপাধ্যায়
নিতাই	শ্রীঅনিল বিশ্বাস
নটবর	শ্রীসনৎকুমার মুখোপাধ্যায় পরে শ্রীকালী বন্দ্যোপাধ্যায়
কুঞ্জলাল (সঙ্)	শ্রীকৃষ্ণধন মুখোপাধ্যায়
চোবে	শ্রীবিজয়কান্তিক দাস
গ্রাম্য পোষ্ট পিওন	শ্রীবিনয় বসু
প্রস্তাবনাগায়ক	{ শ্রীশচীন দাসগুপ্ত, শ্রীরমেন্দ্র চট্টোপাধ্যায়, শ্রীঅনিল বিশ্বাস, শ্রীমণীন্দ্র রায়চৌধুরী

ସ୍ତ୍ରୀ

ମାୟା	...	ଶ୍ରୀମତୀ ଶାନ୍ତି ଗୁପ୍ତା
ଦେବୀ	...	ଶ୍ରୀମତୀ ଚାରୁବାଳା
ଇଲା	...	ଶ୍ରୀମତୀ ରେଖା ଘୋଷ
ଭବାନୀ	...	ଶ୍ରୀମତୀ ରେଖାବାଳା (ସୁଧ)
ବୀଥୀ	...	ଶ୍ରୀମତୀ ଶେଫାଳିକା (ପୁତୁଳ)
ଗୀତି	...	ଶ୍ରୀମତୀ ବୀଣାପାଣି
ସରଳା	...	ଶ୍ରୀମତୀ ଗିରିବାଳା
ରମା	..	ଶ୍ରୀମତୀ ବୀଣାପାଣି (କାଳୋ)
ନିଶ୍ଚାରିଣୀ	...	ଶ୍ରୀମତୀ ହରି ସୁନ୍ଦରୀ (ବ୍ଲାକ୍)
ଶାନ୍ତି	...	ଶ୍ରୀମତୀ ଆଶମାନ ତାରା
ମଳିନୀ	...	ଶ୍ରୀମତୀ ରାଧାରାଣୀ



প্রস্তাবনা

গান

(রঙ্গমঞ্চে নটকর্তৃক গায়)

ওগো বাংলা দেশের মেয়ে—

তোমার দুখের গাঠিব গাথা

বীণাপাণির প্রসাদ পেয়ে !

যেদিন আমার জন্ম হ'ল

এই বাংলা দেশের মাটির ঘরে,

“মা” হ'য়ে মা দিলে দেখা

তুলে নিলে কোলের পরে ;

প্রথম কথা ফুটলো মুখে “মা”

মা তোমার মহিমা গৈয়ে !

কন্না, মাতা, ভগ্নী, জায়া

কতই রূপে বারে বারে—

স্নেহ, মায়া, মমতা নিয়ে

এলে আমার প্রাণের দ্বারে !

(এলে) স্বামীহারা সন্ন্যাসিনী

বিষাদে হৃদয় ছেয়ে

বাংলার মেয়ে

প্রথম অঙ্ক

প্রথম দৃশ্য

চন্দনডাঙ্গা গ্রাম—উপেন্দ্রনাথের বাড়ী : সত্যেন্দ্রের শয়ন ঘর ;
ঘরের ভিতর পিছন দিকের দরজা দিয়া সত্যেন্দ্র ও তাহার
বন্ধু প্রকাশ ঘরে আসিল ।

সত্যেন্দ্র । এখুনি বাড়ী যাবি ? এখনো রাত বেশী হয়নি—একটু
বস্বি আয় । তোমার জন্মে এক প্যাকেট কাঁচি সিগারেট পর্য্যন্ত যোগাড়
ক’রে রেখেছি ।

প্রকাশ । সত্যি বস্বে বল্ছ, না মুখে ব’ল্ছ ‘বস’, আর মনে মনে
বল্ছ—‘আপদটা বিদেয় হ’লে বাঁচি’ ।

সত্যেন্দ্র । হ্যাঁ, বাড়ী যাবার জন্মে নিজের প্রাণটা আইচাই ক’রছে
—তাই বল্না !

প্রকাশ । তোমার মত মিথ্যে বীরত্বের বড়াই ক’রবো না—প্রাণটা
সত্যিই আইচাই ক’ছে ! বউ নাথার দিব্যি দিয়েছে, সাড়ে নটার
উপর যদি ৯-৩৫ হয়—

সত্যেন্দ্র । কি, তিনি বিরহমাগরে হাবুডুপ খেতে থাকবেন ?

প্রকাশ। আমার আবার মান ভাঙতে হবে !

সত্যেন্দ্র। আচ্ছা, সিগারেটটা ধরাও তো—

(ভবানী প্রবেশ করিল)

ভবানী। এই নাও প্রকাশদা—পান নাও ; ছোড়দাদা—পান নাও :

প্রকাশ। ভবানী, তোমাদের ছোটগিছীকে ব'লে দেও—আজ যে আমার খাওয়ালে—এ খাওয়ানো ঠিক মজুর হ'লনা—আসল খাওয়ানো হবে গাঁয়ের আর সফার সঙ্গে। সেটা এখন মুলতুবি রইল ; সত্য চাকরী ক'রে প্রথম মাসের মার্গনে পোল—তবে—এম-এ পাশের খাওয়ানো আর চাকরীর খাওয়ানো, দুই-ই এক সঙ্গে—তঁাকে ব'লে দিও।

ভবানী। বৌদি তো “একে পায় আরে চায়” ! তবে বাবা বলেছেন, ছোড়দা চাকরী ক'রে আগে বৌদিকে নতুন গয়না গড়িয়ে দেবে—তারপর অস্ত্র খরচ।

সত্যেন্দ্র। আঃ ভবানী, তোর সব কথায় অত কথা কইবার দরকার কি বল দেখি ?

প্রকাশ। তুমি বোঝনা ভবানী, তোমার বৌদির গয়না-বিক্রী টাকায় কলেজে প'ড়ে উনি এম-এ পাশ করেছেন—এ কথা স্বীকার করতে তোমার ছোড়দার মাথা কাটা যায় !

সত্যেন্দ্র। (লজ্জিতভাবে) না-না আমি তা ব'লছি, তা ব'লছি।
প্রকাশ—স্ত্রীর গয়না বেচা টাকা নিয়ে এম-এ পাশ করেছি। সে আমি জানি—আমার চেয়ে বেশী কেউ সে কথা জানে না।

ভবানী। আমার ষাট হ'য়েছে দাদা—আর ব'ল্বোনা।

সত্যেন্দ্র। ভবানী, রাগ ক'রলি আমার উপর !

ভবানী। না।

[ভবানীর প্রস্থান।]

সত্যেন্দ্র । ও হয়তো আজ রাগ করে কিছু খাবেনা—

প্রকাশ । না খাবেনা—তোমার বউ না খাইয়ে ছাড়বে কিনা ?

সত্যেন্দ্র । আমার বউয়ের এত খবর তুমি কোথেকে পেলে বল দেখি ?

প্রকাশ । তোমার বউয়ের একটা পরম ভক্ত আছেন ! তিনি দ্রালোক—তোমার jealous হবার কোন কারণ নেই । আমি বাড়ী এলে তিনি আমার সঙ্গে যা কথা বলেন, তার বারো আনা তোমার বৌয়ের সুখ্যাতি—এ রকম বো নাকি কলিকালে আর হয়না !

সত্যেন্দ্র । তাহ'লে তো তাঁর সঙ্গে তাল বেথে চলাই 'আমার মুন্সিল ! কলির মানুষের পক্ষে সত্য কি ত্রেতা যুগের মেয়ের স্বামী হওয়া কতখানি শক্ত বল দেখি !

প্রকাশ । হুঁ—‘যাহা পাই তাহা চাইনা, যাহা চাই তাহা পাইনা’—কেমন ?

সত্যেন্দ্র । আজকের দিনে একটু সভ্য-ভবা স্ত্রী কে না চায় বল ?

প্রকাশ । বিশেষ তোমার নিজের বাড়ীতে নিজের দাদার যখন ঐ রকম হাল ফ্যানানের ideal স্ত্রী !

সত্যেন্দ্র । রক্ষে কর ভাই—বউদির মত ও রকম ! তবে হ্যাঁ, এ কথা নিশ্চয়,—দাদা যদি একটু শক্ত হ'তেন, বউদি অতটা বাড়াবাড়ি করতে পারতেন না ।

প্রকাশ । তোমার তো দেখছি ভয়ানক পছন্দ ! তুমি এদিকেও বাড়াবাড়ি চাওনা—ওদিকেও বাড়াবাড়ি চাওনা । তোমার পছন্দ মত ইংরিজী লেখাপড়া-জানা, গাইয়ে বাজিয়ে সীতাসাবিত্রী কোথায় পাওয়া যায়—বল দেখি ?

সত্যেন্দ্র । খোঁজকরুলে হয়তো পাওয়া যেতে পারবে ।

প্রকাশ। যাক—সে chance যখন হারিয়েছে, তখন 'গতস্ত শোনা নাশ্চি';—এই নিয়েই খুসী থাক! জীবন নভেল নয়—সুতরাং স্ত্রী যদি একেবারে নভেল-মার্কী স্ত্রী নাও হয়, খুব বেশী ক্ষেতি হবেনা!

সত্যেন্দ্র। আচ্ছা আচ্ছা—তোমায় আর মুকুটবিরানা ক'রতে হবেনা—থাম! কিরে ভবানী—রাগ প'ড়েছে?

(হাসিতে হাসিতে ভবানী আঁসিল)

প্রকাশ। ছোটগিন্নীর কাছে কারো রাগ ক'রে থাকবার উপায় নেই—সে আমি জানি। আমার কথা ব'লেছিলে তাঁকে?

ভবানী। তিনিই তো পাঠিয়ে দিলেন—

সত্যেন্দ্র। কেনরে—?

ভবানী। ছোট বোদীর কথা আমি প্রকাশদাকে বলছি—নেমন্তন্ন তো খেলে, রান্নাটা কেমন হ'য়েছে লোকে একটাবার শুনতে চায় তো!

প্রকাশ। কে রেঁধেছে বল তো—তিনি না তুমি?

ভবানী। কেন, রাধুনীর নাম জেনে তারপর রান্নার বিচার ক'রবে নাকি?

প্রকাশ। ভবিষ্যতের আশা যখন রাখি, তখন নির্জলা নিন্দেটা আর উচিত হবেনা—কি বল সত্য?

সত্যেন্দ্র। সত্যি কথা বলতে কি ভাই, আমি রান্নার ভালমন্দ কিছুই বুঝতে পারিনে। ভালমন্দ যা পাই খেয়ে যাই—

প্রকাশ। হ্যাঁ—গোপাল অতি সুবোধ বালক! নারে ভবানী, রান্না খুব ভাল হয়েছে। হ্যাঁরে, তোর বরের খবর কি? সে শালা আর আসেনা কেন?

সত্যেন্দ্র । হাঁ, ও তোমার সামনে বরের গল্প করবে—তেমনি মেয়েই বটে !

প্রকাশ । না না—সত্যি, ষোলশটাকে বহুদিন দেখিনি । মাস ছয়েক হ'ল, হঠাৎ একদিন কল্কাতার রাস্তায় দেখা ; তখন বুঝি ভবানী ওদের ওখানে ?

সত্যেন্দ্র । তোমার সঙ্গে দেখা হয়েছিল, তাত্তো আমায় বলনি কোন দিন !

প্রকাশ । মনে হয়নি বোধ হয় !

সত্যেন্দ্র । বাবা শুয়েছেন রে ভবানী ?

ভবানী । এই তো সব তোঁর জপ শেষ হ'ল ! বৌদি খাবার দিতে গেল বাবাকে । তোমাদের আর কিছু দরকার থাকে তো এই বেলা বল—আমি বাবাকে বাতাস ক'রতে দাব ।

সত্যেন্দ্র । তুই বা না—দরকার হ'লে আমি ডাক্‌বোখন ?

প্রকাশ । তুমি গিয়ে ছোটগিন্নীকে পাঠিয়ে দাও—আমি চ'লে যাচ্ছি । তোরা একেবারে সেকলে ব্রাহ্মণপণ্ডিতের বাড়ীর ঝি-বৌ—দেড়শো বছর পিছিয়ে আছি !

ভবানী । আশীর্বাদ কর দাদা, তাই যেন জন্ম জন্ম থাকি !

[হানিয়া প্রস্থান ।

প্রকাশ । তোমাদের সংসারটা দেখলে একজন ইংরেজ এসে আক্ষেপ ক'রে ব'লবে—‘বৃথা বঙ্গভূমি তোরে করিয়াছি জয় !’

সত্যেন্দ্র । বাড়ীর বড়কত্তা আর বড়গিন্নীকে দেখলে তখন আর আক্ষেপ ক'রবেনা । উঃ—দাদা যদি মানুষের মত হত—ঐ ব্রাহ্মণপণ্ডিতের ছেলে—একেবারে ক'লাপাহাড় !

প্রকাশ। জানতো—কালাপাহাড় নিজেই প্রথম জীবনে প্রচণ্ড নিষ্ঠাবান ব্রাহ্মণ ছিলেন ? ভাল নেগেটিভেই ভাল ছবি ওঠে !

সত্যেন্দ্র। হ্যাঁ, ভাল কথা—যার জন্তে ভবানীকে ওবরে পাঠিয়ে দিলাম। সুরেশের সঙ্গে তোমার ছ'মাস আগে দেখা হ'য়েছিল ?

প্রকাশ। বোঁবাজারের মোড়ে—বলে, বাড়ী যাচ্ছে—

সত্যেন্দ্র। নিশ্চয়ই টাকা ধার চাইল। কি ব'লেছিল—pick pocket ?

প্রকাশ। হ্যাঁ। তুমি কি করে জানলে ?

সত্যেন্দ্র। ও আমার জানা আছে।

প্রকাশ। বল্লে—আপনার বোনের বড় অসুখ ! ডাক্তার এমন ওষুধ prescribe করেছে, দেশের dispensaryতে পাওয়া গেলনা। ওষুধ আর কিছু ফলফুলুরি কিন্তে কল্কাতায় এলাম ; এসে এক মহা ফ্যাসাদে প'ড়েছি ! এই ট্রেণে ফিরে যাব—ইঠাং দেখি মণিব্যাগটা বুক পকেটে নেই—ছুখান্না নোট, পাঁচটা টাকা, রিটার্ন টিকিট—এখন কি যে করি ! সত্যদার কাছে যাবার সময়ও নেই—আর তার হাতে টাকাও তো বড় থাকেনা—

সত্যেন্দ্র। থাকলেই পেতেন কিনা ! scoundrel ! কত টাকা দিতে হ'ল !

প্রকাশ। পকেটে যা ছিল—আট টাকা ক' আনা ! বল্লে, আমি শৌছেই পাঠিয়ে দেব দাদা—ভগবান আপনাকে মিলিয়ে দিলেন !

সত্যেন্দ্র। হ্যাঁ—ভগবান মাঝে মাঝে মিলিয়ে দেন বটে, তবে চিরদিন দেন না !

' প্রকাশ। যাক্গে ; রাত অনেক হয়ে গেল, এইবার আমি উঠি—আর আশ্রমপীড়ে ঘটাবনা।

(উপেন্দ্রনাথ প্রবেশ করিলেন)

উপেন্দ্রনাথ । কি প্রকাশ—উঠ্ছো না কি ?

প্রকাশ । আজ্ঞে হ্যাঁ জোসামশাই, অনেকক্ষণ এসেছি—আপনি তো জপে বসেছিলেন—তাই তখন—(প্রণাম করিল—সত্যও প্রণাম করিল)

উপেন্দ্রনাথ । দীর্ঘায়ু হও বাবা ! তুমিও এম-এ পাশ ক'রেছ শুনলাম !

প্রকাশ । সত্যার মত না । সত্য ফাষ্ট ক্লাস পেয়েছে, সেকেণ্ড ষ্টাণ্ড করেছেন—আমি একটা সেকেণ্ড ক্লাস পেয়ে কোন গতিকে ত'রে গেছি !

উপেন্দ্রনাথ । সত্য সম্মানের সঙ্গে এই যে এম-এ পাশ করেছে, এর জন্তে বৌমার কাছে সত্যার কৃতজ্ঞ থাকা উচিত ! উনি যদি তখন নিজের সর্বস্ব না দিয়ে—

প্রকাশ । পতিকে সাহায্য করাই তো সতী স্ত্রীর কাজ !

উপেন্দ্রনাথ । পতিকে লেখাপড়া শেখাবার কাজ তো আর সতীর কাজ না । আমার কর্তব্য আমি পালন করতে পারি নি । আমার হ'য়ে বোমা—

সত্যেন্দ্র । এ ঋণ আমি রাখবো না বাবা ! যতদিন গহনার দরুণ পাঁচশ' টাকা আমি শোধ করতে না পারি—

উপেন্দ্রনাথ । কথাটা ভুলে যেও না । তুমি গয়না বিক্রী ক'রে এম-এ পাশ ক'রেছ, আমি হ'লে ওভাবে এম-এ পড়তাম না ।

(ভবানী পুনরায় ঘরের কাছে প্রবেশ করিল)

ভবানী । বাবা, বৌদি আপনাকে কি বলবে !

উপেন্দ্রনাথ । মা কি বলবেন—তা আমি জানিয়ে ভবানী, জামি !

প্রকাশ। লোকে জীবী গণনা বেঁচে কত অপকর্ম করে—সত্য লেখাপড়া ক'রেছে ; আবার ওর স্ত্রীবিধে মত শোধ ক'রে দেবে—এতে আর দোষ কি জ্যেষ্ঠামশাই ! আচ্ছা জ্যেষ্ঠামশায়, আমি তাহ'লে উঠি আজ—

উপেন্দ্র। আচ্ছা বাবা. এস—

প্রকাশ। (দ্বারের কাছে জনান্তিকে ভবানীর প্রতি) তোর দাদা কিন্তু বেশ চ'টে আছে ভবানী ! জ্যেষ্ঠামশায়কে একটু সামলে স্তম্ভে নিস্— আর ছোটগিন্নীকে শিথিয়ে দিও, তিনি যেন রাত্তিরে মান ভাঙান !

(ভবানী একটু মুহূর্ত হাদিল ; প্রকাশ চলিয়া গেল)

উপেন্দ্র। এখন কি ক'রবে সত্য !

সত্যেন্দ্র। আপনি কি করতে আদেশ দেন !

উপেন্দ্র। আদেশ আমি দিচ্ছি। আমি শুধু বলছি—এখনি তোমার কিছু কিছু উপার্জন করা দরকার, যা পার। হ্যাঁ—আমাদের চন্দনডাঙ্গা হাইস্কুলের সেক্রেটারী, সেদিন আমায় তোমার নাম ক'রে বলছিলেন—এখানকার হেড্‌মাষ্টার জয়নারায়ণ বাবু তো বড়ো হ'য়েছেন—তুমি যদি স্কুলে কাজ কর, এখন এ্যাসিষ্ট্যান্ট হেড্‌মাষ্টার হবে ; তারপর জয়নারায়ণবাবুর কাছ থেকে কাজকর্ম একটু দেখে শুনে নিলে উনি যখন অবসর নেবেন—তখন তোমাকেই ওঁরা হেড্‌মাষ্টার ক'রবেন।

সত্যেন্দ্র। আপাততঃ কি দেবেন ?

উপেন্দ্র। ইস্কুলের আয় তো খুব বেশী নয়—আপাততঃ চল্লিশ টাকা পাবে ; তারপর হেড্‌মাষ্টার হ'লে—সত্তর পঁচাত্তর পর্য্যন্ত হ'তে পারে।

সত্যেন্দ্র। আপনি কি উপদেশ দেন ?

উপেন্দ্র। সংসারে তো আমাদের ধান আছে, তা থেকেই চ'লে যায় ;

—তার উপর তুমি নগদ চল্লিশ টাকা ক’রে পেলে—এক বছর কি দেড় বছরের ভিতর বোমার গহনার টাকা বোঁগাড় হ’য়ে যাবে। তারপর আমরা চুরটে প্রাণী, রাজার হালে চ’লে যাবে। শিক্ষাবিভাগের কাজ বেশ ভাল কাজ।

সত্যেন্দ্র। এম-এ পাশ ক’রে সারাটা জীবন ঐ সম্ভর টাকায় প’ড়ে থাকবো—বাবা !

উপেন্দ্র। এখানকার সম্ভর টাকা তোমার কলকাতার একশ’ টাকার বেশী। একপয়সা বাড়তি খরচা নেই—বা রোজগার ক’রবে, সবই জন্মে।

সত্যেন্দ্র। আপনি আমার আর দুটো মাস সময় দিন—কলকাতার ভিতর চেষ্টা ক’রলে একটা প্রোফেসরি বোঁগাড় ক’রতে পারব—অন্ততঃ পক্ষে শ’খানেক টাকা মাইনে। বরানগর কি বালী উত্তরপাড়া অঞ্চলে গঙ্গাতীরে ছোটখাট একটা বাসা ভাড়া নিলে—আপনিও গিয়ে রইলেন; আপনার গঙ্গাস্নানও চ’লবে—ঠাকুরসেবাও চ’লবে।

উপেন্দ্র। সে যেন সবই হ’ল—কিন্তু ভিটের উপায় ?—পৈতৃক ভিটেটা তো আর সঙ্গে নিয়ে যেতে পারবো না। না সত্য, সাত পুরুষ এ গায়ে বাস ! যাট বছরের উপর আমিই আছি। টাকা রোজ্গার ক’রবো ব’লে সেকালে যদি বাইরে যেতাম, মা-লক্ষ্মী একেবারে বিমুখ হ’তেন না। ছ’বার স্নযোগও এসেছিল—একবার সংস্কৃত কলেজে স্বতির অব্যাপকের পদ থালি হয়—আর একবার বর্ধমান মহারাজের সভাপণ্ডিতের জন্তে দেওয়ান বাহাদুর নিজেই আমার পর্বকুটীবে এসেছিলেন—গাঁয়ের মায়ায় সে লোভ ছেড়েছি। নিজের জন্তে যা করিনি, হেঁলের রোজ্গার খাবার জন্তে তাই ক’রবো ?—না সত্য, সে হয়না !

সত্যেন্দ্র। তাহ’লে আপনি আমার কিছু সময় দিন—আমি একটু ভেবে চিন্তে দেখি।

উপেন্দ্র । তা বেশ, সময় তুমি নাও—তবে খুব বেশী সময় তোমায় আমি দিতে পারবো না । তা ছাড়া, বোমার গহনার ঢাকাটার ভাবনাই হ'য়েছে আমার সব চেয়ে বেশী । ভবিষ্যতের কথা তো কেউ কিছু বলতে পারে না । সংসারচক্র—কি ভাবে যে চলবে, এক সেই চক্রধারাই জানেন—আর তো কেউ জানে না বাবা !

(ভবানী পুনরায় আসিল :

ভবানী । বাবা, বৌদি আপনার বিছানা করে মশারি টানিয়ে রেখে এসেছে—আপনি এখন শোবেন বাবা ?

উপেন্দ্র । হ্যাঁ—এখনই শোব । হ্যারে, তাদের খাওয়া হ'য়েছে ?—বোমা কি ক'ছেন ?

ভবানী । খাওয়া হ'য়ে গেছে—বৌদি রান্নাঘর গোছাচ্ছে—

[ভবানী চলিয়া গেল ।

উপেন্দ্র । অমন লক্ষ্মী-বৌ হয়না সত্য ! জিতেন আর বড়বোমা যে বা দিয়েছিলেন, ভেবোছিলাম সে বা আর সামলে উঠতে পারবো না ! ছোটবোমাকে পেয়ে আমি সব ভুলে গেছি—কোন ক্ষোভ নেই ! তুমি বড় ভাগ্যবান—কিন্তু খুব সাবধান । লক্ষ্মা যখন আসেন, তাও মানুষ জানতে পারেনা ;—আবার উনি যে কোন্ ফাঁকে চ'লে যান, তাও মানুষ বোঝে না—চ'লে যাবার পর হ'স্ হয় । (উঠিলেন) তুমি কি এরই মধ্যে আবার কলকাতায় যাচ্ছ ?

সত্যেন্দ্র । আজ্ঞে হ্যাঁ—দু'চার দিনের ভিতরেই যাব ।

উপেন্দ্র । বাড়ীতে যাতে থাকতে পারো, সেইভাবে চিন্তা করে দেখ । দেশে ঘরে থাকার কল্লনা তো করনি কখনো—তাই আমার কথাটা তোমার তেমন ভাল লাগেনি । হ্যাঁ শোন—এরই মধ্যে

একবার ভবানীর স্বশুরবাড়ী •গিয়ে সুরেশের সঙ্গে দেখা ক'রে আসবে না ?

সত্যেন্দ্র । আমার মাপ করবেন বাবা, আমি ওদের বাড়ীতে আর বাবনা । সেবার গেলাম, আমার সঙ্গে দেখাই করলে না !

উপেন্দ্র । মেয়েটির দিকে চাইতে পারিনে—ওকে একরকম হাত-পা বেধে জলে ফেলে দেওয়াই হ'য়েছে !

সত্যেন্দ্র । তাতে আপনার আর দোষ কি বলুন ?—মানুষের সঙ্গে পরিচয় না হ'লে তো আর নাচুষ চেনা যায় না !

উপেন্দ্র । এখন ওকে নিয়ে যে কি করি ! জামাই যদি বড় ক'রতো—শাশুড়ীর অবস্থা আমি কিছু মনে করতাম না ।

সত্যেন্দ্র । আপনি যে এখনো ভবানীকে সেই স্বশুরবাড়ীতে পাঠাতে চান বাবা, এই আশ্চর্য্য ! তারা কি শুধু ভবানীকেই যত্না দিচ্ছে ? —তারা আমার অপমান ক'রেছে, আপনাকে পর্য্যন্ত অপমান ক'রেছে ! ওকে আর সেখানে পাঠাবেন না—যেমন আছে এখানেই থাক ।

উপেন্দ্র । যুবতি কহা—যে কারণে তার বিবাহ দেওয়া হয়, ঠিক সেই কারণেই তাকে বাপের বাড়ী রাখা চলেনা সত্য !

সত্যেন্দ্র । কিন্তু কি ক'রবেন বলুন—বার সঙ্গে ভবানীর বিয়ে দিলেন, সেই যে অমাতুষ ! না বাবা, ও যেমন আছে তেমনি থাক—ওকে সেখানে আর পাঠাবেন না ।

উপেন্দ্র । তা হয়না সত্য, আমি নিজেই ওকে সেখানে রেখে আসবো—সুরেশকে সুরেশের মাকে হাতে ধ'রে ব'লে আসবো । আমি মেয়ের বাপ, আমার এতে মান অপমান নেই !

সত্যেন্দ্র । আপনার কথার উপর তো কথা বলতে পারিনে ; তবে

‘আমার হৈছে না—ভবানী সেখানে যায়।’ ওরা যে ইতর বাবা,—ভবানীকে মারে, পেতে দেয়না !

উপেন্দ্র : নাহুব তো ?—একটা গাখী পুস্লে তার উপর মায়া হয়—
যবেব বৌ যদি মুখ বুঁজিয়ে সব স’য়ে থাকে, তাদেরও মন নরম হ’বে—
ওর উপরও মায়া প’ড়বে। যাক্, রাত হ’ল—আমি শুইগে ; তোমরাও
শুয়ে পড়। (দ্বারের কাছে) বৌনা, এগনো রান্নাবরে কি ক’ছ বাছা ?
ও সব কাজ কাল সকালে ক’রো। ভবানী, বৌমাকে ব’লে দে—আমি
মানা ক’স্ছি।

ভবানী। (রান্নাবর হইতে) কাল সকালে ধানচালের কাজ আছে
বাবা—আজ রাতে সকালের কিছু কিছু সেরে রাখতে হয়।

উপেন্দ্র। নাঃ—মেয়েজুটো খেটে খেটে নাকাল হ’য়ে গেল !

[শব্দান :

ভবানী। (রান্নাবর হইতে) না বাবা, আর দেবী নেই—আমাদের
হ’য়ে গেছে।

[ভবানী ভিতরে আসিল ; সন্তোদ্র একগান বইয়ের

পাতা উল্টাইতে লাগিলেন]

ভবানী। আমিহি বার বার ঘরে আস্ছি—আর বৌদি একবারও
আস্ছেননা, দাদার আমার উপর রাগ হ’ছে—না দাদা ?

সন্তোদ্র। হ্যাঁ—হছে। তুমি কুটিলে ননদী, নিজে ফপলাদালালী
ক’ছ—আর বৌকে খাটিয়ে খাটিয়ে মাষ্ছ তো ?

ভবানী। হ্যাঁ—তোমার তেমনি বউ কিনা ! সে আর কাউকে কাজ
ক’স্তে দিলে তো ? (ভবানী ষ্টীল ট্রাঙ্ক খুলিল)।

সত্যেন্দ্র । এই এত রায়ে আবার ষ্টীল ট্রাঙ্ক খুলছি ক'ন্ রে ?

ভবানী । (মূঢ়া হাঙ্গের সহিত) বৌদিকে একখানা ভাল কাপড় ব'রি ক'রে দিই—আমার ইংরিজী লেখাপড়া-জানা, সায়েবানানা ওয়ানা দাদা—অজ পাড়ার্গেয়ে বৌদি—বদি পছন্দ না হয় !

সত্যেন্দ্র । তোমার বড় বাড়ি হ'য়েছে—অনেকদিন শাস্ত্রীর বেড়ীর ছাকা গায়ে প'ড়ে নি কিনা !

ভবানী । ও কথা আর মনে করিয়ে দিওনা দাদা—বেশ ভুলে আছি ! বৌদিকে কাপড়খানা দিয়ে আসি, তোমার সঙ্গে দুটো কথা আছে দাদা !

ভবানী । (দরজার কাছে আসিয়া) বৌদি, এই নাও—ময়লা কাপড়খানা ছেড়ে এই গোওয়া কাপড়খানা পর—আর এই নাও এসেনের শিশি—উঃ লাগে, চিম্টি কাটিস্নে পোড়ারমুখি ! রাত বারোটা বেজে গেছে—তুই যত দেবী ক'ছিস, দাদা তত রাগছে !

ভবানী । (ঘরের ভিতরে আসিয়া) বাবা তোমার কাছে আমার সম্বন্ধে কি বলছিলেন গা দাদা ?—

সত্যেন্দ্র । বলছিলেন, তোকে আবার তোর শাস্ত্রীর কাছে পাঠিয়ে দেবেন ।

ভবানী । তুমি কি বললে ?

সত্যেন্দ্র । আমার মত জানিস্ তো !

ভবানী । কি, আমার লেখাপড়া শিখিয়ে স্বাধীন ক'রে দেবে ?

সত্যেন্দ্র । তোমার বা লেখাপড়া হবে, তা মা সরস্বতীই জানেন !

ভবানী । সত্যি বলছি দাদা, আমি লেখাপড়া শিখবো—তুমি ব বস্থা কর । শুনেছি, বড়দার মেয়ে বাঁধি নাকি খুব ভাল লেখাপড়া শিখছে ?

সত্যেন্দ্র । সে এবার বি-এ দেবে ।

ভবানী । বড়দার ওখানে গিয়েছিলে দাদা ?

সত্যেন্দ্র । বীথি বড় “কাকা কাকা” করে—ওর জন্তো মাঝে মাঝে বাই । তা সে তো বাপমার কাছে থাকে না—দিদিমার কাছে মানুষ, সেখানেই থাকে ।

ভবানী । বীথি কত বড় হয়েছে দাদা ?

সত্যেন্দ্র । আঠার উনিশ বছর হ’ল আর কি ।

ভবানী । বড় দেখতে ইচ্ছে করে—বিয়ে হয়নি আজও ?

সত্যেন্দ্র । এখনি বিয়ে কিরে ? বি-এ পড়ছে—বি-এটা পাশ করুক । বড়বোদির ইচ্ছে, তাঁর মত তাঁর মেয়েও বিলেত যায় ।

ভবানী । তবে বিয়ে দেবে—ওমা কি ঘেঞ্জা ! আচ্ছা দাদা, ওরা কেবল মেয়েকে পড়াতেই চায়—বিয়ে দিতে চায়না ? মেয়েমানুষকে অতো পড়িয়ে যে কি হবে, তাতো বুঝিনে !

সত্যেন্দ্র । না, পড়িয়ে কিচ্ছু হবে না—বিয়ে দিলেই চতুর্ভুজ ফল হবে !

ভবানী । আচ্ছা দাদা, বড়বোদি দিনরাত জুতোমোজা প’রে থাকে, ইংরিজীতে কথা বলে, পাঁউরুটী আর মুরগীর মাংস খায় ? মাগো, ওয়াক্—কি করে যে পারে ! আচ্ছা দাদা, বড়বোদি সিংথেয় সিঁদূর পরে না—পায়ে আলতা দেয় না ?—

সত্যেন্দ্র । জানিনে বাপু ! একদিন সঙ্গে ক’রে নিয়ে যাব—গিয়ে দেখে আসিস্ । সাহেবমেমের মৃগল মূর্তি দেখে নয়ন সার্থক ক’রো !

ভবানী । কত মেম শুনেছি বাঙালী বিয়ে ক’রে শাঁখা পরে, খন্দরের লালপেড়ে শাড়ী পরে, আলতা পায় দেয়, পান খায়—আর বড়বোদি বাঙালীর মেয়ে হ’য়ে কি ক’রে যে মেম সেজে থাকে—মাগো !

সত্যেন্দ্র । সাথে আর পাড়ার্গেয়ে মেয়ে ব'লেছে !—তোমাদের মত বারা ধর্মসিদ্ধি না করে, আর ভাতডাল না রাঁধে, তাদের তোমরা মেয়ে-ম'লুষ ব'লেই গ্রাহ্য করনা—কেমন ?

ভবানী । একশ' বার—হাজার বার !

সত্যেন্দ্র । তা সে কথা আমায় ব'লে আর কি লাভ ? বড়বোয়ের সঙ্গে যদি কখনো দেখা হয়—এই নিয়ে তার সঙ্গে ঝগড়া বাধাস্ । সহরের কলেজে পড়া মেয়ে তারা—পিয়ানো বাজিয়ে কেমন গান গায় ; পারিস্ তোরা ?—আমায় আর বকাস্নে ! যা শুয়ে পড়্গে ।

[সত্যেন্দ্রের প্রস্থান ।

(দেবী প্রবেশ করিল)

দেবী । কি, তাইয়ের সঙ্গে অত তর্ক কিসের ?

ভবানী । তুমি আস্তে দেবী ক'চ্ছিলে ব'লেই তো দাদা আমার উপর চটে গিয়ে যা না তাই বল্লে !

দেবী । কি ব'ল্লেন ?

ভবানী । আমাদের মত পাড়ার্গেয়ে মেয়ে গুর ভাল লাগেনা—আমরা পিয়ানো বাজিয়ে গান গাইতে পারিনে—

দেবী । পিয়োন আবার বাজায় কি করে ? তারা তো ডাকের চিঠি বিলোয় !

ভবানী । দূর মুখপুড়ী—তুই আমার আমার উপর পণ্ডিত ! সত্যি বউ, তুই এই দিনরাত সংসারের কাজকর্ম করিস—ফিটফাট হ'য়ে থাকিস্নে, দাদার তা ভাল লাগেনা !

দেবী । তুমি কি করে জান্লে ? তোনার দাদার মনের কথা আমার চেয়ে তুমি ভাল জ্ঞান নাকি ?

ভবানী। আঃ, কি কথার ছিরি! বলে—“যার জন্তে করি চুরি, সেই বলে চোর!”—আচ্ছা!

দেবী। না ভাই ঠাকুরঝি, রাগ করিস্নি—মাথা থাম্।

ভবানী। দাদা তোকে কল্কাভায় নিয়ে গিয়ে মেন সাজিয়ে দেয় তো বেশ হয়!

দেবী। বরাতে থাকে—সাজতে হবে!

ভবানী। সত্যি বৌদি, দাদা যদি তোকে মেন সাজতে বলে—তুই সাজতে পারিস্?

দেবী। তোমার দাদার যদি সে সাধ থাকে—তো আমার সাজাতে বাবেন কেন, একটা সত্যিকারের মেন বিয়ে করবেন! আমি পাড়ার্গেয়ে বো—গাঁয়ে আছি, গাঁয়েই থাকবো!

ভবানী। কি জানি বৌদি, আমার যেন কেমন মনে হয়—এবাড়ীর পুরোণো চালচলন ছোড়ার ঠিক পছন্দ হয় না।

দেবী। যতদিন বাবা আছেন, ততদিন পুরোণো চাল চলবেই। তারপর উনি যখন কষ্টা হবেন—যা নতুন চালাতে চান, চলবে।

ভবানী। ঐ দাদা আসছে, আমি চল্লাম বৌদি। দাদা কিন্তু বড় বোকা! বোঝেনা—এবাড়ীতে পুরোণো চাল আছে বলেই ওই পাড়ার্গেয়ে মেয়ে—না ব’লতে গায়ের গয়না সব খুলে দিয়েছিল—সহরের শেখাপড়া জানা মেয়ে হ’লে আর—

দেবী। আঃ ঠাকুরঝি—কি যে বলিস্! তোমার দাদা শুনতে পাবেন যে।

[ভবানী চলিয়া গেল।]

[সত্যেন্দ্র আসিল ; দেবী বিজানা ঝাড়িতেছিল,
নমস্কার করিয়া পায়ের ধূলা লইল্]

সত্যেন্দ্র । আমি কি তোমার গুরুঠাকুর, যে বাড়ীতে এলেই এমনি ক'রে আমায় পায়ের ধুলো নেবে ?

দেবী । নিশ্চয়ই গুরুঠাকুর (মুহূহাসি) ! কেন, গুরুঠাকুর হ'তে 'তোমার আপত্তি আছে নাকি ?

সত্যেন্দ্র । দস্তর মত আপত্তি ! উঃ, সেই বেলা দশটায় বাড়ী এসেছি—আর এই রাত এগারটার পর তোমার দেখা পেলাম ।

দেবী । কেন ?—দুপুরবেলা এসে আমি একবার দেখে গেছি ; তুমি তখন ঘুমুচ্ছিলে ।

সত্যেন্দ্র । পুরো একটা ঘণ্টা তোমার আশায় হা-পিড়িসে ব'সে, তারপর তুমি যখন কিছুতেই এলেনা—

দেবী । তখনই কি ক'রে আসি—তখনো বাবা বাইরের ঘরে যাননি যে !

সত্যেন্দ্র । তুমি এবরে এলে বাবা আস্তে আস্তে বাইরের ঘরে চ'লে যেতেন !

দেবী । ছিঃ ! আচ্ছা, বাবা যা বলছিলেন—তাই কর না কেন ?

সত্যেন্দ্র । কি বলছিলেন বাবা ?

দেবী । এখানকার ইস্কুলে মাষ্টারি !

সত্যেন্দ্র । চল্লিশ টাকার মাষ্টারি ক'লে চার বছরেও তোমার গহনা শোধ হবে না ।

দেবী । না হ'গ্গে ! গহনার ভাবনায় আমার তো আর ঘুম নেই সারারাত !

সত্যেন্দ্র । তুমি খুব খুসী হয়েছ—না ?

দেবী । তুমি ভাল হ'য়ে পাশ ক'রেছ—লোকে তোমার স্নখ্যাতি ক'স্ছে ; আমি খুসী হব না ?

সত্যেন্দ্র । আমার চেয়ে তোমার স্নেহাতি করছে বেশী ; তোমার গহনা বেচা টাকায় আমি প'ড়েছি—পাশ ক'রেছি ।

দেবী । গয়না বুঝি আমার ?—বেশ বুদ্ধি তো তোমার !

সত্যেন্দ্র । তোমার গয়না না তো কার গয়না ? তোমার বাবা কি আমায় গয়না দিয়েছিলেন নাকি ?

দেবী । গয়নাসমত আমাকে তোমার হাতে তুলে দিয়েছিলেন । তুমি আমার গয়না তো বিক্রী ক'রতে পারই—আমাকেও বিক্রী ক'রতে পার ! কিন্তু তাই বলে আমায় বিক্রী ক'রোনা যেন সত্যি সত্যি !

সত্যেন্দ্র । (দেবীর হাত ধরিয়া পাশে বসাইয়া) দেবি, সত্যি বলছি তুমি দেবী ! তুমি আমার চেয়ে অনেক উঁচু, আমি তোমার ষোগ্য নই !

দেবী । (প্রথমে কানে আঙ্গুল দিল ; পরে প্রায় কানে কানে ধূহহাস্তে) শোন—ঠাকুরঝি বলছিল, তোমার নাকি আমাদের মত পাড়ার্গেয়ে মেয়েদের ভাল লাগে না—কল্কাতার পিয়োনবাজানো-মেয়ে নাকি তোমার পছন্দ ! তাই যদি হয়, তুমি সেইরকম একটা মেয়েকে বিয়ে ক'রে এনো । আমি তাকে খুব বড় ক'রবো—খুব ভালবাসবো । আমি র'খবো আর তার পিয়োন শুনবো—বেশ হবে !

সত্যেন্দ্র । আর বাবা সেই পিয়োন বাজনা শুনে তাকে যখন ঝাঁটা মেরে বিদেয় ক'রে দেবেন, তখন তার উপায় কি হবে বল ? অবলা জীলোক—একটা পিয়োন ঘাড়ে করে কার দোরে গিয়ে দাঁড়াবে বল দেখি !

(মুদ্রভাবে হাসিল)

দেবী । হ্যাঁ—ভাল কথা, বড়দির সঙ্গে দেখা ক'রে আমার কথা তাঁকে বলেছিলে ?

সত্যেন্দ্র । দেবী, তুমি প্যাগল—তাই ভাবছ, তারা এখানে আসবে ;
তারা এখন সাহেব-মেমসাহেব !

দেবী । বাঙালী মেয়ে, স্বস্তুর এখনো বেঁচে আছেন—তু'দিন এস
স্বস্তুরের সেবা ক'রবেন না দিদি ?

সত্যেন্দ্র । তাঁদের ধারণা, ছুনিয়ার লোক তাঁদের সেবা ক'রবে—
তাঁরা কারো সেবা ক'রবেন না ।

দেবী । তুমি যাওনি সেখানে ?

সত্যেন্দ্র । না—দাদা-বোদির কাছে যায়নি—যাওয়ার ইচ্ছেও নেই
খুব বেশী । বীথির জন্তে বাই—তা সে ওঁদের ওখানে থাকে না ।

দেবী । সত্যি, একদিন যেও—আমার কথা বড়দিকে বলো । আমার
মনে হয়, আমি যদি বাই—তাঁদের সম্বন্ধেইকে ধ'রে আনতে পারি ।

সত্যেন্দ্র । এইবার ক'ল্‌কাতায় গিয়ে বাব সেখানে ! হ্যাঁ, আমার
মহা সৌভাগ্য—দাদা আমার গোঁজ নিয়েছেন, একখানা চিঠি
দিয়েছেন !

দেবী । কবে চিঠি দিয়েছেন ?

সত্যেন্দ্র । কাল রাতে চিঠি পেয়েছি ।

দেবী । কি লিখছেন ?

সত্যেন্দ্র । লিখছেন—তুমি এন-এতে First-class পেয়েছ
দেখে খুব খুসী হ'য়েছি ! পত্রপাঠ আমার সঙ্গে একবার দেখা ক'রো—
আমি হয় তো তোমার জন্তে কিছু করতে পারি । এই যে সে চিঠি !

দেবী । দেখি—ওমা, এ যে ইংরিজীতে লেখা ! ভাহুর হয় তো কি
কাজ যোগাড় ক'রে দেবেন, কোন্ দেশে যেতে হবে—তার ঠিক নেই ;
তার চেয়ে তুমি বাবা যা ব'লছেন তাই কর—গাঁয়ের ইষ্টুলের মাষ্টারি কর ।

সত্যেন্দ্র । শোন দেবী, আজ তোমার বলি—আমার মনে খুব বড়

আকাজ্জা, অতি বৃহৎ সাধ—আমি তোমাদের মত অল্পে সন্তুষ্ট হ’তে পারিনে! তুমি আমার ঘরে এসে ঘরের কাজ কর, বাসন মাজ, ধান সিদ্ধ কর, গরু বাঁধ—আমি সহ্য করতে পারিনে—আমার কান্না আসে! সাধারণের মত আমি থাকতে পারবো না—আমি খুব বড় হব—দিনরাত পরিশ্রম করবো। নিত্য অভাবের ভিতর থেকে থেকে অভাবটাই আজ আমাদের স্বভাব হয়ে গেছে। বাবা কখনো বেশী টাকা উপার্জন করেন নি—উনি মাসে চল্লিশ টাকা যথেষ্ট মনে করেন; আমি তা মনে ক’রতে পারিনে। ছেলেবেলা থেকে বড় দুঃখে বাবা আমাদের মানুষ ক’রেছেন—আমি চাইনে আমার ছেলেমেয়েরা আবার এইরকম দারিদ্র্যদুঃখ পায়।

দেবী। যদি গাঁয়ে থাকতে—আমি কাছে থাকতে পেতাম; বড় ইচ্ছে হয়—দিনান্তে একটিবার তোমার মুখ দেখি!

*সত্যেন্দ্র। আমি কি শুধু নিজের জগেই টাকা উপার্জন করতে চাই দেবী?—তোমরা যাতে সুখে থাক, বাবা বৃদ্ধ বয়সে কষ্ট না পান—সেই জগেই তো উপার্জনের চেষ্টা। আমি যেখানে থাকবো—তুমিও সেইখানেই থাকবে; তবে আপাততঃ তোমার কোন আশঙ্কা নেই। আমি যা ক’রবো, নিজেই ক’রবো—দাদা আমার জন্তে কিছু ক’রবেন না।

দ্বিতীয় দৃশ্য

[কলিকাতা—জে. এন চ্যাটার্জি এক-এ, বার-এট-লর বালিগঞ্জের বাড়ী—বিতলের
সমজিত কক্ষ—তার বন্ধু মিঃ চ্যাটার্জি এবং মিস্ ইলা চ্যাটার্জি ।]

মিঃ চ্যাটার্জি । যে ছেলেটার কথা তুমি বলছিলে, সেটা তোমার
বিশেষ আত্মীয় ?

জিতেন্দ্র । My younger brother.

মিঃ চ্যাটার্জি । তোমার নিজের ভাই ?

জিতেন্দ্র । সহোদর—

মিঃ চ্যাটার্জি । তোমার ছোট ভাই ?—অথচ তাকে কোন দিন
দেখেছি বলে মনে হচ্ছে না তো !

জিতেন্দ্র । Fond of democracy—মেসে থাকতে ভালবাসে ।

মিঃ চ্যাটার্জি । Politically inclined না তো ?

জিতেন্দ্র । না—সে সব হাঙ্গামা নেই । •ভাল Scholar, rather a
bookworm—রাতদিন পড়াশোনা নিয়েই আছে । এবার থেকে
ভাবছি বাড়ীতেই রাখবো—দশজনের সঙ্গে একটু মেলামেশা ক'রতে
শিখুক !

মিঃ চ্যাটার্জি । কাগজে নাম দেখে—I fixed my mind on him.
জাত মানি আর নাই মানি,—এতদিনের সংস্কার—মেয়ের বিয়ের সম্বন্ধ
ক'রতে গিয়ে আগে নজর পড়ে ব্রাহ্মণের ছেলের উপর ।

জিতেন্দ্র । Quite so—quite so ! অবিশ্বি আমি নিজেই তাকে
খরচা ক'রে বিলেত প্রাঠাতে পার্কেম ; but you know my ins and

outs—তোমার কাছে আর গোপন করবার কিছু নেই—তুমি তো ভাই বাঙালী স্ত্রী নিয়ে ঘর কর। I have a wife who got her training in London ; স্ত্রীরাং দর্জিৎ খরচাটা আমার অন্তঃ পক্ষে তোমার তিন গুণ ! I spend every pie I earn, and there are two unmarried daughters—বড়টীর বিয়ে দিয়ে বোধ করি জামাইটিকে বিলেত পাঠাতে হবে !

মিঃ চ্যাটার্জি । আমার হাঁড়ির খবর তুমি জান, তোমার হাঁড়ির খবরও আমার জানা আছে । Ila is my only daughter and I won't spare myself for her future. জামাইকে বিলেত পাঠানোর জন্যে যা খরচ লাগে, সে খরচ আমি করবো ; but he sails alone—ইপাড়াডীতে আমাদের কাছেই থাকবে ।

জিতেন্দ্র । Oh certainly ! Let our homes remain primitive Hindu homes—বাড়ীর ভিতরটা যতখানি হিন্দু থাকে, ততই ভাল । আমার আর উপায় নেই—I am a doomed man !

মিঃ চ্যাটার্জি । Mrs. Banerji কোথায় ?—এখনো তাঁর দেখা নেই যে !

জিতেন্দ্র । বোধহয় toilet সারা হয়নি—এই সময়টাতে বেড়াতে বেরোন কিনা ; তোমার মেয়েটির তো বড় কষ্ট হচ্ছে—একা একা চুপ্‌টা ক'রে ব'সে আছে—Poor dear !

মিঃ চ্যাটার্জি । তা হোক—তা হোক !

(এমন সমঃ ফোন বাজিয়া উঠিল—জিতেন ফোন ধরিলেন)

জিতেন্দ্র । Hallo—কে ?—সত্য ? এস—এস ; হ্যাঁ, এখন বাড়ীতেই আছি—দেখা হবে ; একেবারে সোজা উপরে চ'লে আস্বে ।

[মিসেস্ মায়া ব্যানার্জি ও তার মধ্যমা কন্যা মিস্ গীতি ব্যানার্জি

সুসজ্জিত অবস্থায় প্রবেশ করিল]

গীতি । (ইলার নিকটে গিয়া) ওমা, ইলাদি যে—কতক্ষণ এসেছ ?
গান গাইবে নাকি ? বাবা ; ইলাদি বড় ভাল গাইতে পারে ।

মায়া । এই যে মিষ্টার চ্যাটার্জি ! নমস্কার—একেবারে ইলাকে
সঙ্গে করে ?—হঠাৎ আমাদের এত সৌভাগ্য—পথ ভুলে নিশ্চয়ই !
স্বামীকে সঙ্গে ক'রে আনেন নি কেন ? অনেক দিন তাকে দেখিনি ।

মিঃ চ্যাটার্জি । তিনি আজকাল বেরুতে চান না বড় ।

মায়া । A very bad sign. আপনি জোর ক'রে সঙ্গে নেবেন ।
I am afraid, she no longer feels a young woman.

ইলা । বীথি কোথায় মাসীমা ?

জিতেন্দ্র । সে তার দাদানশায় দিদিমার কাছে মানার বাড়ীতে
থাকে ।

মিঃ চ্যাটার্জি । (মায়ার প্রতি) আপনার মা বুঝি তাকে মানুষ
ক'রছেন ?

মায়া । No—মানুষ তিনি করতে জানেন না ; or rather she
forgot the art. She is making an ass of her.

মিঃ চ্যাটার্জি । কি রকম—কি রকম ? আপনি আপনার মায়ের
উপর এত চটলেন যে ?

মায়া । বাবা মা—দুইই ; আপনি শুন্লে আশ্চর্য্য হয়ে যাবেন—Mr.
Chatterji—বুদ্ধ বয়সে বাবার ঘাড়ে আবার হিংড়ানির ভূঁচ চেপেছে—
তিনি নাকি যোবনে যে ভুল করেছিলেন, তার প্রায়শ্চিত্ত করছেন !
আর তাঁর প্রায়শ্চিত্তের medium হ'চ্ছে বীথি—সে নাকি কীৰ্ত্তন গায়,

শিবপূজা করে, গঙ্গানানে যায়—Did you hear the like of it anywhere in the world ?

গীতি । দিদি কিস্ত খুব ভাল কীর্ত্তন গায় মা ! আর সব এত ভাল ভাল শ্লোক শিখেছে—কেমন মুখস্থ ব’লে—বড় ভাল !

মায়া । তুমি Tennyson থেকে recite ক’লে পারবে ।

গীতি । দিদি যখন শ্লোক বলে, সে কেমন ভাল শোনায় ! বাবা, আমায় একখানা “চয়নিকা” বই কিনে দিতে হবে—তাতে সব ভাল ভাল বাঙলা পদ আছে ।

জিতেন্দ্র । তোমার মায়ের sanction আগে নাও ।

[দারোয়ান আসিয়া কার্ড দিল ; জিতেন্দ্র সি ডির দিকে গেলেন—সত্যেন্দ্র

আসিল । সত্যেন্দ্র প্রবেশ করিতেই—সকলের দৃষ্টি তাঁর উপর

পড়িল ; ইলা একবার এক পলকের জন্য আগন্তকের

দিকে চাহিয়া দেখিল চারি চক্ষুর মিলন হইল—

ইলা লজ্জায় রাঙা হইয়া উঠিল ।]

জিতেন্দ্র । এস সত্য ; Mr. Chatterji—my younger brother Satyendra Banerji, যার কথা হ’ছিল—এবার এম-এতে ইংলিসে second stand করেছে ।

মিঃ চ্যাটার্জি । Oh, I see ! very glad to meet you.

(সত্যর করমর্দন করিলেন)

জিতেন্দ্র । Mr. Chatterji, Bar-at-Law, my friend. ইনি তাঁর একমাত্র মেয়ে—Miss. Ila Chatterji. তোমার বোঠাক্করণের সঙ্গে তোমায় বোধহয় আর introduce করে দিতে হবে না ।

(মায়া সত্যকে শেকহাও করিতে গেলেন, অনন্তান্ত সত্য শুধু নমস্কার করিল)

মায়া । So glad to see you! তুমি বেশ ভাল পাশ করেছে দেখে বড় খুসী হ'য়েছি ।

গীতি । কাকাবাবু, আপনি আমায় বাঙলা পড়াবেন? দিদি কেনন ভাল বাঙলা পড়ে ।

মিঃ চ্যাটার্জি । কাল রবিবার আছে—আম্বন না, আমাদের ছোট family নিয়ে একটা ছোটখাট steamer-party arrange করা যাক—Mrs. Banerji ?

মায়া । খুব ভাল কথা—কিন্তু এত শীগগির steamer যোগাড় হবে কেনন ক'রে? (মায়া জিতেন্দ্রের দিকে চাহিলেন) ।

মিঃ চ্যাটার্জি । সে ভার আমার উপর—I have one at my disposal. বেশ ভাল steamer—deck আছে, cabin আছে; তোমার কোন আপত্তি নেই তো ?

জিতেন্দ্র । না—আপত্তি কিসের ?

মিঃ চ্যাটার্জি । আচ্ছা, তাহ'লে এখন উঠি । আমি সব ঠিক ক'রে রাত নটা সাড়ে নটায় তোমায় phone করবো—তোমার ভাইকেও সঙ্গে নিয়ে যেও ।

জিতেন্দ্র । You may invite him personally.

মিঃ চ্যাটার্জি । ইলা, সত্যেনবাবুকে—তুমি নিমন্ত্রণ কর । He will be your guest.

ইলা । (অত্যন্ত লজ্জিতভাবে) Mr. Banerji—

সত্যেন্দ্র । থাক থাক—আপনাকে অতো formalit' কর্তে হবেনা—আমি যাব কাল ।

মিঃ চ্যাটার্জি । তাহ'লে Mrs. Banerji, আপনি আর আপনার বন্ধু—আপনারা দুজনে manage the party.

মায়া। তাহ'লে আপনি ঠিক phone না ক'রে আমার phone ক'রবেন।

মিঃ চ্যাটার্জি। আচ্ছা—আজ তাহ'লে উঠি; এই ব্যবস্থাই পাকা রইল। এস ইলা!

[প্রস্থান।

মায়া। আমরাও একটু বেড়িয়ে আসি। সত্য, পালিয়ানা যেন—তোমার দাদার সঙ্গে একটু গল্পগুজব কর; আমি এখনই ফিরে আসছি—এস গীতি!

[প্রস্থান।

জিতেন। ব'স সত্য—তোমার সঙ্গে কথা আছে। আমার চিঠি পেয়েছিলে?

সত্য। হ্যাঁ, পেয়েছি।

জিতেন। আস্তে দেবী হ'ল যে?

সত্য। আমি কলকাতায় ছিলাম না—আজ সকালে এসেছি।

জিতেন। কোথায় গিয়েছিলে?—দেশে?

সত্য। হ্যাঁ।

জিতেন। বাড়ীর খবর কি? বাবা কেমন আছেন?

সত্য। সে খোঁজে আর আপনার কি দরকার বলুন?—আপনি তো কখনো তাঁর খোঁজ নেন না।

জিতেন। না নিই না—একথা সত্যি। আজ বার বছর আমি বিলেত থেকে দি রে এসেছি—এই বার বছরের ভিতর বাবাও কি একদিন আমার খেঁজ নিয়েছিলেন?

সত্য। কতবড় প্রচণ্ড আঘাত আপনি তাঁর বুকে দিয়েছেন, এ ধারণা যদি আপনার থাকতো দাদা!

জিতেন। তোমার বিশ্বাস, সে ধার্ম্য আমার নেই ?

সত্য। না নেই। আপনি যদি একবার তাঁর কাছে গিয়ে ক্ষমা চাইতেন।

জিতেন। ক্ষমা কেন চাইব সত্য, আমি তো কোন অপরাধ করিনি। বিনা অপরাধে তিনি আমার ত্যাগ করেছেন।

সত্য। তিনি আপনাকে ত্যাগ করার আগেই কি আপনি তাঁকে ত্যাগ করেন নি ?

জিতেন। তুমি তখন খুব ছোট, সব কথা জাননা—সব কথা বুঝবার বয়সও তোমার হয়নি তখন। বিলেত থেকে আমি বাবাকে উপরি উপরি তিনখানা পত্র লিখি। দুখানা পত্রের তিনি কোন উত্তর দেন নি। তৃতীয় পত্রের উত্তর এল। একটা মাত্র কথা তাতে লেখা—“তুমি আমার ত্যাজ্য পুত্র। কখনো এ ভিটেয় এসো না—আমায় তোমার মুখ দেখিয়ে না”। জীবনের অনেক ঘটনা ভুলেছি। যেদিন মা মারা যান, সেদিনের কথা ভুলিনি—আর ভুলিনি, সেই পত্রের ভাষা ! পত্রখানা দেখতে চাও, দেখাতে পারি—এখনো বন্ধ করে রেখে দিইছি।

সত্য। এ চিঠির কথা আমি শুনি নি দাদা ! তবু আমার মনে হয়—আপনি যদি একবার যেতেন !

জিতেন। তিনি আমার মুখ দেখতেন না—মুখ ফিরিয়ে চ’লে যেতেন। তিনি আমার জীবনে যে ক্ষতি ক’রেছেন—এমন ক্ষতি কেউ করেনি। তিনি আর আমার স্বস্তির সুবিনয়বাবু দুজনে মিলে আমার জীবন নষ্ট ক’রেছেন।

সত্য। আপনি খস পেয়েছেন, মান পেয়েছেন, অর্থ, পদবী—সংসারে আত্মকুর দিনে লোকে যা চায়—তার সবই পেয়েছেন প্রচুর পরিমাণে ! আপনি তবু ব’লতে চান, আপনার জীবন নষ্ট হ’য়েছে !

জিতেন্দ্র। বাইরে থেকে দেখলে লোকে আমায় ভাগ্যবান বলবে—
ব'লেও! তোমাকে কিন্তু আমি ব'লছি—তুমি আমার বিশ্বাস কর সত্য,
আমি বড় দুর্ভাগ্য! আমার অন্তর হাহাকার কচ্ছে—জীবনে আমি
যা চেয়েছিলাম, তা পাইনি!

সত্য। আপনি কি জীবনে বশ আর অর্থ চান নি কোনোদিন?

জিতেন্দ্র। না—কলকাতার সহর কোনদিন আমার ভাল লাগেনি;
not even your London! লণ্ডনের কোন impression আমার মনে
নেই; শুধু মনে আছে, লণ্ডনের বাইরে পল্লীগ্রামের গৃহস্থ ইংরেজের
সৌজন্য—আমার খুব ভাল লাগতো! সেখানকার ছেলেমেয়েরা খুব ভাল!
তারা মানুষের সঙ্গে মানুষের মত ব্যবহার করতে জানে। তাদের সঙ্গে
মিশে এই কথাটাই আমার বার বার মনে হ'য়েছে—মানুষ যদি
জন্মভূমিতে থাকে, তবেই তার সর্কাস্পীণ বিকাশ হয়!

সত্য। বাবারও তাই মত, যদিচ আমি তা মনে করিনে!

জিতেন্দ্র। তুমি তা মনে করবে কোথেকে?—তোমার মন আজও
গ'ড়ে ওঠেনি। কি জানি, I feel foolish and sentimental
to-night!

(জিতেন্দ্র হইস্ব ও সোড়া বাহির করিলেন)

সত্য। আমি শুনেছি, আপনি বড় বেশী মদ খান—আপনার
শরীর ভেঙে যাচ্ছে।

জিতেন্দ্র। বাকনা—কি আবশ্যক সুস্থ শরীরে? পোষাকী জীবনে
দিনরাত পোষাকী কথা ব'লে ব'লে ক্লান্ত হ'য়ে প'ড়েছি! তোমার সঙ্গে
দুটো প্রাণের কথা ব'লবো। কখনো বলিনি, এমন সংস্কার হয়ে গেছে—
প্রাণের কথা ব'লতে গেলে মনে হয় weakness—তাই ব'লছি চক্ষু-
লজ্জাটা কাটিয়ে নিই!

সত্য । কতদিন থেকে মজা পান করছেন ?

জিতেন্দ্র । বহুকাল—যেদিন বাবা ত্যাজ্য পুত্র ক'বুলেন—সেই রাত্রে প্রথম পান করি। জান সত্য—প্রথম প্রথম বিলেত গিয়ে গিরামিষ খেতাম্—bread and butter, ফল আর দুধ। তারপর এখন তো অগ্নিদেব—সর্বভুক, কিছু বাদ যায় না—চতুষ্পদের মধ্যে তত্তপোষ, চেয়ার, বেঞ্চি—জলচরের মধ্যে নৌকো—আর খেচরের ভিতর যুড়ি ! তোমার বৌদিও ঠিক যোগ্য সহধর্মিণী—কিছু বাদ দেন না !

সত্য । আঃ—কি যে বলেন ! আমি উঠি দাদা—আপনার ও হাসি আমার ভাল লাগছে না।

জিতেন । না না ব'স—আমি হাসিব না। হাসি কি অমনি সোজা ব্যাপার—হাস্মলেই হ'ল ? এ হ'ল clownish laughter ! তোমার মনে পড়ে আমাদের গ্রামের নিধিরাম বাগ্দীকে ?—মনসার ভামানের দলে “গোদা” সেজে গান গাইতো—“মাছ ধরি মাছ ধরি ব'লে ব'য়ে গেল বাজার বেলা !” হ্যাঁ, লোকটা হাস্তেও জান্তো—হাসাতেও জান্তো।

সত্য । না—আমি উঠি দাদা !

জিতেন্দ্র । তোমার বৌদি যে ব'সতে ব'লে গেলেন।

সত্য । আর একদিন বরং আসবো—আজ আর ভাল লাগছে না।

জিতেন্দ্র । হু'একটি কাজের কথা আছে—যেজন্তো তোমায় ডাকি।

সত্য । বসুন !

জিতেন্দ্র । তুমি এম-এ পাশ ক'রে এখন কি ক'ব'বে স্থির ক'রছ ?

সত্য । কিছুই স্থির করিনি।

জিতেন্দ্র । বেশ লাইনে গেলে উন্নতি ক'রতে পারবে মনে কর !

সত্য । আপনি আমার জন্তে কি কর্তে পারেন তাই বলুন—তারপর আমি চিন্তা ক'রে দেখি ।

জিতেন্দ্র । (কাছে আসিয়া অনেকক্ষণ মুখের দিকে চাহিয়া) You are ambitious I think ! Civil service এ বেতে চাও—না Barrister হবে ?—আজকের দিনে Civil service is better.

সত্য । কি বলছেন—যা মনে আসছে !

জিতেন্দ্র । নাহে না—যা খুসী তাই বলছি। তোমার বিলেত যাওয়ার ইচ্ছে আছে ? থাকে তো আমার বল !

সত্য । কে খরচা দেবে ?

জিতেন্দ্র । ধর, আমিই যদি দিই । তুমি যাবে কিনা তাই বলনা ।

(মায়া ও গীতির পুনঃ প্রবেশ)

মায়া । My God !

সত্য । বৌদি ফিরে এলেন ?

মায়া । হ্যাঁ ; গীতি যাও—পড়ার ঘরে যাও ; এখন তোমার governess আসবেন ।

গীতি । কাকাবাবু, আপনি আজ এখানে আছেন তো ? আমার সঙ্গে দেখা না ক'রে যাবেন না !

[গীতির প্রস্থান ।

সত্য । আচ্ছা মা !

মায়া । একটু বাইরে গেছি—আর তুমি whisky নিয়ে বসেছ ?—horrible !

জিতেন্দ্র । Don't get cross, my sweet ! I surrender myself to you—তুমি যা হাতে ক'রে দেবে ! Well, sit down my dear. হ্যাঁ—সত্য, তোমায় যা বলছিলাম—তার কি উত্তর দিচ্ছ ?

মায়া । কি কথা হ'চ্ছে—আমি ভুলতে পারি কি ?

জিতেন । Certainly—আমি সত্যকে বলছি, ও বিলেত যেতে রাজি আছে কিনা ।

মায়া । যদি যেতে রাজি থাকে—তাহ'লে কি হবে ?

জিতেন । আমি পাঠাতে পারি ।

মায়া । (ব্যঙ্গ হাস্য) তুমি ?

জিতেন । Yes—I—why not ?

মায়া । যতক্ষণ নেশা আছে তোমার বিলেত কেন সত্য, উনি তোমায় রকেটে ক'রে চন্দ্রলোকে পাঠিয়ে দিতে পারেন ।

জিতেন । না—সত্যি মায়া I can manage, I tell you—তুমি বলই না সত্য !

মায়া । Oh, I see ! তাই নাকি !

জিতেন । হ'তে পারে—বলা যায় কি !

মায়া । হ্যাঁ, ও আবার বিলেত যাবে—তুমিও যেমন ! ও' আমারই ছোঁওয়া খায় না—পাছে ওর জাত্ যায় !

সত্য । না—এ কলঙ্ক আর রাখছি নে, বৌদি, আজই আপনার এখানে থাব ।

মায়া । আমার এখানে থাওয়া আর বিলেত যাওয়ায় অনেক তফাৎ ভাই !

সত্য । বাবা বৃদ্ধ হ'য়েছেন ; আপনারা যখন যান, তখন' তিনি শ্রোতৃ—তাঁর আঘাত সহ্য করার শক্তি ছিল । আমি বিলেত গেলে তিনি বড় কষ্ট পাবেন !

মায়া । তুমি যেতে পারবে না ।

সত্য । ৫০২

মায়া। তুমি স্কুল নাষ্টারি ক'রবে—কিন্তু বড় জোর Writer's buildingsএ কেরাণী হবে।

সত্য। কেন, এসব কথা কেন বলছেন?

মায়া। জগতে যারা উন্নতি করে, তারা তোমার মত বড়ো বাপের ভাবনা ভাবেনা।

সত্য। বৌদি, আপনি তাঁর ভাবনা না ভাবতে পারেন; তিনি তো আপনার কেউ নন—স্বামীর বাপ! দরিদ্র ব্রাহ্মণ, টাকাকড়ি নেই—ইংরিজী লেখাপড়া জানেন না। আমি আপনাকে জিজ্ঞাসা করছি দাদা, এখন বাবাকে ছেড়ে যাওয়া কি উচিত হবে আমার পক্ষে?

জিতেন। সেটা তোমার কর্তব্য—তুমি বুঝবে ভাই! You manage your own affairs! আমি শুধু তোমার বলছি—তুমি যদি বিলেত যেতে চাও, আমি তার ব্যবস্থা করে দিতে পারি।

মায়া। তুমি এ ব্যাপারে হাত দিতে যেও না। ওঁরা কোনদিন আমাদের interference পছন্দ করেন না, সত্য তো ছেলেমানুষ, ওর কথা ছেড়ে দাও। তুমি ভাল মনে করে করবে, তোমার বাবা মনে করবেন—ছেলেটাকে আমার কাছ থেকে কেড়ে নিলে। তিনি ছু'শ বছর আগেকার মানুষ—তিনি হিন্দুসমাজকে সত্যযুগের সমাজ ক'রে তুলতে চান! Certainly we are not to blame, if we live with the times.

জিতেন। তোমার বৌদি নেহাৎ মন্দ কথা বলেন নি—তুমি আগে মনঃস্থির কর। বাবাকে যদি সুখী কর্তে চাও—তার পথ আলাদা; আর নিজেকে যদি বড় হ'তে চাও, তারও পথ প'ড়ে আছে।

মায়া। না—সত্য; তুমি তোমার মেসে সিন্ডি বাও; আমি

একদিনের জন্তে এখানে তোমায় জোর ক'রে পাইয়ে তোমার জাত মারতে চাই নে।

সত্য। আমার জাত অতো ঝুঁকো না বোদি! আপনার বাড়িতে একদিন খেলে আমার জাত নষ্ট হবে না।

মায়া। মনে থাকে যেন, অন্যদের এখানে বাবুচ্চিতে রাঁধে।

সত্য। আপনি আনায় অত কি ভয় দেখাচ্ছেন বোদি?—personally আমার বাবুচ্চির গাতে খেতেও আপত্তি নেই, বিলেত যেতেও আপত্তি নেই—আমি শুধু ভাবছি বাবার জন্তে।

মায়া। তুমি পারবে না—তুমি এ পক্ষে এস না; এ বীরের পক্ষ, যারা তোমার মত ভাবে, তারা এপক্ষে যেতে পারে না।

সত্য। আপনি সত্যি বলছেন দাদা—বিলেত যাওয়ার ব্যবস্থা আপনি ক'রে দেবেন?

জিতেন। তুমি যদি কাল passport আর passage-এর ব্যবস্থা ক'রতে বল—আমি কালই সে ব্যবস্থা ক'রে দিতে পারি। তবু আমি তোমায় জোর করে বলতে পারছি, তুমি বাবাকে ছেড়ে বিলেত যাও।

সত্য। বাবা বড় conservative! আজকের দিনে অতটা বাড়াবাড়ি করা অস্বাভাবিক—সে আমি বুঝি।

জিতেন। Nature takes revenge—যেখানে সীমা অতিক্রম করা হয়, সেইখানেই প্রকৃতি প্রতিশোধ নেয়; প্রকৃতি কাউকে ক্ষমা করে না—বাপকেও না, ছেলেকেও না।

সত্য। আমি বিলেত যাওয়া অস্বাভাবিক মনে করি নে। higher scientific education যারা চায়, তাদের বিলেত যাওয়াই কৰ্ত্তব্য। আমি যদি বিলেত যাওয়ার সুযোগ পাই, আমি সে সুযোগ খেয়ে—
ছুড়ে দেব না।

মায়া । তোমার বাবা যদি দুঃখ পান ?

সত্য । নিজের বোকামি আর গৌড়ামির জন্তে তিনি যদি দুঃখ পান, আমি আর কি কর্তে পারি ?

জিতেন । Never mind—we shall be sorry for the poor old man ! আমরা সবাই তাঁর জন্তে দুঃখিত হব—সেইখানেই আমাদের কর্তব্য শেষ হবে । তুমি বিলেত যেতে প্রস্তুত ?—তাহলে আমি seriously চেষ্টা করি ?

সত্য । (অল্প চিন্তার পর কৃতসঙ্কল্প হইল) হ্যাঁ—আমি প্রস্তুত ।

মায়া । দেখো—শেষে তোমার বাবার কাছে ফিরে গিয়ে আমাদের ঘাড়ে দোষ চাপিয়ে দিয়ে নাকে কাঁদবে না তো ?

সত্য । আপনি আমার কি মনে করেন—বলুন তো বোদি !

মায়া । A coward ! রবিঠাকুরের কি কবিতা আছে না ?—

“আট কোটা সন্তানেরে হে মুন্সী জননি—

রেখেছ বাঙালী করি, মানুষ করনি ।”

সত্য । আমি কবির এই ভুলটি সংশোধন কর্তে চাই । আমি স্বীকার করি, আমি বাঙালী—আপনার মত বাঙালী হতে ঘৃণা বোধ করিনে । আমি কচি থোকা নই—আমি যা করি, নিজের দায়িত্বে করি । আমি বাঙালী । বাঙালী হ'লেই সে আর মানুষ হ'তে পারে না, একথা আমি মানিনে । কোন জাতের চেয়ে বাঙালী ছোট—আমি স্বীকার করিনে । আমি সেই বাঙালী—যে, পৃথিবীর অগ্রান্ত জাত সে কাজ করে, সেই সব কাজ কর্তে পারে ; আর সে সব কাজ করার পরেও পাঁচটা বাঙালীই থাকে—আপনাদের মত সাহেব-মেমের অনুকরণ করে একটা কিস্ত-কিমাকার হয় না !

মায়া । Three cheers for this new young hero of Bengal !

সত্য। বৌদি! আজ আপনি আমার বিজয় করতে পারেন, কিন্তু আপনার এই ঠাট্টাই আমার আশীর্বাদ হবে। আজকের তরুণ বাঙালী যে কত বড় হ'তে পারে, সে ধারণা আপনার নেই!

জিতেন। এবার কিন্তু সত্য তোমার সত্যি সত্যি হারিয়েছে।

মায়া। সত্য আগে বিলেত থেকে ফিরে আসুক, নিজের চোখে দেখি, ও কি চিহ্ন দাঁড়িয়েছে—তারপর হার স্বীকার করি।

দ্বিতীয় অঙ্ক

প্রথম দৃশ্য

[চন্দনডাঙ্গা গ্রাম—উপেলনাথ স্মৃতিরত্নের বাড়ী। রান্নাঘরের দাওয়া ও বিস্তীর্ণ প্রাঙ্গণ।
উপেলনাথ ঠাকুরঘরে পূজায় বসিয়াছেন। রান্নাঘরের দাওয়ায় বসিয়া ভবানী ডা'ল
ঝাড়িতেছিল। দেবী একঘড়া জল লইয়া প্রাঙ্গণে প্রবেশ করিল। পূজার
ঘর হইতে ঘণ্টা বাজিল। ধূপ, ধূনা, চন্দন, তুলসী ও সস্ত্র প্রস্তুতি
ফুলের গন্ধে স্থানটী আমোদিত। ভিতর হইতে উপেলনাথের
উচ্চকণ্ঠে পূজার মন্ত্র শ্রুত হইতেছিল।]

উপেল্। (নেপথ্যে) 'দামোদর! ইহাগচ্ছ, ইহ তিষ্ঠ, ইহ সান্নিধ্যং
কুরু, অত্রাধিষ্ঠানং কুরু—মম পূজাং গৃহাণ।'

ভবানী। বউ!

দেবী। কি ঠাকুরঝি।

ভবানী। কাল ছোড়বার কোন চিঠিপত্র পেয়েছিঁস্?

দেবী। 'কই—না!

ভবানী। বৃথাবে একথানা চিঠি দিয়েছিলি না?

দেবী। উপরো-উপরি ছু'থানা চিঠি দিলাম—একখানারও উত্তর
এল'না।

ভবানী। উপরো-উপরি তিন শনিবার গেল—বাড়ীও তো
এলেন'না!

দেবী। বোধ হয় কোন কাজকর্মের সন্ধান পেয়ে কোথা হ'ন।

ক'ল্কাতায় থাকলে, কি অসুখবিসুখ ক'রলে,—হয় বাড়ী আসতেন, না হয় চিঠি দিতেন।

ভবানী। কি জানি তাই—মনটা কেমন ভাল নিচ্ছেনা; আমি বরং একবার প্রকাশদাদের বাড়ী থেকে ঘুরে আসি। কাল শনিবার গেছে—প্রকাশদা হয় তো বাড়ী আসতে পারেন।

দেবী। উনি আসেন নি—প্রকাশটাকুরপো কি আর একা একা বাড়ী আসবেন! সব কাজ ছুজনে একছোট হ'য়ে করেন।

ভবানী। বলাও তো যায় না। হয় তো ছোড়দা কোন নতুন কাজে ভর্তি হ'য়েছে—রবিবারেও হয় তো সেকাজে ছুটী নেই।

দেবী। রবিবারে ছুটী নেই—এমন কাজ তিনি নেবেন না।

ভবানী। কেন, তোমার কাছে আসতে পারবেন না ব'লে?

দেবী। চুপ্ কর, বাবা শুনতে পাবেন যে!

ভবানী। তোমার মুরদ বৃকে নিছি—তিন্তিন্টে শনিবার বাড়ী এলনা, তোমার দুখানা চিঠির একখানারও উত্তর দিগনা! ছোড়দার দেখছি তোমার নন্দায়ের বাতাস গায় লেগেছে।

দেবী। সত্যি, এমন তো কখনো করেন না! এখন কলেজ ছিল, তখনো এক শনিবার অন্তর বাড়ী আসতেন; আর এখন কলেজ নেই—পড়াশুনো নেই!

ভবানী। এবার বাড়ী এলে তুই ধ'রে পড়িস্—ব'লবি, তুমি দেশের ইস্কুলে মাস্টারি কর। অত বেশী টাকা যোজ্গারের দরকার নেই, বাপু—কি হবে আমাদের বেশী টাকায়? তুই ঠাকুরের ভোগ চড়িয়ে দিয়েছিস্?

দেবী। বাই; ঠাকুরজামাই কোথায় গেলেন—নেয়ে নিলে পার্শ্বন এউল্লাহা?

(হুঁকারলিকা-গুস্ত হুরেশের প্রবেশ)

হুরেশ । বৌদি—ও বৌদি !

ভবানী । বৌদি ঠাকুরের ভোগ রাধতে গেলেন ; কি ব'লবে—
আমায় বল ।

হুরেশ । তোমাকেই ডাকছি ; একটু সাড়া নিয়ে দেখলাম, বৌদি
নিকটে আছেন কি না ।

ভবানী । আহা ! কি ব'লবে বল ?

হুরেশ । ব'লছি—আগে এই ক'ল্কেটায় একটু আগুন দিয়ে
আনো দেখি । স্বস্তরমশায়ের জ্বালায় তো আর তামাক খাবার উপায়
নেই । একটামাত্র হুঁকো—তিনি মোক্‌সী নিয়ে বসে আছেন ।
একটু তোয়াজ করে তামাক খাওয়া যাক, দাঁতে কাজ হবে—
এই নাও ।

(হুরেশ কায়েনী হইয়া দাওয়ায় বসিল)

ভবানী । তুমি বাবার হুঁকোয় তামাক খাবে ?

হুরেশ । কেন খাব না ? আমি মুচিও নই, মুদ্‌ফরাসও নই—দস্তুর
মত বামনের ছেলে—তোমার বাবার জামাই ।

ভবানী । বাব! যে কারো হুঁকোয় তামাক খান্ না !

হুরেশ । তিনি জানতে পারবেন না । তাঁর পূজা আহ্নিক সেরে
উঠতে কখনো পুরো একঘণ্টা !

ভবানী । তা হোক—জানতে পারলে তিনি ও হুঁকোয় আর
তামাক খাবেন না ।

হুরেশ । আজ পুরো দুটো দিন তামাক খাইনি—আমার পেট
কুলেঠেঠে ।

ভবানী। তুমি ও হুকো রেখে দাও ; আমি সাতকড়ি কাকাদের বাড়ী থেকে অন্ত হুকো চেয়ে আনিছি।

সুরেশ। কি, আমার অপমান ?—এই তোমার পতিভক্তি ! পতি পিতার চেয়ে মাননীয়, তা জান ?

ভবানী। আমি একুণি ভঁকে নিয়ে আসছি ; আমার ঘরে লুকিয়ে রেখে দেব—তুমি দিনরাত যখন ইচ্ছে তামাক খেতে পাবে।

সুরেশ। আচ্ছা যাও—নীগ্গির্ যাও। ভক্তিভরে হুকোটা নিয়ে আসবে।

[স্বমধুর হাস্যের সহিত ভবানীর প্রস্থান।

(দেবীর প্রবেশ)

দেবী। কোথায় চ'লেছিলাম অনন হন হন ক'রে ?

ভবানী। (নেপথ্যে) আসছি !

সুরেশ। ওকে কিছু বলবেন না বৌদি, ও দেবকার্যে চ'লেছে !

দেবী। তা বুঝি—তবু কি কাজে গেল, শুনি ? হুকোকলকে অন্তে যাচ্ছে ?—তা বেশ ; ঠাকুরজামাই ! এমনি যদি মাঝে মাঝে এখানে এসে থাক, তা ঠাকুরঝির মুখে একটু হাসি ফোটে।

সুরেশ। এবার আপনি দেখুন না বৌদি, কি কাণ্ড করি—দিনরাত আপনার ননদের মুখে হাসি লেগে থাকবে ! আর আমি স্নেহ প্রতিজ্ঞাই করেছি, এখানকার নাটি কান্ড়ে প'ড়ে থাকবে—নড়বে না ; শেষ আপনার কণ্ঠাটী এসে যখন ধনঞ্জয়ের ব্যবস্থা করবেন—তখনই যে কি কল্পবে, সেটী এখনো ঠিক ক'রতে পারিনি।

দেবী। ধনঞ্জয়ের ব্যবস্থা হবেনা—তুমি ঠাকুরঝিকে নিয়ে এইখানাই থাক

তখাস্ত—বৌদি, আপনি যখন অভয় দিচ্ছেন ; আপনি

আপনার ননদকে জিজ্ঞাসা করতে পারেন বৌদি, আমি নিজে খুব ভাল লোক—আর বৌকে ভালও বাসি; তবে কি জানেন? পাঁচজনের সংসার, দিনরাত তো আর বৌকে, মাথায় নিয়ে নাচতে পারিনে। এই যে—এস!

(ভবানী ও কাকতিকা আনিয়া সুরেশের হাতে দিল)

সুরেশ। আপনি ওকেই জিজ্ঞাসা ক'রে দেখুন বৌদি, ওই বলুক—আমার কথা সত্যি কিনা। ই্যাগা, আমি তোমায় খুব ভালবাসিনে?

ভবানী। (মুছুরে) মুপথনি না থাকলে সত্যপীর হ'তেন।

দেবী। লক্ষ্মী দাদা, আর পাগলামি ক'রে পাঁচ জায়গায় ঘুরে ঘুরে বেড়িও না—একটু মন দিয়ে সংসারধর্ম কর।

সুরেশ। আমি তো আপনাকে বলেছি, এবার সংসারী হবই। ধরুন, শ্রায় তিরিশ বছর বয়স হ'তে গেলো—এখনো সংসারী না হ'লে চলে?—লোকে বে'বাউড়লে ব'লবে!

ভবানী। মুখে কথা বলে বদী কাজকর্ম সব হ'য়ে যেত, তাহ'লে—বুলে বৌদি, ওর মত ভাল লোক আর কাজের লোক ত্রিসংসারে নেই!

সুরেশ। আচ্ছা, আপনিই বলুন বৌদি—সেইটাই কি বেশ তুরীয় অবস্থা নয়? একাল থেকে তিনটি কি চারটি কথা—একটি নরম বিছানা আর গড়গড়া। তার উপর আপনার ননদ এসে মাঝে মাঝে—ওই এখন যেন হুঁপছে, ওই রকম একটু ক'রে হেসে যাবে—বাস্!

(সুরেশ গান ধরিল)

বাসনা ছিল যে মনে—

মনের কথা—জানতোনা কেউ

রেখেছিলাম সঙ্গোপনে

ভবানী। কি কর—বাবা শুনতে পাবেন যে !

সুরেশ। ক'লে তো রসভঙ্গ ! এমন বেরসিক—বুঝলেন বৌদি !

দেবী। না ঠাকুরজানাই, তুমি গাও—তবে একটু আস্তে।

সুরেশ। আর কি এখন ভাব আসবে !

(সুরেশ পুনরায় মৃদুগুণনে গান ধরিল)

নদীর ধারে একপানি ঘর

একটী কামিনী,

চাঁদনীরাতে বধূর সাথে মধু যামিনী !

ঘরে বেড়াই আপনছারা—

সৌবনের ফুলবনে।

দিনের বেলা—সাহেববাড়ী

হাজার টাকা মাইনে—

বউ বলেন—“ভাত পাওসে”

তামি বলি—“চাইনে” !

সে যদি চায় বায়ে যেতে

বলবো—“চল ডাইনে”।

কোন আশাই মিটল না সই—

রইল জমা—মনের কোণে ॥

সুরেশ। বুঝলেন বৌদি, এদিকে বোবন-সায়রে ভাঁটা প'ড়তে আরম্ভ করল—সাধ আর মিটলো না।

দেবী। উনি এসে তোমায় দেখলে কত খুসী হবেন !

সুরেশ। খুব খুসী হবেন না। সে যাক—বাবা আর মাকে এবার তারিফ করে এয়েছি বৌদি !

দেবী। না না—ও সব কি ছেলেমানুষী ঠাকুরজামাই! বাপ-মা গুরুজন—তাদের মনে কষ্ট দিতে নেই!

সুরেশ। হ্যাঁ—সে তেমনি বাপমাই বটে! গুরুলোক, নাথায় থাকুন—গুরুনিন্দে ক'রতে নেই; কিন্তু অমন বাপ-মা যেন কারুর না হয়!

দেবী। কেন—কি বলেছিলেন তাঁরা?

সুরেশ। আমি বললাম, বউ নিয়ে আসি—অনেক দিন বাপের বাড়ীতে আছে,—আর বেশীদিন সেখানে রাখা ভাল দেখায় না। কেমন কিনা, সত্যি কথা বলেছি কিনা?

দেবী। হ্যাঁ, তাতো বটেই! তা তাঁরা কি বলেন?

সুরেশ। তাঁরা বলেন, ওর দাড়া খুঁটান—বৌদি খুঁটান; ওরা ফাঁক দিয়ে বিয়ে দিয়েছে—ও বউ নিয়ে তুমি ঘর ক'রতে পাবেনা। তুমি আবার বিয়ে কর।

ভবানী। তুমি তাই ক'লে পারতে!

সুরেশ। শোন কথা বৌদি! আমি ওকে এত ভালবাসি—ওর জন্যে বাপমার সঙ্গে ঝগড়া করি, আর ওর কথাটা শুনলেন একবার?

দেবী। সত্যি—তুমি ভালবাস ঠাকুরঝিকে?

সুরেশ। অবিশ্বাস মাঝে মাঝে ঝগড়া করি, গালাগাল দিয়ে ভূত ভাগিয়ে দিই, কিন্তু তাই বলে ভালবাসবো না—আপনি বলেন কি বৌদি? বো হেন সামিগ্রী!

দেবী। তা তুমি তোমার বাবা-মাকে কি বলে?

সুরেশ। দস্তুর মত ঝগড়া করলাম। আমি কি দুঃখে আবার বিয়ে কর্তে বাব বলুন তো? আমার অমন সোনারচাঁদ বো! তার উপর বউ ভালবাসে, নিজের স্থানে তামাক সেজে সাতকড়ি কাকার, হাঁকো এনে কুকিয়ে তামাক খাওয়ায়—আমি সেই বউ তাগ ক'রে আবার বিয়ে করব!

(ভবানী যুগ ফিরাইয়া জানিতে লাগিল)

দেবী । ঠাকুরজামাই, তুমি বেশ হাসাতে পার মান্নবকে—এত কথাও জান !

সুরেশ । এ'টা কি কথার কথা হ'ল বৌদি ? আপনি কি বলেন ! আমি এখনো কচি থোকা কিনা, বাপনার কথায় বৌ ছাড়বো ? আমি দুখের উপর জবাব দিয়ে এলাম, বৌ আনতো আনো—আর না আনতো, আমিই চল্লাম সেই খিষ্টান বোয়ের কাছে—দেখি, তোমরা কি ক'রে জাত বাঁচাও !

দেবী । তুমি নেয়ে এস ঠাকুরজামাই, পাওয়ার পর তোমার সব কথা শুনবো ! ঠাকুরের ভোগটা বেড়ে দিয়ে আসি ঠাকুরঘরে ।

[প্রস্থান ।

ভবানী । সত্যি, তুমি আমার জন্তে বাবা-মার সঙ্গে ঝগড়া ক'রেছ ?
সুরেশ । ক'রবো না ?—নইলে দু'বছর শশুরবাড়ী আসিনি, আজই হঠাৎ এলাম কেন ? তখন ছেলেমানুষ ছিলাম, তখন তো অতো পানিনি—এখন যত বয়স হ'চ্ছে, যত জ্ঞান বাড়ছে, ততই বুঝতে পাচ্ছি—
উ কি বস্তু !

ভবানী । যা-ও ; এমন কথা বল—সত্যি বলছ কি মিথিলা ক'রছ, তাও বুঝবার উপায় নেই । শেষ পর্যন্ত বাবা-মা কি ব'লেন ?

সুরেশ । বাবা মায়ে'র মত অতটা হাউড়ে না তো, বুদ্ধি ন'দ্বি একটু আছে । বাবা বলেন, দাদা খিষ্টান—বাবা তো নয় ; সে মেয়ে তি'ত'ং ঘরবারে চলতে পারে—হাজারখানেক টাকা ধ'রে দিক ।

ভবানী । বাবা আবার টাকা দেবেন ?

সুরেশ । আমার বাবার তাই ইচ্ছে ।

ভবানী । তুমি কি ব'লে ?—তোমারও তাই মত ?

সুরেশ । আমি ব'ললাম । টাকা তিনি দিতে পারেন—তোমার মত অত নীচু তাঁর মন না । যার একুছলে ব্যারিষ্টার আর এক ছেলে এম এ পাশ, হাজার টাকা তার হাতের নয়না—টাকা তিনি দিতে পারেন । কিরু তোমায় কেন দেবেন ? তুমি তাঁর কে ? দিতে হয়, তাঁর এমন নন্দচল্লাল জামাই রয়েছে—জামাইয়ের হাতে দেবেন কেমন—মন্দ ব'লেছি ?

ভবানী । বুঝেছি—তাই ছ'বছর পরে স্বশ্রবণাভী এসেছে । টাকা আদায় ক'রে—আমার জেঁঠে নয় ! তাই তো ভাবি, আমার এমন ভাগি হবে !

সুরেশ । তুমি বোঝ ভাল—পাক দাও এলো । আরে, তুমিই তো টাকা - আমার পক্ষ অর্থ কাম মোক্ষ, সবই তো তুমি । তোমায় নিলেই তো স্বশ্রবণায় হাজার টাকা দেবেন—অমনি তো আর দিচ্ছেন না ।

প্রকাশ । (বাহির হইতে নেপথ্য) ওরে ভবানী—ভবানী, দোরট খুলে দেরে !

ভবানী । প্রকাশদা'র গলা যে ! তাহ'লে প্রকাশদা বাড়ী এসেছেন—র'সো, দোরটা খুলে দিয়ে আসি ।

সুরেশ । কোন্ প্রকাশদা ? তোমাদের পাড়ার প্রকাশ চৌধুরী ?—কলকাতায় মেসে থাকে ? র'সো, আমি আগে স'রে পড়ি—তারপর ওদ'র দোর খুলে দিও ।

ভবানী । কেন, প্রকাশদাকে তোমার অত ভর কিসের ?

সুরেশ । গেল বছর পূজোর পর ওর কাছে মিথো কথা ব'লে গোটা আটদশ টাকা ধার ক'রেছিলাম—শোধ দেওয়া হয়নি । যদি তাগাদা করে ?

ভবানী। প্রকাশদা তেমনি মাতৃষা কিনা ! কিন্তু তুমি কি ব'লে
মছে কথা ব'লে টাকা চাইলে ?

সুরেশ। সত্যি কথা ব'লে দিত না—তাই। বাকু, শীগ্গির তাড়িয়ে
—নইলে বাড়ী আসতে পার্ব না। ভবানী, হুঁকোটা—কি জানি, সে
দালি আবার কতক্ষণ বোনের সঙ্গে অশুভ দেবে !

[অস্থান।

ভবানী। কি বে বল !

[অস্থান।

(দেবীর প্রবেশ)

দেবী। ঠাকুর-ঝি—ঠাকুরজামাই ! বারে মজা—কোথায় গেল
এটা তজন ! এই যে ঠাকুর-ঝি—ওমা, সঙ্গে প্রকাশঠাকুরগো বে !

(ঘোমটা দিয়া একপাশে দাঁড়াইল)

ভবানী। তুমি যে বড় একা প্রকাশদা—ছোড়দা বাড়ী এল না ?

প্রকাশ। বলছি—জ্যেষ্ঠামশায় কোথায় ?

ভবানী। সব ভাল তো ?

প্রকাশ। হ্যাঁ—শরীর ভাল আছে সত্যর। জ্যেষ্ঠামশায়ের সঙ্গে
একটু কাজের কথা ছিল—

ভবানী। তিনি তো পূজোর বসেছেন—খায় শেষ হ'য়ে গেল।
ভাগ দিয়ে এসেছ বোদি ?

(দেবী মাথা নাড়িয়া জানাইল—দিয়েছে)

ভবানী। কি—থবর কি প্রকাশদা ? তোমার মুখখানা কেন বড়
গম্ভীর ! কি ক'রে বল—ছোড়দা ভাল আছে তো ?

প্রকাশ। ব'ল্লাম তো—শরীব ভাল! হাঁরে—মু'রেশ এসেছে নাকি? কোথায় গেল?

ভবানী। শোমার ভয়ে পালিয়ে গেল।

প্রকাশ। সত্য ব'ঝি তোকে ব'লেছিল?—তুই সেই কথা শুনে ওকে ব'ন্নি-

ভবানী। সত্যি প্রকাশদা—আমি তার বিন্দুবিসর্গ কিছুই জানিনে! উনি নিজেই বলেন—নিজেই চলে গেলেন! সে কথা বাক—তুনি ছোড়দার কথা বল। ছোড়দা ক'ল্কাতায় আছে তো?—তোমরা তো এক মেসে থাক?

প্রকাশ। এতদিন এক মেসেই ছিলাম। হুপ্তাখানেক হ'ল, তোমরা ছোড়দা আর মেসে থাকেন না!

ভবানী। মেসে থাকেন না তো, কোথায় থাকেন?

প্রকাশ। তোমার বড়দার বাড়ীতে।

ভবানী। বড়দার বাড়ীতে? তারা সাহেব—খুষ্টান ব'ল্লেই হয় তাদের বাড়ীতে ছোড়দা কখনো এক ঢোক জল খেতেন না—আর এক সপ্তাহ সেইপানেই আছেন! (যেন সহসা মনে পড়িল) বড়দার কোন অমুখবিস্মু হয়নি তো—প্রকাশদা?

প্রকাশ। না; আমার সে বাড়ীতে প্রবেশনিষেধ—নিজে বাইনি তে অমুখ কারো হয়নি, সে খবর আমি জানি।

ভবানী। এ যে আশ্চর্য ব্যাপার প্রকাশদা! তুমি ঠিক ক'রে বল, কি হ'য়েছে?

প্রকাশ। ব্যাপার গুরুতর; তোমাদের ব'লে তোমরা মনে ক'র পাবে—প্রতীকার কিছু ক'র্তে পারবে না। না ভবানী, তুমি তোমার বাবাকেই ডাক। আমারও একটা ক'র্তব্য আছে।

ভবানী । এতক্ষণ বোধ হয় ঠাকুরদের ভোগ দেওয়া হয়ে গেছে ;
বোদি, তুনি বাবাকে ডেকে নিয়ে এস ।

[দেবী চলিয়া গেল ।

ভবানী । আমি কিছু কিছু বুঝতে পাচ্ছি—ক’দিন ধরে ছোটবোদির
ডান চোখের পাতা নাচছে ; কাল জলের ঘাটে পড়ে গিয়ে কপাল-
খানায় এমন লেগেছে !

প্রকাশ । আমি শুধু ভাব ভবানী—তোদের মত মেয়েরা বাঙালীর
ঘরে জন্মায় কেন ? তোরা যে কত বড়, সে তো কেউ কোনাদিন
বুঝবে না !

[চন্দন-চর্চিত ললাট, পরিধানে পটবস্ত্র, গায়ে নামাবলী

উপেক্ষনাথ প্রবেশ করিলেন—পিছনে দেবী]

উপেক্ষ । কি প্রকাশ, তুনি আমায় ডাকছিলে ? কতক্ষণ এসেছ ?

প্রকাশ । এই কতক্ষণ ! আপনি বসুন ।

উপেক্ষ । সত্য এলনা বুঝি ?—ভাল আছে তো ?

প্রকাশ । হ্যাঁ—তার শরীর ভালই আছে । একটা অপ্রিয় খবর
দেব জ্যোতীশশাই ! কর্তব্যবোধে দিতে হচ্ছে—আমার অপরাধ
নেবেন না ।

উপেক্ষ । অপ্রিয় সত্য যে কর্তব্যবোধে বলে, সে তো শক্তিমান ঠাকুর ;
তার তো অপরাধ হয়না—তুমি বল !

প্রকাশ । আমি আগেই ভবানীর কাছে কিছু বলেছি ; কিন্তু
আজ প্রায় এক সপ্তাহ হ’ল, আমাদের মেসে ছেড়ে জিতেনবাবুর বাড়ীতে
গিয়ে উঠেছে—আর সেইখানেই আছে ।

উপেক্ষ । কোন্ জিতেনবাবু ?

প্রকাশ। আপনার বড় ছেলে— যিনি ব্যারিষ্টার।

উপেন্দ্র। ও—আমাদের বড়সাহেব? তাঁর ওখানে সত্য আছে এক সম্ভাব্য! তাহ'লে তিনিও এতদিনে ছোটসাহেব হ'য়েছেন। হঁ— এই কথা! তা কবে বিলেত যাচ্ছেন ছোটসাহেব?

ভবানী। না না—ও সব আপনি কি বলছেন বাবা! বড়দার কাছে গেলেই কি বিলেত যাবেন? বড়দা ডেকেছেন—তাই।

উপেন্দ্র। বড়দা ডেকেছেন! ভবানী, আজ বারো বছর তোমার বড়দা বিলেতফেরত ব্যারিষ্টার হয়ে এসেছেন—ক'দিন তিনি ছোট ভা'য়ের খোঁজ নিয়েছেন? এই বারো বছরের প্রত্যেক দিনটার কথা আমার মনে আছে; কই, একদিনও তো বড়সাহেব ভা'য়ের কথা মনে করেন নি—এই বুড়ো পুজুরী বামনের কথা মনে করেন নি?—আজ তাঁর ভা'য়ের উপর দরদ উৎপলে উঠেছে—কেমন? তুমি জান প্রকাশ, কবে সে হতভাগাটা বিলেত যাবে?

ভবানী। বাবা, আপনি আগে প্রকাশদার কাছে সব কথা শুনুন।

উপেন্দ্র। আমার আর শুন্তে হবে না কিছু ভবানী! আমি জানি—সব জানি। ওই দামোদর আমার কানে কানে সব কথা বলে দেন—ভালকথা, মন্দকথা—সব! আচ্ছা, তুমি বল প্রকাশ! তোমার মুখ থেকেই শুনি।

প্রকাশ। বিলেত সে যাবে—কবে যাবে এখনো বোধকরি ঠিক হয়নি।

উপেন্দ্র। হ্যাঁ—হ্যাঁ, যাবে বৈকি? দামোদর ব'লেছেন—আমার প্রাণ জানতে পেরেছে—বিলেত না গিয়ে ওর উপায় কি? তার উপর দীক্ষাগুরু রয়েছেন বড়সাহেব—গুরুপত্নী রয়েছেন মিসেস্ মায়া ব্যানার্জি! রমাপতি

শাস্ত্রীর নাত্নবো, উপেন স্বতিরহন পুত্রবধু—মিসন্ মায়া ব্যানার্জি ! এ সেই মায়াবিনীরই কাজ ! সে আমার বড় ছেলেকে পর করেছে—ছোট ছেলেকেও পর করলে ! উঃ—প্রচণ্ড দুর্দান্ত কলিকাল ! রক্ষা নেই প্রকাশ—কারো রক্ষা নেই ! কলিকালের কি লক্ষণ জান ?—মহানির্দোষ হয়ে আছে, সদাশিব ব'লছেন পার্শ্বাতীকে—

“বদা দ্বির্যোহিতীদুর্দান্তাঃ ককর্শাঃ কলহে রতাঃ ।

গতিশ্চিন্তি চ ভর্তারং তদৈব প্রবলঃ কলিঃ ॥”

নইলে, জিতেনও বোধকরি আমার কথা একটু ভাবতো । আমার অমন ছেলে—একেবারে ভেড়া ক'রে রেখেছে সর্বনাশী ! কলির প্রবেশ—
নইলে এমন হবে কেন ?

“বদা তু মানবাঃ ভূমৌ স্ত্রীজিতাঃ কামাক্ষরঃ ।

ভ্রহস্তি গুরুমিত্রাদীং তদৈব প্রবলঃ কলিঃ ॥”

সবাই স্ত্রীজিত, কামাক্ষর—বাপ-মা, গুরুবন্ধু—কারো কথা শুনবেনা । ইহা, তারপর তোমার আর কি বলবার আছে—বল !

প্রকাশ । বিলেত সে বাবেই—সে মনঃস্থির ক'রেছে । আমি তাকে অনেক বুঝিয়েছি, অবশ্য ঠিক বোঝাতে পেরেছি কিনা জানিনে !

উপেন্দ্র । না—তুমি পারনি । তুমি শুধু আমার দোহাই দিয়েছ—দুইএকবার হিন্দুধর্মের দোহাই দিয়েছ । সে সব এগন কথা, না তুমি নিজেই বিশ্বাস কর না । তুমি মনে কর, বিলেত বাওয়ায় কোন দোষ নেই । তোমার মত বারা ইংরিজী প'ড়েছে, তারা সবাই সেইবকন মনে করে—বিলেত বাওয়ায় দোষ নেই, মতপানে দোষ নেই । আমি বলছি, অনধিকারীর পক্ষে মতপানে যেমন দোষ, সমুদ্রবাত্রাতেও ঠিক সেই পরিমাণ দোষ । তুমি আমার একটা মানুষ দেখাতে পার, যে বিলেত থেকে ফিরে এসেও নিষ্ঠাবান হিন্দু আছে—গুরু গঙ্গা নারায়ণ মানে ?

প্রকাশ। আচ্ছা—আজ একথা থাক জ্যোতামশাই! আমার সব কথা এখনো বলা হয়নি!

উপেন্দ্র। সব কথা বলা হয়নি? ও—আচ্ছা বল!

প্রকাশ। ভবানী—তোরা এখান থেকে চলে যা।

উপেন্দ্র। না—চলে যাবার দরকার নেই। বউমা, তুমি শোন,—তোমার বড় সাধ ছিল—তুমি এম-এ পাশের স্ত্রী হও—গায়ের সব গহনা খুলে দিয়েছিলে! ভয় কি মা, এম-এর উপর—বিলেত থেকে সাহেব হ'য়ে আসবে! তোমার সম্মান বাড়বে বৈ—কমবে না! তুমি বল প্রকাশ; মা আমার বুদ্ধিমতী—উনি সবই বুঝছেন—ওঁকে স্তোক-বাক্য দিয়ে লাভ কি?

প্রকাশ। আমি আগে ভেবেছিলাম, জিতেনবাবুই বুঝি সত্যকে খরচ দিয়ে বিলেত পাঠাচ্ছেন; তারপর শুনলাম, তা নয়—উনি খরচ দেবেন না।

উপেন্দ্র। উনি টাকা কোথায় পাবেন? আমি জানিনে?—টাকা রোজগার ক'রলেই কি টাকা থাকে! আলম্বীকে নিয়ে সংসার—মালম্ভী রূপাদৃষ্টি দেবেন কেন? যা উপার্জন হয়—সবই পেটায় স্বাহা! পেট-দেবতা, দেহ-দেবতার পূজায় সব যায় প্রকাশ—কিছু থাকেনা, কিছু থাকেনা! আমি জানি, ওদের অনন্ত দুর্গতি—বড় হতভাগা ছেলে আমি জানি, ও টাকা দিতে পারবে না—ওর কিছু নেই! সত্যটা এম-এ আদেখলে—কোনদিন মনে হয়নি! তু ক'রে ডাকলে—আর সেখানে গিয়ে উঠলো! খরচ কে দিচ্ছে?

প্রকাশ। সেইটেই সব চেয়ে ভয়ানক কথা—অন্ততঃ আমার কাছে!

উপেন্দ্র। কি, নতুন বিয়ে ক'রে স্বশ্রের টাকায় বিলেত যাবে?

প্রকাশ। আমি তাই শুনেছি।

উপেন্দ্র । হ্যা—তাই ; এ সতাই পারে—আর কেউ পারতো না ।
এক দ্বীর গহনা বেচা টাকায় যে এম-এ পাশ করে, বিলেত যাওয়ার জন্তে
আর একবার বিয়ে করা শুধু তাঁর পক্ষেই সম্ভব প্রকাশ ! এতখানি
দরিদ্র জিতেনও না ! ভবানী, এক ঘটি খাবার জল নিয়ে আয় ।

[ভবানী চলিয়া গেল—দেবীও উঠিয়া ধীরে ধীরে
রান্নাঘরের দিকে যাইতে লাগিল]

উপেন্দ্র । বোমা, শোন—দেওনা । হয়তো আরো কথা আছে—
প্রকাশ হয়তো এখনো শেষ করেনি ।

দেবী । ঠাকুরের প্রসাদ শুকিয়ে যাচ্ছে বাবা—আপনি তো অল্প
ভাত খাবেন না । আপনার ঠাই করে দিই !

উপেন্দ্র । আমার মত স্বশুরকে তুমি ভাত বেড়ে দেবে মা—বাসি
আখার ছাই খেতে দেবে না ?

দেবী । ছিঃ ছিঃ ছিঃ—বাবা, ও কথা মুখে ব'লে আমার অপরাধী
ক'লবেন না !

উপেন্দ্র । আমার কি মনে হ'চ্ছে, জ্ঞান বোমা ?—আমি তোমায়
প্রবঞ্চনা ক'রেছি, তোমার বাবাকে প্রবঞ্চনা ক'রেছি—বি-এ পাশ
দেখিয়ে একটা পশুর সঙ্গে তোমার বিয়ে দিয়েছি !

(ভবানী জল আনিল)

দেবী । আপনি ও কথা ব'লবেন না বাবা !

[প্রস্থানোত্তত ।

উপেন্দ্র । দাঁড়াও বোমা ! আজকের দিনটি ঠিক অল্পদিনের মত
নতুন আমার জীবনের একটা বিশেষ দিন ! আজকের ব্যবস্থা অল্প
রকম । আজ ভাত না খেলেও চ'লবে ।

ভবানী। বাবা, জল নিন্।

উপেন্দ্র। দাও—জল পাই!

(জল পান করিলেন)

উপেন্দ্র। প্রকাশ—এইবার বল। পাণ্ড্রীপক্ষ এ খবর জানে?

প্রকাশ। বোধহয় না। এখনো ফেরাবার সময় আছে। আমি সেই জন্তই আপনার কাছে এলাম। আপনি বাবেন আমার সঙ্গে?

উপেন্দ্র। তোমার সঙ্গে—কোথায়?

প্রকাশ। কলকাতায়!

উপেন্দ্র। দেখা হবে সে ভূত দুটোর সঙ্গে?

প্রকাশ। আপনি গেলে দেখা হবে বৈকি!

উপেন্দ্র। তবে চল—একবার ঘুরে আসি!

(উঠিলেন)

ভবানী। সেকি বাবা, আপনি বাবেন কি?—আপনার মস্ত ভাত, বাড়াভাত!

উপেন্দ্র। বাড়াভাতে ছাই প'ল যে মা! উপযুক্ত ছেলে—

ভবানী। না বাবা—আপনি ও কথা বলবেন না! আপনি কি ছেলেদের ভাত কখনো খেয়েছেন, যে, ছেলেদের ভাতের তোসাক কয়েক? আপনার ব্রহ্মজ জমির ধান—আপনার দামোদরের প্রসাদ।

উপেন্দ্র। অপরাধ করেছি মা! সত্যিই তো, দামোদরের প্রসাদ—ও আমার মাথার মণি! ট্রেণ কখন প্রকাশ?

প্রকাশ। সন্ধ্যার পর—রাত্রে।

উপেন্দ্র। তবে আর কি?—এখনো অনেক সময়। বোন! প্রসাদ

নাওগে। প্রকাশ, তুমি তাই'লে সন্ধ্যার পরই এস—দানোদরের আঁরতি দিয়ে আমরা রাতের ট্রেণে যাব।

প্রকাশ। বে আঙ্কে—সেই ভাল! তাহলে আমি এখন আসি।

[প্রস্থান।

দেবী। বাবা, আপনি যাবেন সেখানে? আমার মনে হয়, আপনার না বাওয়াই ভাল!

উপেন। তুমি তাই মনে কর মা?

দেবী। হ্যাঁ বাবা, আমি তাই মনে করি। তিনি যা ক'রছেন, তার ফলাফল—তার ভালনন্দ জেনেই কি ক'চ্ছেন না?

উপেন। তা বটে—তোনার কথাই ঠিক মা! ফেরাতে তাকে পারবো না বোধহয়। এবু একবার ঘুরে আসি বোমা—শেষ হয়তো একটা আপশোষ থেকে যাবে। একবার বাই মা, দেখেই আসি—আমার সামনে কি করে মৃগ তুলে দাড়ায়! তুমি যাও মা—বাণ;—ভাত বাড়। আগে দানোদরের প্রসাদটা খেয়ে নিই, মন্টা শুদ্ধ হ'ক—তারপর বিচার ক'র্বো।

দ্বিতীয় দৃশ্য

[কলিকাতা ; জিতেন্দ্র ব্যানার্জির বাড়ীর স্নুহৎ হলঘর ;

ঘরে আর কেহ নাই—শুধু সত্য ও ইলা ;

সত্য মুঞ্চ ও গম্ভীরভাবে

বসিয়া আছে ।]

সত্য । এখন আশ্রয় বিলেত বাওয়া আমার কাছে প্রধান নয়—তুমিই আমার অন্তর আচ্ছন্ন ক'রে আছ। এর আগে আমার বাইশ বছরের জীবন আমার কাছে একেবারে তুচ্ছ হ'য়ে গেছে। তোমায় দেপে আমি বেন নতুন জীবন নিয়ে ফিরে এসেছি—এ বেন আমার নবজন্ম !

ইলা । তুমি যদি বিলেত না যেতে !

সত্য । আচ্ছা ইলা, এর আগে আর কারো সঙ্গে তোমার বিয়ের সম্বন্ধ হ'য়েছিল ?

ইলা । সে কথা কেন ?

সত্য । এমনি—মনে হ'ল ! ব'লতে আপত্তি আছে ?

ইলা । অনেক ছেলের সঙ্গে মিশ'বার সুযোগ আমার হ'য়েছে। মা তোমায় দেখিয়ে দিয়ে ব'ল্লেন—এই তোর স্বামী ; সেই জন্তই তোমার সঙ্গে মিশ'বে পেরেছি।

(মায়ার প্রবেশ)

মায়া । না—বীথি আমায় পাগল ক'র্বে দেখছি ! আজ এখানে এত বড় ব্যাপার, তোমাদের বিয়ের দিনস্থির হবে—a big social gathering ! দশ জনের সঙ্গে আলাপ ক'র্বে, আমোদ আফ্লাদ ক'র্বে—এখনো তার দেখা নেই ! বাবা আর মা ওকে একটা সং তৈরী

ক'রছেন ! ক্ষেই বুড়োবুড়ী ছাড়া, আর কারো সঙ্গে ও মিশতে পারে না ।

সত্য । বীথি আমার মা বোদি ! আমি তার সঙ্গে অনেকদিন দেখা করিনি, তাই সে আমার উপর অভিমান ক'রেছে । আপনি গাড়ী পাঠিয়ে দিন ; যদি না আসে, আমি নিজে গিয়ে তাকে ডেকে আনবো ।

মায়া । হ্যাঁ—ইলা, গাতি তোমায় খুঁজছে ; তোমার কাছে কি গান শিখবে—তুমি ভিতরে যাও ।

[ইলার প্রস্থান ।

মায়া । You are a lucky chap ! Ila will make a nice wife ; তবে আমি তোমার দাদাকে যেমন শাসনে রেখেছি, ও তা পারবে না !

সত্য । বোদি, আমি বড় হতভাগ্য !

মায়া । না না—ও সব কি কথা ! তুমি যাও, কাপড় চোপড়গুলো ছেড়ে তোমার দাদা যে নতুন Suitটা তৈরী করিয়ে দিয়েছেন, সেইটে পরগে । সাড়ে চারটা বেজে গেছে, আটটায় সব guestsরা আসবেন ; এখনো তোমার দাদার দেখা নেই ! কোন কাজেরই ভাড়া নেই—সারা জীবন এইভাবে ঠুকে টেনে নিয়ে বেড়াতে হচ্ছে—awful, awful !

সত্য । বউদি, আপনার কাছে আমার বিশেষ জরুরী কথা আছে । আমি আপনার সাহায্য চাই । আপনি আমার রক্ষা করুন !

মায়া । কি—ব্যাপার কি ভাই ! (নেপথ্যে জ্বিতেনের গলা)
—তোমার দাদা আসছেন—just like him ! যেন কোন কাজ-
কর্ম নেই সংসারে !

(অত্যন্ত চিন্তিতভাবে জিতেন্দ্রের প্রবেশ)

জিতেন। এই যে সত্য! বীণা ক্যাছ তোমার সম্মুখে একটা কথা শুন্‌লাম—কথাটা সত্যি?

সত্য। কথা সত্যি!

জিতেন। তুমি এতদিন আমার জানাওনি কেন?

সত্য। বলবার সময় কই পেলাম দাদা! আপনারা এমনভাবে আমার হাতে স্বর্গ তুলে দিলেন—আমি ভাববার অবকাশ পেলাম না! আমার শুধু মনে হ'ত 'লাগল—আমার পূর্বজন্ম শেষ হ'য়ে গেছে; আমি নবজন্ম পেয়ে নতুন জীবনের অধিকারী হ'য়েছি!

জিতেন। Not bad—rather a nice idea.

সত্য। সত্যি বলছি দাদা—আমি মোহগ্রস্ত! আমি কখনো মদ খাইনি; নাভাল কি রকম—আমি জানিনে; কিন্তু এই সাত আট দিন যে রঙিন নেশার পিত্ত দিয়ে আমি চ'লেছি—আমি জানিনে, মদ খেয়ে সে নেশা কখনো হয় কিনা। উচ্চশিক্ষার মোহ, বড়লোক হবার মোহ, দেশভ্রমণের মোহ, সুন্দরী শিক্ষিতা স্ত্রীলাভের মোহ—এক কথায়, আজকের ইংরিজীশিক্ষিত যুবক বা কিছু চায়—তার সব পুরো মাত্রায় আমার হাতের কাছে এসে প'ল; অথচ আমি এর কিছুই কোনদিন পাইনি—পাব বলে স্বপ্নও করিনি!

মায়া। ব্যাপার কি? আমি তো তোমাদের কথা কিছুই বুঝতে পাচ্ছি না!

জিতেন। সত্য বিবাহিত। দেশে ওর স্ত্রী বেঁচে আছেন।

মায়া। My God! তোমার বিয়ে হ'য়েছে—কই, এ কথা তো কোনো দিন আমাদের কানে আসিনি!

সত্য। আপনারা জানতে চাননি। বীথি জানে, আমি বিবাহিত—

আমি তাকে বলছি। আপনারা তো কোন দিন আমাদের কথা ভাবেন নি।

মায়।। বাক্ বাক্—ওকথা ছেড়ে দাও। তুমিও আগনি—আমরাও পাজ নিইনি। এখন কি করবে?

সত্য।। আপনারা আমায় যা কুরুতে বলেন, তাই করবো। আমি স্বাকার কাজ, ইলাকে দেখে আমি তাকে ভালবেসেছি; কিন্তু প্রতি হৃদয়ে নিজের কাছে নিজে অপরাধ আছে। মনে হচ্ছে, এ সুখ আমার না—এ মরীচিকা! একদিন এর মায়। ম'রে যাবে—মৃত্যুর কক্ষান বেরিয়ে পড়বে; সেদিন হয়তো বা আমার ছিদ্র—তাও হারাব; বা পাটনি—তা কখনো পাবনা!

জিনে।। Fine! You are a poet my boy! I understand your situation; আগে জানলে আমি এতদূর অগ্রসর হ'তাম না।

সত্য।। এই সাতদিন আমি দিনরাত চেষ্টা করেছি—সত্যি কথা বলতে পারিনি। আজ আমি ভাবছি—আমার অদৃষ্টে বা থাক, আমি সবাইকে সত্যি কথা বলবো।

মায়।। তোমার অদৃষ্ট এখন আর এক! তোমার অদৃষ্ট নয়! আজ যদি তুমি সত্যি কথা বল, সমাজে আমাদের যেটুকু মান-দান আছে—সেটুকু আর থাকবে না। এই ঘটনার পর তুমি তোমার বাবার কাছে পাজগায়ে চ'লে যাবে, তোমায় কাউকে মুখ দেখাতে হবেনা। আমাদের অবস্থাটা কেনন হবে—সেটা বুঝতে পাচ্ছ? আজ বাদে কাল এই সমাজের ভিতরই আমার বীণির বিয়ে দিতে হবে,—দু'বছর পরে সত্যি বিয়ে দিতে হবে।

জিনে।। Take your own time সত্য! Don't be rash!

সত্য। আপনারাই আমার উপদেশ দিন, আমি কি করোঁ। আমি নিতান্ত অসহায় !

মায়া। আমি তখনই তোমায়, ব'লেছিলাম—ভাল ক'রে ভেবে দেখ; তখন তুমি bravado ক'রলে। (জিতেনের প্রতি) আর তোমাকেও বলি, তখন একবার ওকে জিজ্ঞাসা কর্তে হয় তো ? তোমার মতন এমন আহাম্মক !

জিতেন। তোমাকেও ঠিক ঐ কথাই বলা চলে—darling !

(মৃদু হাসি)

মায়া। আর জালিয়ো না—“darling” !

জিতেন। Please don't be ridiculously serious ! আমি সব ঠিক ক'রে দিছি। well সত্য, তোমার এ জীবন কেমন লাগছে ? Do you like that girl Ila ?

সত্য। আমি তার যোগ্য নই !

জিতেন। Don't you worry—তারজন্তে তোমায় ভাবতে হবে না ; আমরা তোমায় যোগ্য ক'রে নেব—তোমার বোদির কাছে দুটী lesson !

সত্য। আমি তো আপনাকে ব'লেছি—আমার মনে হচ্ছে, এ সত্য নয়—ঐ মরীচিকা !

জিতেন। Life is not poetry ! তুমি যদি পিছন দিকে ফিরে না চাও—কোন গুণগোল নেই ! কেউ তোমায় জিজ্ঞাসাও করবে না। আমি বুঝতে পারছি, তুমি দোটারায় প'ড়েছ—Your past has its own charms !

মায়া। তুমি এদিকেও গাইছ—ওদিকেও গাইছ ! এদিকে আমাদের লোকজন সব আসবে রাত আটটায়—সেটা মনে থাকে যেন ?

জিতেন। যখনই তুমি বাবার মনে কষ্ট দিয়ে বিলেত যাবে মনঃস্থ করেছ, সেই মুহূর্তেই তুমি তোমার অতীত পল্লীজীবনকে অস্বীকার করেছ। বিলেত যাওয়ার মানে কি জ্ঞান?

মায়া। বিলেত যাওয়ার আবার মানে কি?—বিলেত যাওয়ার মানে বিলেত যাওয়া—passport নিয়ে জাহাজে চড়া!

জিতেন। সবাই তাই মনে করে। আমি তোমায় বলছি সত্য—বিলেত যাওয়ার মানে তা নয়। বিলেত যাওয়ার মানে—You are prepared to face the uncertain—ভ্রম্নি* অনিশ্চিতকে বরণ ক'রে নিলে—অকূলে ভাসলে!

মায়া। তুমিও তো দেখছি তোমার ছোট ভাইয়ের চেয়ে কম কবি নও!

সত্য। আপনি তারপর বলুন!

জিতেন। এখন যেমন তুমি ইলাকে দেখে মুগ্ধ হ'য়েছ, তেমনি সেখানেও এক খেত বালিকাকে দেখে মুগ্ধ হ'লে—তুমি জাননা, কোন্ দিকে তোমার জীবন চলবে। এমনো হ'তে পারে—যিনি তোমায় টাকা দেবেন বলেন, কিছুদিন দেওয়ার পর তিনি নিজে দরিদ্র হ'লেন—কি নারাই গেলেন—You have to earn your own livelihood there. তোমায় slum quarter এ গিয়ে থাকতে হ'ল—তুমি মন খেতে শিখলে, চুরি করতে শিখলে, তোমার জীবন অল্পপথে চললো! After a couple years you are a thorough-bred criminal—তুমি এমন আটকে গেলে, আর ফিরতেই পারবে না! সব জায়গাতেই সব দেশের মানুষ—দিক এইভাবে—কিছু কিছু র'য়ে গেছে—Wonderful romance of human history! এরো একটা দিক আছে—এরো একটা প্রচণ্ড আকর্ষণ আছে—

(নেপথ্যে নীচে উপেল্লনাথের কণ্ঠ)

উপেন্দ্র । দোনো মাঠেব এই কোঠামে হার ? নেই নেই—আসল মাঠেব নেই—কাগা আদমী মাঠেব ?

মায়া । নীচে কে অমন চোঁচামেচি ক'চ্ছে ?

সত্য । বাবার গলা !

জিতেন । বাবা ?—তিনি কল্‌কাতার আসবেন কোথেকে ? দিন রাত বাবার কথা ভেবে ভেবে—তুমি দেখছি বাবার স্বপ্ন দেখতে আরম্ভ ক'রলে !

সত্য । না দাদা—এ তাঁরই গলা । নিশ্চয় প্রকাশ দেশে গিয়ে আমার বিলেত যাওয়ার কথা বাবাকে জানিয়েছে । তিনি আমার ফেরাবার জন্তে ক'ল্‌কাতায় এসেছেন ।

মায়া । ডাক তাঁকে এখানে ? তিনি হৈ হৈ ক'রে চীৎকার করুন—naked-body, bare-foot, নাথায় টিকি—আমায় দেখছি এবার তোমরা পাগল না ক'রে আর ছাড়বে না !

সত্য । বউদি ! আপনি কার সম্বন্ধে কি ব'লছেন ? আপনি জানেন তিনি কে—তিনি কেমন ? তিনি আপনার এখানে থাকবেন ব'লে আসেন নি ।

জিতেন । আঃ—don't be silly সত্য !

সত্য । আমি silly হয়নি দাদা ! silly হ'য়েছেন আপনার—

মায়া । বেল—আর বাকী রাখলে কেন ? এই জন্তে আজ বারে বছর তোমাদের সঙ্গে কোন সম্পর্ক রাখিনি ।

সত্য । আমার বকুমারি হ'য়েছে—আপনাদের সঙ্গে সম্পর্ক স্বীকার ক'রেছি ! আমি এগুনি চ'লে বাচ্ছি ।

মায়া । Just like you ! তুমি রাগ ক'রে চ'লে যাও—সবাই সব ঘটনা জাহ্নুক—তারপর আমার মুখে চুণকালি পড়ুক !

(বৃদ্ধ দারোয়ান চোবের প্রবেশ)

নায়া । কেয়া হায় চোবে ?

দারোয়ান । এক্টো বৃড়া পণ্ডিত্তী আয়া হায় ছুজুর !

নায়া । ক্যাং মাংতা ?

দারোয়ান । দোনো সাংগেবকো সাংথ য়ুলাকাং মাংতা হায় !

নায়া । আমি জানিনে বাপু—তোমরা যা জান, কর ।

[বক্তার দিয়া প্রস্থান ।

জিতেন । দেখো চোবেজী ! পাণ্ডিত্তীকো বোলো—দোনো সাংগেব
সাংথার গিয়া, কোঠীমে নেই হায় !

সত্য । আপনি দারোয়ানকে মিথ্যে কথা বলতে বলছেন ?

জিতেন । আত্মরক্ষার জন্তে মিথ্যে বলায় দোষ নেই । চোবেতো
মহাভারত পড়েছে, ও জানে । “অস্থতামা হত ইতি গজঃ” বক্ষ্যপুত্র
বৃদ্ধির ব’লেছিলেন ।

(দারোয়ান চলিয়া গেল)

সত্য । আমি বাবাকে সঙ্গে ক’রে প্রকাশের বাধ্য হ’লে দাঁড়,
তাকে সব বুঝিয়ে বলি ।

জিতেন । কি তুমি তাঁকে বুঝিয়ে দবো ? তিনি সব বুঝতে
পেরেছেন—তাঁর বুঝতে বাকী নেই কিছু । তুমি আর একটা মেয়েকে
বিয়ে ক’রে তোমার সতীসাক্ষী স্বীকে ত্যাগ ক’রছ—তুমি না বললে তিনি
বুঝতে পারবেন ।

সত্য । তবে—আমি কি ক’রবো ?

জিতেন । Rather smoke a cigarette or drink a glass
of champagne, if you like.

সত্য। দাদা—তুমি কি শয়তান !

জিতেন। Nothing of the kind ! Only you are a sentimental fool—বাবার সঙ্গে দেখা ক'রবার সাহস তোমার আছে ? তুমি বাহাদুর বটে !

সত্য। তাই বটে ! বাবার সঙ্গে দেখা করা—

জিতেন। ছঃসাহসের কাজ ! যদি দেখা কর, এ life-এর সমস্ত prospect ছেড়ে দিয়ে তোমায় চ'লে যেতে হয়। আমি ব'ল্‌বখন, বর পালিয়েছে। তুমি সীটান গুর সঙ্গে রাতের ট্রেনে দেশে চলে যাবে—আর কখনো কল্কাতায় আসবে না—দেখ, রাজি ?

(গীতির প্রবেশ)

গীতি। কাকা ?—

সত্য। কি গীতি !

গীতি। এইদিকে একবার এস !

সত্য। কেন রে ?

(নিকটে গেল)

গীতি। দেখ—ঐ দিকে ; ইলা কাকীমা তোমায় ডাকছেন—এই দিকে এস।

জিতেন। গীতি তুই যা—সত্য বাবেখন—একটু পরে !

[গীতির প্রস্থান।]

জিতেন। You must make up your mind সত্য ! Now or never—হয় ইলা, না হয় বাবা—There's no compromise !

'সত্য। বাবা কি আমার অবস্থা বুঝবেন না ?

জিতেন। তাহ'লে তুমি ঠুঁকে এখনো চেনো না ! উনি বশিষ্ঠ বা ঋষিকাকারী ব্রাহ্মণ—আমাদের মত শুধু ব্রাহ্মণসন্তান না। উনি আমার অবস্থাই কখনো বুঝলেন না—তোমার অবস্থা তো আমার চেয়েও সামান্যতক !

সত্য। তাহ'লে বাবা এখানে এসে ফিরে যাবেন—আমাদের সঙ্গে দেখা হবে না ?

জিতেন। তুমি দেখা ক'রতে চাও, দেখা ক'রতে পার—at your own risk. আমি এ'নরকে ঠুঁকে টেনে এম্নে ঠুঁর অপমান কর্তে চাইনে ! উনি দেবতা আছেন, দেবতাই থাকুন। আমি মানুষ—কোনদিন ঠুঁর নাগাল পাব না।

সত্য। দাদা পায়ে ধুলো দাও ! তুমিই দেবতা—অন্ততঃ আমার দেবতা !

(পায়ে ধূলো লইলেন)

জিতেন। জান সত্য, কেন আমি বাড়ী যাইনে—কেন বাবার সঙ্গে দেখা করিনে ? আমি জানি, আমি পতিত—স্বর্গচ্যুত। যেদিন নারায়ণ দাফনী ক'রে তোমার বৌদিকে স্ত্রী ব'লে স্বীকার ক'রেছি, তারপর যেদিন থেকে ঠুঁর মনের পরিচয় পেয়েছি—সেইদিন থেকেই বুঝেছি, আমি পতিত। মাঝে মাঝে বাবার উপর অভিমান হয় ; মনে কারি, উনি যদি আমায় ক্ষমা কর্তেন ! আবার যখন তত্ত্বজ্ঞান লাভ করি, তখন বুঝতে পারি—আমার অপরাধের গুরুত্ব কত বেশী ! উনি আমায় কিছুতেই ক্ষমা কর্তে পারেন না ! থাক থাক—একটা জায়গা থাক ! সব গেছে—সব ঘাবে। জীবনে যখন কিছুই হাতড়ে পাব না, তখন শুধু এই কথাটাই মনে ক'রবো—আমরা বড় বাপের ছেলে !

(গীতির প্রবেশ)

গীতি। কই কাকা—এলে না? এস শীগ্গির ক'বে। ইক
কাকীমা তোমায় টেনে নিয়ে যেতে বলেন—এস!

জিতেন। যাও—যাও!

[ততক্ষণ গীতি সত্যকে টানিয়া লইয়া গেছে]

(দারোয়ানের পুনঃ প্রবেশ)

চোবে। হুজুর—খুড়া পণ্ডিতজী তো হামারা বাত্ প্রত্যাশ নেই
কিয়া।

জিতেন। ক্যা বোল্‌তা হায়!

চোবে। বোল্‌তা হায়, সাহেব লোক কোঠীমে হায়—লেকেন, ওই
সাহেব লোকই বোল্‌তা হায়—তোম বোলো, নেহি হায়।

জিতেন। একঠো কান করো দারোয়ানজি! বুড়া পণ্ডিতজীকো
সাথ কর্‌কে হিঁয়াপর লে আও; কোঠী দেখ্‌লেহে বোলো—
ইয়্‌ তো শূন্‌ কোঠী হায়। আমরা ভিতরে বাছি।

চোবে। জি—হুজুর!

[প্রস্থান।]

(সত্যর পুনঃ প্রবেশ)

সত্য। দাদা!

জিতেন। এখন আর এ ঘরে নয়—চল বাড়ীর ভিতর বা'।

সত্য। কেন?

জিতেন। বাবা কথা বিশ্বাস করেন নি। আমি চোবেকে বলে
দিলাম, সে তাঁকে উপরটা ঘুরিয়ে নিয়ে বাবে; আমরা ততক্ষণ চোরের
মত পালিয়ে থাকবো—তাই'লে আর গুঁর সঙ্গে দেখা হবে না।

সত্য ॥ দেখা ক'রবেন না কিছুতেই ?

জিতেন । আরে পাগল ?—দেখা করলে কি আর রক্ষে থাকবে ! শুধু তোমার ভবিষ্যৎ নয়, আমার বর্তমান পর্য্যন্ত তাঁর পায়ের আঘাতে ভেঙে চুরমার হ'য়ে যাবে ! আমার অবস্থা হবে “ইতো নষ্টস্ততোদ্রষ্টঃ” ! না ভাই, আমার অত সাহস নেই । সিঁড়িতে ওই তাঁর পায়ের শব্দ পাচ্ছি, চ'লে এস—চ'লে এস !

[উভয়ের প্রস্থান ।

(উপেন্দ্রনাথ ঘরে আসিলেন, সঙ্গে দারোয়ান ; চারিদিক চাহিয়া দেখিলেন)

উপেন্দ্র । সত্যি, কেউ নেই দরোয়ানজি ?

দারোয়ান । কোই নেই হুজুর—আপুতো হামকো বাত্ প্রত্যয় নেই কিয়া !

উপেন্দ্র । আমি হুজুরটুজুর নই বাবা—তোমারই মতন গরীব ব্রাহ্মণ ! আমায় সমীহ ক'রে কথা কইবার দরকার নেই । আচ্ছা দরোয়ানজি, সত্যি কথা বলতো বাবা—সাহেবরা ছিল এখানে ; আমি এসেছি শুনে পালিয়ে গেল—কেমন ? আমার সঙ্গে দেখা ক'রবেন না—দেখা ক'রতে চায় না । বাড়ীর ভিতর যে কেউ আছে, তাকে ডেকে নিয়ে এস—লক্ষ্মী বাবা ! আমি তোমায় বড্ড জুলুম করছি—তা হোক ! তাকে হোক, মেমসাহেব কিম্বা ছেলেমেয়ে যে আছে—যাও বাবা ! এতদূর থেকে এলাম—একবার দেখা হবে না !

দারোয়ান । (একটু ইতস্ততঃ করার পর বলিল) হুজুর হামকো মাপ কিয়া । হাম গরীব আদমি হায়—নোকর্ হায় !

উপেন্দ্র । (মুহূর্ত্ত মান হাশ্ব) দেখা ক'রবেন না কেউ—কেমন ? আর ডাকাডাকি করলে তোমার চাকরী যাবার ভয় আছে । আচ্ছা—আচ্ছা—থাক ; দেখা করার দরকার নেই । বসে থাকলেও তাদের

ফিরবার কোন সম্ভাবনা নেই—কি বল দরওয়ানজি ? তবে থাক—
শুধু শুধু ব'সে আর লাভ কি ? আচ্ছা, আমি চললাম ; আমার বাবার
পথটা দেখিয়ে দিও তো বাবা !

[উভয়ের অস্থান ।

[অত্যন্ত বিমম ও চিন্তিতভাবে সত্য প্রবেশ করিয়া একখানি পোফায় বসিল ;

পরমুহূর্তে মিঃ চ্যাটার্জি প্রবেশ করিলেন]

মিঃ চ্যাটার্জি । একি, সত্য যে একা একা চুপচাপ ব'সে আছ ?
মিষ্টার ও মিসেস্ ব্যানার্জী কোথায় ? গীতি গিয়ে ইলাকে আগে থেকে
ধরে নিয়ে এল—সব কোথায় গেল ?

(মিষ্টার ও মিসেস্ ব্যানার্জির প্রবেশ)

মিঃ চ্যাটার্জি । আসুন, আসুন—মিষ্টার ও মিসেস্ ব্যানার্জী !
একটু সকাল নকাল এলেম—Let's have a conference before
we meet our guests. কোথায় বসাবেন—এইখানেই নাকি ?

মায়া । না—আজ একটা special occassion, আজ হার
এখানে বসানো চলে না । আমি আমাদের বড় reception-hallটা
সাজাতে বসলাম ।

জিতেন । তবে তাই চল—আমরা সেইখানে গিয়েই বসি ।
Let the younger folks have their chance !

মিঃ চ্যাটার্জি । তুমি বেশ আছ মিষ্টার ব্যানার্জী ? এদিকে
Love-making courtshipএর ব্যবস্থা ক'চ্ছ—আবার 'পুরুতঠাকুর
ডাকিয়ে দিনক্ষণ যোগাযোগ দেখাচ্ছে ?

মায়া । By jove ! গোপনে গোপনে এই সব ব্যবস্থা ক'চ্ছ
নাকি ? তুমি আমায় না জানিয়ে পুরুত ডাকালে কেন ?

জিতেন। কে পুত্র ডেকেছে, আমারই ভো-ভানা নেহ !
তোমার কে বলে Chatterji ?

মিঃ চ্যাটার্জি। Well, I saw the poor man going out—
একটা আনার কল্লিকর্ত্তা মনে করেছিল নিশ্চয়ই !

জিতেন। তোমার কিছু জিজ্ঞাসা করেছিলেন !

মিঃ চ্যাটার্জি। না—অতটা সাহস করেনি ; তবে কিছু বলবার
যচ্ছা ছিল বোধহয়—অনেকক্ষণ আনার মথের দিকে একদৃষ্টে চেয়েছিল ।

মায়া। আপনি ব'লেই পারতেন, আমাদের পুত্রের দরকার
নেই !

জিতেন। বাক্ বাক্—ও সব কথা ছেড়ে দাও ; পুত্র আমি
ডাকাই নি ।

সত্য। (সহসা উঠিয়া) পুত্র একজন ডাকাবেন দাদা ! আমি
হিন্দুবিবাহই কর্ণো । আপনার যদি আপত্তি থাকে—

মিঃ চ্যাটার্জি। Nothing of the kind !

মায়া। না, কেন ?—ক দরকার ! আমি ও সব বিশ্বাস করিনে !

মিঃ চ্যাটার্জি। Well, well ! Let the young man have
his way ! I have no objection.

জিতেন। তাই হবে—তাই হবে ; এস, আমরা বড় hall-এ যাই ।
—Comeon Mr. Chatterji !

[সত্য ব্যতীত সকলের প্রস্থান ।

(সত্য উদ্বেজিতভাবে ঘরের ভিতর বেড়াইতে লাগিল—এমন সময় ইলা আসিল)

ইলা। শোন !

সত্য। কি ইলা ?

ইলা। তোমার কি হয়েছে আজ ?

সত্য। কি হবে ইলা? কিছু হয়নি তো!

ইলা। না—নিশ্চয়ই কিছু হয়েছে; তুমি আমার সঙ্গে ভাল ক'রে কথা কইতে পাচ্চনা।

সত্য। ইলা!

ইলা। কি—বল?

সত্য। তুমি কি আমার ভালবাসায় সন্দেহ কর?

ইলা। না!

সত্য। তুমি আমার অবিশ্বাস কর না?

ইলা। না গো—না!

সত্য। ইলা! তুমি হয়তো জাননা, দ্বীপ সঙ্গে বিশ্বাসঘাতকতা ক'র্তে পারে—এমন স্বামীও সংসারে আছে!

ইলা। তুমি এমন সব আজগুবি কথা বল! আচ্ছা, তখন কে এসেছিলেন এখানে?

সত্য। কখন?

ইলা। বাবা এখানে আসবার একটু আগে। তুমি আর তোমার দাদা ঘর থেকে বেরিয়ে এলে; তার পর তিনি এলেন।

সত্য। তুমি তাঁকে দেখেছিলে!

ইলা। আমি দেখিনি—গীতি দেখেছে। তার মায়ের কাছে ব'ল'ছিল—আমি সেখানে ছিলাম। সত্যি—বলনা, কে এসেছিলেন?

সত্য। আজ বলবোনা ইলা! শুধু এইটুকু জেনে রাখ, যিনি এসেছিলেন, তিনি একজন মহাজ্ঞানী মহাপণ্ডিত—আমার পরম হিতৈষী!

ইলা। তবে তুমি তাঁর সঙ্গে দেখা ক'রলে না কেন?

সত্য। পাছে তোমায় হারাতে হয়, এই ভয়ে!

ইলা । ওঃ—ওর বৃদ্ধি হচ্ছে নয়, আমার সঙ্গে তোমার বিয়ে হয় ?

সত্য । হ্যাঁ—তাই !

ইলা । তবে দেখা করনি, ভাসুই ক'রেছ । ওমা—এই যে বীণি !
বীণি, কখন এলে ?

(দ্বারের কাছে বীণি)

বীণি । এই কিছুক্ষণ এসামি !

ইলা । এই লালপাড় শাড়ীতে তোমার চমৎকার মানিয়েছে বীণি !

(মায়া প্রবেশ)

মায়া । কই—বীণি কৈ ?

বীণি । (মায়ের পায়ের পূজা লইয়া) এই যে মা ! (তারপর
কাঁকান পায়ের পূজা লইয়া—ইলার প্রতি) তুমি তো কাকীনা হ'চ্ছ ?
তুমিও গুরুজন—তোমাকেও একটা প্রণাম করি !

মায়া । অবাক্ ক'রো! যেমন পোষাকপত্রের ছিঁলি, তেমনি
অভ্যর্থনাব্যভাষা! তুই দিন দিন কি হচ্ছিচ্ছ বীণি ? এই মেয়েকে
আমি দশজনের কাছে introduce করবো কেমন করে ?—লোকে যে
আমার মুখে চুণকালি দেবে !

বীণি । দয়া ক'রে দশজনের কাছে আমায় introduce ক'রোনা
মা ! আমি দাদামশায়, দিদিমার কাছে বেশ আছি !

মায়া । তাঁরা তোমায় দিন দিন একটা জন্ম তৈরী ক'চ্ছেন। আর—
আমার ঘরে আর। আজকের এই occasion এ আমি তোমায় এ
লালপাড় শাড়ী পরে বেরতে দেবনা ।

ইলা । এ শাড়ীতে বীণিকে কিন্তু বড় ভাল মানিয়েছে !

মায়া । বলিছারি সব পছন্দ ! —আয় ।

বীথি। তুমি ইলা কা কীমাকে নিয়ে যাও ; আমি কাকার সঙ্গে দুটো কথা ক'য়ে এখনই যাচ্ছি।

সত্য। এস ইলা ! (সত্যার প্রতি) দেখো, তুমি যেন আবার তোমাদের গায়ের গয় আরম্ভ ক'রো না !

[সয়া ও ইলার প্রস্থান।]

বীথি। কাকা !

সত্য। বল বীথি !

বীথি। আমি কখনো ভাবিনি কাকা—তুমি এমন ক'র্বে !

সত্য। আমিও ভাবিনি বীথি ! সাধারণ লোক মোহমুগ্ধ হয়ে যে সব নীচ কাজ করে, আমি জ্ঞান্বেষ—আমি তাদের অনেক উপরে। এখন দেখছি, আমার সে ধারণা ভুল ! আমিও তাদেরই একজন।

বীথি। তুমি তাদের চেয়ে নীচে কাকা ! তুমি শুধু মোহগ্রস্ত হওনি—তুমি প্রতারণা ক'রেছ !

সত্য। উপায় নেই বীথি ! আমি স্বীকার করছি, আমি মোহগ্রস্ত। আমি এখনো এ জাল ছিঁড়ে যেতে পারি ; কিন্তু আমি চ'লে গেলে তোমার বাপমায়ের সামাজিক অবস্থা—

বীথি। মনকে চোখ ঠেরো না কাকা ! তুমি যেতে পার না—সে সাহস তোমার নেই ! আমি তোমার জন্তে দুঃখিত। ইলা কাকীমাকে তুমি সত্যি কথা বলেছিলে ? —নিশ্চয়ই বলনি ?

সত্য। না—অনেকবার চেষ্টা ক'রেও বলতে পারিনি। আমি তাকে হারাতে চাইনে,—তার মনে আঘাত দিতে চাইনে !

বীথি। কতদিন আঘাত বাঁচিয়ে চলবে ? একদিন তো সত্য ঘটনা প্রকাশ হবেই।

সত্য । আমি শ্রোতে ভেসে চ'লেছি, আমার আর ফিরবার উপায় নেই বীথি ।

বীথি । এ তো হীন স্বার্থপর লোকের কথা—অত্যন্ত দুর্বলচিত্তের কথা । বার মনে উচ্চ আকাঙ্ক্ষা আছে, তার মুখে এ কথা সাজেনা ।

সত্য । আমি সঙ্কল্প করেছি বীথি, এই পথেই যাব । আমি বিলেত যাব, দশজনের একজন হব, বিপুল অর্থ উপাঞ্জন করবো । আমি স্বীকার করছি, আমার বাপ পিতামহ যে ভাবে জীবন কাটিয়েছেন, সে আদর্শ পল্লীজীবন আমার নয় । আমি জানি, অনেক বাধা আসবে । এ পথে কাঁটা আছে—কান্দা আছে—পদে পদে বিপদ আছে । সেই বাধা অতিক্রম করায় আমার পৌরুষ । আমার উদ্দেশ্যসিদ্ধির জন্য আবশ্যক হয়, আমি সত্য গোপন করবো—মিথ্যা বলতেও কুণ্ঠিত হবনা । তুমি জান বীথি, এই মাত্র বাবা এখানে এসেছিলেন আমায় ফেরাতে ? আমি তাঁর সঙ্গে দেখা করিনি ।

বীথি । ঠাকুরদামশায় এখানে এসেছিলেন ?

সত্য । হ্যাঁ—এসেছিলেন । শুধু আমার জন্মেই এসেছিলেন । আমি তাঁর সঙ্গে দেখা করিনি ।

বীথি । তোমরা কেউ তাঁর সঙ্গে দেখা করনি ?—তুমিও না, বাবুও না ?

সত্য । কেউনা বীথি ! তিনি নিরাশ হ'য়ে চলে গেছেন । আমার পক্ষে এ যে কতবড় পরীক্ষা, তুমি তা বুঝতে পারবেনা না ! আমি সে পরীক্ষায় উত্তীর্ণ হ'য়েছি ।

বীথি । আমি তোমাদের পাপের প্রায়শ্চিত্ত করবো কাকা—আমি তাঁর সঙ্গে দেখা করবো ।

সত্য । তুমি তাঁর সঙ্গে দেখা করবে বীথি ?

বীথি । —আমি যদি দেখা না করি, তাঁর দীর্ঘনিশ্বাসে তোমাদের অমঙ্গল হবে কাকা !

সত্য । তাই কর, তুমিই দেখা কর—কল্যাণী মা আমার !

বীথি । যদি কাকীমার সঙ্গে কখনো দেখা হয়, তিনি যদি তোমার কথা আনায় জিজ্ঞাসা করেন—কি বলবো ?

সত্য । তোমার বা খুসী, তাই বলো ।

বীথি । কি ভরসা নিয়ে তিনি বেঁচে থাকবেন ?

সত্য । সে আমি জানিনি, তিনি জানেন । তাঁকে উপদেশ দিয়ে আমার অপরাধের মাত্রা বাড়াতো চাইনে মা ! “ঘরছাড়া অলক্ষী আমার বরদাত্রী”—আমি কাউকে কিছু বলবো না মা ! তবে তুমি যদি আমার বাবার সঙ্গে দেখা ক’রে শুধু তাঁর সঙ্গে ছোটো কথা কয়ে এস, আমি প্রাণে বড় শান্তি পাব !

বীথি । ফোঁথায় তাঁর দেখা পাব ? তিনি তোমাদের মেসে আছেন ?

সত্য । হ্যাঁ, আমাদের মেসে—প্রকাশের ঘরে । বীথি—শোন ! অর্জু আমি পঁাকে নেমেছি, কলঙ্ক গায়ে মেখেছি ; কিন্তু তুমি আমায় বিশ্বাস ক’রো মা, চিরদিন এ কলঙ্কের দাগ আমার গায়ে থাকবে না—তিনি এ দাগ মুছে ফেলতে পারবো !

[বীথির প্রস্থান ।



তৃতীয় দৃশ্য

[প্রকাশের মেস। প্রকাশ শুইয়া শুইয়া খবরের কাগজ পড়িতেছিল।

ধীরে ধীরে উপেন্দ্রনাথ প্রবেশ করিলেন।]

প্রকাশ। আশুন জ্যেষ্ঠামশাই ! কোথায় গিয়েছিলেন একা একা ?

উপেন্দ্রনাথ। বড়সাহেবের বাড়ী !

প্রকাশ। 'আপনি একা একা গেলেন ; আমি মনে ক'রেছিলাম, আমি আপনার সঙ্গে যাব।

উপেন্দ্রনাথ। তোমার সঙ্গে যাবনা বলেই একা গিয়েছিলাম।

প্রকাশ। বাড়ী চিন্তে পেরেছিলেন ?

উপেন্দ্রনাথ। তা আর কেন পার্বো না বাবা—ঠিকানা জানা ছিল এখন। এইবার আমার পোঁটলাপুঁটলিগুলো বেঁধে 'দাও—আমি বাড়ী যাই !

প্রকাশ। দেখা হ'ল সত্যর সঙ্গে ?

উপেন্দ্রনাথ। না—দেখা হ'ল না।

প্রকাশ। দেখা হ'ল না ? সে কি বাড়ী ছিলনা ?

উপেন্দ্রনাথ। না—কেউ বাড়ী ছিলনা। বড়সাহেবের মেম, ছেলে ময়ে—কেউ না ! অন্ততঃ দরওয়ান তাই ব'লে।

প্রকাশ। তাহ'লে তারা কেউ আপনার সঙ্গে দেখা ক'রলে না বলুন ?

উপেন্দ্রনাথ। সে কথা কি আমি মুখে আনতে পারি প্রকাশ ? আমার পিতৃভক্ত উচ্চশিক্ষিত সুসন্তান, বুড়ো বাপকে দরোজা থেকে বিদেয় দেবে—তাও কি আর সম্ভব ! বাড়ী ছিল না—এই কথাই সত্যি !

প্রকাশ। চলুন—আমি আপনার সঙ্গে যাব; দেখি, কেমন তাঁরা লুকিয়ে থাকতে পারেন!

উপেন্দ্রনাথ। না বাবা, আর দরকার নেই—যথেষ্ট হয়েছে! তোমার সুপারিশ নিয়ে আর সাহেবদের সঙ্গে দেখা ক'র ক'র কাজ নেই! আমি তো আর এ বয়সে চাকরী কর্তে বাচ্চিনে দরখাস্ত নিয়ে?—আর গেলেও আমার দেবে না, সে বিত্তে নেই!

প্রকাশ। আপনি বসুন জ্যেষ্ঠামশায়—আপনি বড় উত্তেজিত হয়েছেন!

উপেন্দ্রনাথ। উত্তেজিত হ'ব না বাবা—তুমি বল কি? বাপ ছেলের সঙ্গে দেখা করতে গেল, ছেলে ছেলের বউ—সবাই বাড়ী রয়েছে, সবাই কথা ক'ছে—বাতায়াত ক'ছে; অথচ দরওয়ান এসে খবর দিলে—“দোনো সাহেব মেমসাহেব—কোঠামে কোই নেই হায়!” কথা বিশ্বাস করলাম না—উত্তেজিত ছিলাম, উপরে গিয়ে উঠলাম!

প্রকাশ। সেখানেও ছিলেন না কেউ?

উপেন্দ্রনাথ। যুক্তকে জাগানো যায়, জেগে ঘুমলে তার ঘুম ভাঙায় কে?

প্রকাশ। আমি ভাবছি, আপনি দেখা না করে চ'লে যাবেন—সেটা কি ভাল হবে জ্যেষ্ঠামশায়?

উপেন্দ্রনাথ। আর উপায় কি বাবা? ওরা যদি দেখা না করে, আমি চেষ্টা করলে কি হবে। আমার অসাই উচিত হয় নি। না আমার জ্ঞানময়ী—ঠিক বলেছিলেন। ওরা বুঝতে পারেন—সত্য নারী কিনা!

প্রকাশ। সত্য অন্তায় ক'ছে। এখন ও মোহগ্রস্ত—বুঝতে পাচ্ছে না। আমরা যদি পাঞ্জীপক্ষকে সব সত্যি কথা জানিয়ে, দিই, নিশ্চয়ই তাঁর সত্য উপকার করা হবে।

উপেক্ষনাথ। কিন্তু ঘটনা বা ঘট, সে তো আর তোমার আমার দিতে নয় বাবা? তুমি আমি তো ঘটনা ঘটাইনে—তুমি আমি উপলক্ষ্য! যিনি ঘটান, তাঁর নাম ভবিতব্য—তিনি চক্রধারী! এমন চক্র করলেন, তোমার আমার সাধাই নেই—সে চক্রবাহ ভেদ করি। নষ্টলে, আমি সারাজীবন দামোদরের সেবা করলাম—আমার ছেলেদের তো এরকম হবার কথা নয়!

প্রকাশ। তা বটে—খুব আশ্চর্য্য কিন্তু জ্যোতামশাই!

উপেক্ষনাথ। বড়টাকে না হয় বড়লোক স্বপ্তের হাতে, বিলাসিনী স্ত্রীর হাতে ছেড়ে দিয়েছিলাম—কিন্তু সত্য? আমি যে নিজেকে পছন্দ ক'রে চেঁচা ক'রে অমন লক্ষ্মী বোঁমাকে খুঁজে ঘরে এনেছি! তুমিও জান, গায়ের আর দশজনও জানে—এমন বৌ আজকের দিনে পাওয়া যায় না। তাঁর কি মর্যাদা রাখল ও! বাবু; দামোদর বা করবেন, তাই হবে। তুমি নাও—আমার জিনিষপত্রগুলো একটু ঠিকঠাক ক'রে দাও।

(বীথির প্রবেশ)

বীথি। প্রকাশ কাকা!

প্রকাশ। কে?

বীথি। আমি বীথি। ঠাকুরদাদার সঙ্গে দেখা করতে এসেছি; তিনি আছেন এখানে?

উপেক্ষনাথ। কে কে—কে প্রকাশ?

প্রকাশ। বীথি। এই যে তোমার ঠাকুরদা; এস—নমস্কার কর। জ্যোতামশাই, এই বীথি—আপনার নাতনী!

উপেক্ষনাথ। এই বীথি আমার নাতনী?—সত্যি আমার নাতনী? কই দেখি, তোর মুখখানা একবার ভাল ক'রে দেখি? প্রকাশ, আলোটা একবার ধর। এয়ে স্বপ্ন—বীথি আমায় দেখতে এল!

বীথি। হ্যাঁ দাছ, আমি আপনাই বীথি। আমার দাদামশায়
দিদিমা আমার পাঠিয়ে দিলেন। আপনি আমার সঙ্গে দাদামশায়ের
ওখানে চলুন দাছ !

উপেক্ষনাথ। তুই আমার নাতনী দিদি,—আমার স্নিহিতনের মেয়ে !
সেই জিতেন, যে পৈতে হওয়ার পর বোজ ত্রিসফা ক'র্ত্তো, নারায়ণ-পূজো
ক'র্ত্তো—আমি শিখিয়েছিলাম তোর বাপকে। জিজ্ঞাসা ক'রে দেখি
দিদি, আজো সব মস্ত সে ভোলে নি !

বীথি। দাছ, আমি আমার দিদিমার সঙ্গে রোজ গঙ্গাস্নানে বাই—
গঙ্গাস্নান আমার মুখস্থ আছে !

উপেক্ষনাথ। তুই গঙ্গাস্নান করিস্ দিদি ? হ্যাঁ, তুই আমার
নাতনীই বটে—মিসেস্ মায়্য ব্যানার্জীর মেয়ে না। তোর দিদিমাকে
বলিস্, আমি তাঁকে আমার নমস্কার জানাচ্ছি ; তিনি তোকে রক্ষা
ক'রেছেন—আমায়ও রক্ষা ক'রেছেন। গঙ্গাস্নানটা রোজ করবি,
তাহলে আর কেউ কিছু করতে পারবেনা দিদি ! উনি সুরতরঙ্গিণী—
কলিতে একমাত্র জাগ্রত দেবতা ! গঙ্গাস্নান আর নাম ! বাই হোক
তুই আমার—তুই আমার ; তোকে দেখে চোখ জুড়ুল—প্রাণ জুড়ুল !

প্রকাশ। আপনি যদি ওর কীর্ত্তন শোনেন জোঠামশাই ! বীথি বড়
ভাল কীর্ত্তন গায়—ওর দাদামশায়ের কাছে শিখেছে।

উপেক্ষনাথ। আমার দামোদর শিখিয়েছেন প্রকাশ—চক্রীর
চক্র ! এমনি ভাবেই তিনি তাঁর ইচ্ছা পূর্ণ করেন—আমরা বুঝতে পারিনে ;
শুধু হাত-পা ছুড়ি, হা-হতাশ করি ! নইলে, ছেলে ঝুকিয়ে রইল
দেখা করল না—আর নাতনী ছুটে এল দেখা ক'রতে ?—চক্রীর চক্র
ছাড়া এ হয় !

বীথি। দাছ, এইবার চলুন আমার দাদামশায়ের ওখানে। তিনি

কর্তাদিন আপনার কথা আমায় বলেছেন ; আপনার কাছে তিনি দ্বিজিত । তিনি বলেন—তোমার দাহুর কাছে আমি অপরাধী !

উপেক্ষনীথ । এক সময় আশ্রিত তাই মনে ক'রেছি—আজ আর তা মনে ক'রিনি । তিনি তোকে রক্ষা ক'রেছেন । যে নাম তোকে দিয়েছেন, তোর আর ভয় নেই—তুই বেঁচে গেছিস্ দিদি ! কোন অপদেবতা তোর কিছু ক'রতে পারবে না । প্রকাশ, ওঠ তা'হলে—আর দেৱী করা চলেনা ।

প্রকাশ । আপনি যে জন্তু এলেন—তার কি ক'ল্লেন ? যদি একবার তবিনয়দাবুর সঙ্গে পরামর্শ ক'রে পাণ্ডুর বাপকে সব কথা জানিয়ে দিতেন জ্যেষ্ঠামশাই !

বীথি । না প্রকাশকাকা, এ কাজ আপনারা ক'রবেন না । ইলা এককীমা বড় ভাল মেয়ে ! এ কথা শুনলে তাঁর বাপ-মা হয়তো বিয়ে বন্ধ ক'রবেন । বোধহয়, তাতে কোন পক্ষেরই ভাল হবে না ; নইলে, আমিই

প্রকাশ । তাই ব'লে এই মিথ্যার প্রশ্ন দেওয়া কি উচিত নয় কর ?

বীথি । উচিত মনে করিনে বটে—কিন্তু উপায়ও কিছু দেখছি ।

প্রকাশ । তুমি উপায় দেখতে পাবে না বীথি ! তুমি তোমার বাপ-মাকার সামাজিক অবস্থার কথাই ভাবছ, বাড়ীতে তোমার যে এককীমা আছেন—তাঁর কথা তো ভাবছ না ।

বীথি । আমি তাঁর কথা ভেবেছি কাকা—ভাবতে ভাবতে একটী ত আমি ধ'রতে পেরেছি ।

প্রকাশ । সে সত্যটী কি—আমায় বলবে বীথি ?

বীথি । আপনি হয়তো সে কথা শুনলে হাসবেন কাকা !

উপেক্ষ। না দিদি—কেউ হাসবে না। প্রকাশ যদি বিশ্বাস না করে, আমি বিশ্বাস করবো।

বীথি। শুনুন আমি বলি;—আমার কাকীমার নাম দেবী : ছোট কাকার মুখে আমি তাঁর গুণ শুনছি—তাঁর কথা শুনছি। তিনি একবার আমায় একখানা চিঠি দিয়েছিলেন—চিঠিখানা আমার মুখস্থ আছে। আমার কল্লনায় তিনি দেবী—নিশ্চয়ই তিনি দেবী, তিনি সত্যী! শুধু এইজন্যই তাঁর ভাগ্য—সাধারণ নারীর ভাগ্য নয়। আপনি আমাদের পুরাণের সব সত্যীর জীবন আলোচনা করে দেখুন—হুঃখ না পেয়েছেন কে? সাতা সত্যী সাবিত্রী দময়ন্তী—কত দুঃখ, কত সমস্যা—এ সব ভগবানের পরীক্ষা! ভগবান ছোট কাকীমাকে এই অগ্নিপরীক্ষায় ফেলে তাঁকে আরো উজ্জ্বল করবেন! আমরা তাঁর ভালর জন্তে যা করতে বাব, তাতে তাঁর ভাল হবে না।

উপেক্ষ। প্রকাশ, শুনছ—আমার দিদির কথা শুনছ? তাঁর কথাই সত্যি দিদি! প্রকাশ চল, এরপর আর গাড়ী পাব না।

প্রকাশ। আমার অপরাধ নেবেন না জ্যেষ্ঠামশায়! বীথি যা বলে—সে ভাবের কথা। ওর কথা খুবই সত্যি—কিন্তু তাতেও আমাদের কর্তব্য শেষ হয় না। আমি নিজে ডক্টর চ্যাটার্জির কাছে গিয়ে সব কথা বলবো।

উপেক্ষ। তুমি বেতে চাও—বেতে পার প্রকাশ! আমি এক সাহেবের বাড়ীতে গিয়ে অপমান হয়ে ফিরে এসেছি, আর এক সাহেবের বাড়ী যাবার উৎসাহ আমার নেই। আগে আমার স্টেশনে পৌছে দাও।

প্রকাশ। চলুন; আমি কিছুতেই ছাড়বো না জ্যোতামশাই !
এমনি ক'বে আমরা অসত্যকে প্রশ্রয় দিই ব'লে আমাদের
সমাজে এত অনাচার। চলুন—আগে আপনাকে ষ্টেশনে দিয়ে
আসি।

বীথি। আমার ছেড়ে চলে যাবেন দাছ ? আপনার মনে কষ্ট
হবে না !

উপেন্দ্র। আর মায়া বাড়ান্বে দিদি ! এতদিন তোর নাম শুনেছি,
চোখে দেখিনি; ভাবতেম, সে আমার নয়—সে পর হ'য়েই জন্মেছে।
এখন দেখলাম—তুই আমারই ! তুমি 'বাড়ী' যাও দিদি—তোমার
দিদিমা, দাদামশায়কে আমার নমস্কার জানিয়ে।

বীথি। হঠাৎ একদিন আপনার কাছে গিয়ে উপস্থিত হব দাছ !

উপেন্দ্র। না—বাপমায়ের কণার অবশ্য হ'য়োনা দিদি ! বাপমায়ের
মনে কষ্ট দিতে নেই।

বীথি। কাকীমা আর পিসিমাকে আমার কথা বলবেন।

(বীথি প্রণাম করিল)

উপেন্দ্র। বুঝতে পাচ্ছনি দিদি, তোমায় কি আশীর্বাদ ক'রবো
তোমার বাপ-মা তো তোমায় এমনটী থাকতে দেবে না। তবে যেখানে যে
ভাবেই থাক না দিদি—তোমার মনের ময়লা ঘুচে গেছে ! গঙ্গায় বিশ্বাস
রেখ, কৃষ্ণনাম ভুল না—সব দুঃখ সহিতে পারবে !

বীথি। দাছ, কি বললেন আমায় ! আমায় দুঃখ সহিতে হবে ?

উপেন্দ্র। হবে দিদি ! তুমিই তো এইমাত্র ব'লে—যে কারণে তোমায়
কাকীমা দুঃখ সহিবেন, তোমার পিসিমা দুঃখ সহিছে—তুমিও যে তাদেরই
দলে দিদি ! প্রকাশ, আমার এমন সংসার—ভগবান কিনা দিয়েছেন ? —

তুই ছেলে, তুই বউ, মেয়ে, জামাই, এমন নাত্নী—তবু সব থেকেও
 কিছু নেই ! যা দিদি, তুই চ'লে যা—ওই দরজা দিয়ে বাইরে যা ! আমি
 আর তোর মুখের দিকে চাইব না—তুই কাছে থাকলে আমার বাওয়া
 হবে না । তুই যা—তুই যা !

[প্রস্থান ।

তৃতীয় অঙ্ক

প্রথম দৃশ্য

[সুবিনয়বাবুর কলিকাতার বাড়ীর পাঠাগার ; সুবিনয়বাবু
ঘরে আসিয়া মুহূর্ত্তে গান ধরিলেন ।]

গান •

শারদ চন্দ্রিক। স্বর্ণ, ধিক্ চম্পকের বর্ণ

শোনকুহুম গোরচনা—

হরিতাল সে কোন্‌ চার, বিকার সে মৃত্তিকার ;

সে কি গোরা রূপের তুলনা ?

(প্রকাশ প্রবেশ করিল)

সুবিনয় । আরে, কে হে—প্রকাশ ? এস—এস !

প্রকাশ । আপনার গোরাক্ষের জীবনী লেখা শেষ হ'ল ?

সুবিনয় । না—এখনো শেষ হয়নি তো । সত্য চলে গেল প্রকাশ ?

প্রকাশ । আজ্ঞে হ্যাঁ—পরশু গেছে ।

সুবিনয় । তুমি তো অনেক চেষ্টা ক'রেছিলে—যাতে বিয়ে না হয় ।

প্রকাশ । আমি অজিতবাবুকে সব কথা ব'লতে গেলাম—ভদ্রলোক
আমার কথা কানেই তুল্লেন না !

সুবিনয় । অজিতবাবুটী কে ?

প্রকাশ । সত্যর নতুন স্বশুর যিনি হ'লেন—শ্রীমতী ইলা দেবীর
বাপ—Mr. Ajit Chatterji.

সুবিনয় । ও আনাদের বিক্রমপুরের লোক কিনা—ওরা দিক তোমাদের মত নয় । যখন খেদিকে কোঁক্ চাপে ! তুমি Mr. Chatterjিকে কি বল্লে ? ওরে—কে আছিম্ রে !

প্রকাশ । আমি বল্লাম—“মশাই, আপনি যে মেয়ের বিয়ে দিতে বাচ্চেন—আপনার জানাইয়ের সম্বন্ধে আমার কিছু বক্তব্য আছে ; তার past আছে ।”

সুবিনয় । তিনি কি বল্লেন ?

প্রকাশ । বোঝায় তখন দু’এক পাত্র পান ক’রেছেন ! হাস্তে হাস্তে বল্লেন—“past সকলেরই আছে—I have a terrible past ! আমরাই কি কম কীর্তি ক’রেছি ? আমার স্ত্রী জানতে পারলে তিন দিন কথা বন্ধ ক’রবেন । সত্যার past আছে—থাক না । ও যখন বিলেত বাচ্ছে, ফিরে আসবার আগে অনেক কীর্তি ক’রবে—ভয় কি ?” এর পর তাকে কি বল্বে ?—আমি রাগ ক’রে চ’লে এলাম । সত্যাকে ডেকে বাচ্ছেতাই বল্লাম—কাদতে লাগল !

সুবিনয় । Poor boy ! ছেলেটা ভাল—পাশ্চাত্যের মোহ অতিক্রম করা কি সহজ ব্যাপার, প্রকাশ ! এই আমার আজ দেখছো তো প্রাচীন ব্রাহ্মণ্য ধর্ম আর বৈষ্ণব সাহিত্যের উপর এত ঝোঁক—একদিন আমারই ধারণা ছিল, বিলেত থেকে ঘুরে না এলে বুদ্ধি মার্জিত হয় না ! তোমার মাউইমা ধ’রতে গেলে আমার রক্ষে ক’রেছেন ; তার মানে, My love for the old venerable lady ! নইলে, মেয়েজামাইকে বিলেত না পাঠিয়ে আমরা দুজনই হয়তো যেতাম ।

প্রকাশ । আচ্ছা, মোটের উপর বিলেত বাওয়াটা আজকাল আপনি কি রকম মনে করেন ? অবশ্য সত্যার মত অবস্থার নয় !

সুবিনয় । শঙ্কর !

শঙ্কর । (নেপথ্য) বাই বাবু !

• সুবিনয় । বিলেত যাওয়া সম্বন্ধে অনেক কথাই বলা যায় ; এদিক ওদিক—হুদিকই আছে । আমার আজকালকার মত, দাঁড়িপাখা মেয়ে দেশে লে বোশকরি না যাওয়াই ভাল ; কেননা—

(শঙ্করের প্রবেশ)

সুবিনয় । ওরে—শোন । মানে, অনেক খবর—খবরটা পোষায় না ! পর, জিতেন আর মাঝাকে বিলেত পাঠিয়ে আমি একরকম—

শঙ্কর । বাবু !

সুবিনয় । হু—বল্ছি ; এক কাজ কর । পর চাকোছ—মানে, এখানে জিতেন যদি ওকালতি করে আর বাঙালী চালচলনে চলতো—ওর বা intellect, আমার তো মনে হয়, কালে ও হাটিকোটের জজ হাতে পারতো । পর না কেন, আশুবাঈ বখন আমার ব'লেছিলেন—“সুবিনয়, কাজটা ভাল করলে না” । বিলেত থেকে ফিরে এসে ছেলেরা যে, কি রকম মিঠিয়ে গেল !

শঙ্কর । বাবু—আমায় ডাকলেন যে !

সুবিনয় । বল্ছিরে বাপু—দাঁড়া না ! মানে—এই বিলেত গেলে কি হয় জান ? এই যে অতি স্বপ্ন—যে হিন্দু instinct, সেটা একটু—মানে এট ওটার উপর একটা পরদা পড়ে যায় আর কি । তা নৈলে, সব দেশই সমান, সব মানুষই সমান !

শঙ্কর । কি বল্ছিলেন আমায় ?

সুবিনয় । হ্যাঁ—কি বল্ছিলাম হে প্রকাশ ?

প্রকাশ । কাকে কি বল্ছিলেন ?

সুবিনয় । মানে—শঙ্করকে ডাকলুম কেন ? ঠিক মনে কর্তে পাচ্ছি নে

তো! অচ্ছা—অচ্ছা, তুই একটু দাঁড়া; ক'ল্কে ব'দলে দিতে বল।
 ইয়া প্রকাশ—তোমায় কি জিজ্ঞাসা ক'রবে মনে ক'রছিলুম? হ্যাঁ—তুমি
 সত্যকে see off ক'রতে গেছলে? •

প্রকাশ। যাবার ইচ্ছা ছিল না—তবু গেলাম; শেষ পর্যন্ত একটা
 উপকার হ'য়েছে।

সুবিনয়। কি?

প্রকাশ। শ্রীমতী ইলা দেবীকে দেখলাম—তীর সঙ্গে আলাপ হ'ল।
 যেমন সুন্দরী, তেমন sentimental—উনি সত্যকে ভালবাসেন নিশ্চয়ই!

সুবিনয়। তবেই যোঝ—এর মোহ কি কম? বাঁথি বায়নি—সে
 সারা দিনরাত কেদেছে। হ্যাঁ হ্যাঁ—ভাল কথা, শঙ্কর! বাঁথিকে ডেকে
 দে। বল—‘তোমার প্রকাশকাকা এসেছেন’; আর প্রকাশকে জলটল
 খেতে দে।

শঙ্কর। ‘দিদিমণি তো এখন বাড়ী নেই—ঠাকুরমার সঙ্গে তো রমাদি
 আর দিদিমণি গঙ্গা নাইতে গেছে।

সুবিনয়। গেছে তা কি হ'য়েছে—হতভাগা!

শঙ্কর। কেন বাবু—আমি কি ক'সলাম?

সুবিনয়। তুমি এখন দয়া ক'রে বাড়ীর ভিতর যাও—তোমায় যা
 বল্লাম তাই করগে।

(শঙ্কর মুহূ হাসিয়া চলিয়া গেল)

সুবিনয়। শঙ্করটা যেন কি! ওর যদি একটু বুদ্ধি-বেচনা থাকে!
 প্রকাশ, এদিকে শঙ্কর আর ওদিকে তোমার মাউই-মা—দাঁতে মিলে—!

প্রকাশ। কেন—শঙ্কর কি দোষ ক'রলে?

সুবিনয়। না—এমন যে কিছু মারাত্মক দোষ হ'য়েছে, তা আমি

এলুছিনে ; কিন্তু দরকারই বা কি ?—তুমি একটা বাইরের লোক ব'লে
অছে—তোমার সামনে বীথি গঙ্গামানে গেছে বলবার দরকার কি ছিল
বাপু ! সে সাহেব বাপ-মায়ের মেয়ে, কথাটা যদি তার বাপমার কানে
গিয়ে ওঠে—ভাল হবে কি ?

প্রকাশ । বীথি হিন্দু ভাবাপন্ন—ওর বাপ-মা জানেন না তা ?

সুবিনয় । জানলে এতদিন এখানে রাখতো ? তুমি পাগল
হ'য়েছ প্রকাশ ! আমার মেয়ে শুবিষয়ে ভয়ানক strict ; গঙ্গামান ?—
সে তার ছোট মেয়েকে বাড়ীতে বাংলার কথাই কইতে দেয় না ! ভুলে
যদি একটা বাংলা কথা ব'লে ফেলে—তখন চার পয়সা fine !

প্রকাশ । সেদিন যে বীথি লালশাড়ী পরে ও বাড়ী গিয়েছিল ?

সুবিনয় । কবে ?

প্রকাশ । সত্যর বিয়ের আগের দিন ।

সুবিনয় । তুমি ওদের বাড়ী বাও নাকি ?

প্রকাশ । না—আমি ঘাইনে । বীথি সেদিন ওখান থেকে আমাব
মেসে যায়, আপনার বেহাইমশায়ের সঙ্গে দেখা করতে । তখন ওর
পরশে সেই লালশাড়ী ।

সুবিনয় । ওরে শঙ্কর—শুনে যা, শুনে যা ! এটা তোমার মাউই মার
কাজ । একটু যদি বুদ্ধি থাকে ! The old venerable lady—she
is all good, only no sense !

(সম্ভ্রান্তা, কপালে চন্দন বীথি প্রবেশ করিল)

বীথি । হ'য়েছে দাদামশায় ? ওমা, প্রকাশকাকা যে—কখন
এলেন !

প্রকাশ । আধ ঘণ্টাটুক ; আমাদের একটা বিশেষ বৈষ্ণব

নাহিতোর অধিবেশন আছে—তা উইমশায়কে সভাপতি করার প্রস্তাব নিয়ে এসেছি।

সুবিনয়। তোমার দিদিমাকে ডাক বাধি।

বাধি। কেন—দিদিমাকে কেন দাছ?

সুবিনয়। একটু সাবধান করে দেব : তুমি নাকি সেদিন লাল শাড়ী পরে তোনার মায়ের কাঁছে গিয়েছিলে?

বাধি। দিদিমাতো বান্ধি, আমি একা গিয়েছিলাম; দিদিমার কোন দোষ নেই। আমি ঠাকুরদার সঙ্গে দেখা করবো বলে ঐ শাড়ী পরেছিলাম; নইলে, তিনি আমার মুখ দেখতেন না।

সুবিনয়। দেখ, এটা নিয়ে তোমার মা আবার কি কাণ্ড করে বসেন!

বাধি। কি আর করবেন?—কিছু করবেন না। আপনারা সবাই মাকে বুড় ভয় করেন। উনি ততই ভাবেন—উনি যা করেন, তাই ঠিক!

(সুবিনয় বাবুর পত্নী ঈশ্বতী সরলা দেবী প্রবেশ করিলেন)

সরলা। ওগো—শুন্ছ? ওমা! (ঘোমটা দিয়ে ফিরিয়া বাইবার উপক্রম করিলেন) (চাপা গলায়)—শঙ্করটা যেন কি, বলতে হয় তো লাইব্রেরী ঘরে মানুষ আছে!

সুবিনয়। ওগো—ও ক'নে-বউ! এস এস, তোনার আর অতো লজ্জা ক'রতে হবেনা—ও আমাদের প্রকাশ।

সরলা। প্রকাশ?—ওমা তাই বল! তা প্রকাশ, বেহাইমশায়কে কি বলে একবার আমার এখানে আনলেন?

সুবিনয়। তা হ্যা ক'নে-বো! তুমি কি দিন দিন নতুন বো ঝুচ্ছ নাকি গা? এখনো দেড় হাত ঘোমটা!

তৃতীয় অঙ্ক

বালায় মেয়ে

বীথি। আপনি যদি আজও ক'নে বো বালে ডাকেন, দিদিমা
খোঁসটা না দিয়ে আর ক'রবেন কি ?

সুবিনয়। তুই থাম—জোতা মেয়ে।

সরলা। প্রকাশ, তুমি এসেছ—ভালই চ'য়েছে ; সত্য এখানে
নেই—বেহাইমশাইকে খবর দিতে পারবে !

প্রকাশ। কথাটা কি মাউই মা ?

সরলা। বীথির বিয়ে ; আমার ঠেছে না, ওর বাপ না বিয়ের সন্ধন
করে ! ওরালসব্ব ক'লে এক ছাটকোট পরা হুন্মানের সঙ্গে বিয়ে দেবে ;
তু'চোপের বালাই—!

সুবিনয়। তোমার সন্ধানে ভাল বর আছে নাকি ?

সরলা। নেই তো কি ?—সেই কপাই তো বলছি ; কলকাতায়
আহিরাটোলা না কি টোলা আছে—সেই টোলার তারা থাকে ; ন'দে না
পাবনা জেলার জমিদার কি উকিল হবে। খাসা ছেলে, নাকে নিয়ে
গঙ্গা নাইতে এসেছিল—ছেলেটা গাড়াতে বাগেছিল। মাগী একদৃষ্টে
বীথির দিকে চেয়ে—চোখ আর ফেরাতে পারেনা ! সেইই বার বার ক'রে
ব'লতে লাগল।

সুবিনয়। “ন'দে কি পাবনা জেলা, আহিরাটোলা কি কলকাতোলা”;—
তারপর “হয় জমিদার, না হয় উকিল”—সবই ঠিকঠাক ব'লে—বিয়ে
দিলেই হয় !

সরলা। দেখ, অমন ক'রে ঠাট্টা ক'রোনা—আমার কি সব ঠিক
মনে থাকে ? ঐ বীথি জানে—ওসব শুনেছে !

বীথি। আমার ব'য়ে গেছে শুনবার জন্তে—আমি কিছু শুনি
দাছ ! সত্যি—

সরলা। গিন্নী ব'লেছে, কর্তাকে পাঠিয়ে দেবে তোমার কাছে !

সুবিনয় । আমার নাম ব'লে এসেছ তো গিন্নীর কাছে ?

সরলা । বেশ যা হোক—আমি তোমার নাম বলবো ? আমাদের গাড়ীর সঙ্গে সঙ্গে গাড়ী নিয়ে এল—বাড়ী দেখে গেছে ।

সুবিনয় । তাহ'লে আগে ঘটক পাঠিয়ে দেনাপাওনার খবর নেবে । তা তোমার এ দুশ্মতি হ'ল কেন ?—হুমি বীথির বিয়ের সম্বন্ধ ক'রতে যাচ্ছ ! বীথির বিয়ের ব্যাপারে কি তোমার আমার কথা চলবে ?

সরলা । না বাবু, সে সব চলবেনা—ওদের পছন্দ করা পাত্রের সঙ্গে আমি বীথির বিয়ে দিতে পারবোনা ! জিতেন যদি পছন্দ করে, তবু একটু দেখে শুনে দেবে । আমার নিজের পেটের মেয়ে হ'লে কি হয়, মায়ার পছন্দ করা পাত্রের সঙ্গে যদি ওর বিয়ে দিতে হয়—আমি বীথিকে হয় ওর ঠাকুরদার কাছে দিয়ে আসবো, না হয় আমাদের দেশের বাড়ীতে নিয়ে যাব ।

প্রকাশ । বীথি, তুমি আর কীর্তন চীর্তন গাওনা ?

সুবিনয় । হুঁ, গায় বৈকি—খাসা গায় ! ওকি সোজা মেয়ে ?—ও কুমলীলা বোঝে, গোরাক্ষলীলা বোঝে ! গাও তো দিদি, গোবিন্দ-দাসের সেই পদখানা—নতুন সেদিন শিখ'লি !

বীথি । তেমন ভাল হবেনা দাদু ! এখনো—

সুবিনয় । তোর গলায় যা গাইবি, তাই ভাল লাগ'বে—

(বীথি গান ধরিল)

(কিবা) অকণিত চরণে, রণিত মণিমঞ্জরী

আধ আধ পদ চরণে রসাল—

কাঞ্চন বঞ্চন বসন মনোরম

অলিকুল মিলিত ললিত বনমাল ।

ভালে বনি অ'গের মদন-মোহনিয়া,

অঙ্গরি তরঙ্গ অনঙ্গ তরঙ্গিম

বন্ধিম নয়ন নাচনিয়া !

(আমার মদন-মোহন নাচেরে—

কিবা আগের ভঙ্গিতে তরঙ্গ উথলি উঠে ;

সে তরঙ্গ দেখে চোখে অনঙ্গ পলায় রে—

আমার মদন মোহন নাচে নাচেরে !)

গোরচন-কিনক, চুড়ে মণিচন্দ্রক

বেচল রমণীমন মধুকর-মূল—

গোবিন্দদাস চিতে নিতি নিতি বিহবই

তই নাগরবর তরুণ তমাল ॥

[সুবিনয়বাবু সরলা দেবীকে ইঙ্গিত করায় তিনি পিছন ফিরিয়া দেখিলেন—ভায়

মেয়েকামাই । জামাই হাসিতছিল—মেয়ে বীথির বেশভূষা দেখিয়া ও

কীৰ্ত্তন শুনিয়া ভয়ানক রাগিয়াছে । সরলা দেবীর আর কথা কহিবার

উপায় নাই । মায়া আর একবার চাহিতেই দেখিলেন—

চন্দনচর্চিত ললাট, চুল কুটি করিয়া বাধা বীথি

সম্মুখে দাঁড়াইয়া]

মায়া । Fine ! (বীথির প্রতি) a Nice picture to look at !

(সুবিনয় বাবু প্রতি) Daddy ! (সরলার প্রতি) Mammy !

সরলা । তুই বাপু আর ওরকম কিচিরমিচির করিস্নে—ভাল লাগেনা ! মাকে মা ব'লে ডাকবি, তা না—মামী, মামী ! আমি তোঁর মামী হ'তে গেলাম কি দুঃখে ?

মায়া । বীথি, এখনই আমার সঙ্গে চল ; আমি আর বিশ্বাস ক'রে তোমায় এঁদের কাছে রেখে যেতে পারিনে ।

জিতেন। আঃ—কি ব'ল্‌ছো! চুপ্‌ কর, চুপ্‌ কর,—Don't loose temper my Sweet! তোমার মা—

মায়া। আমি মাও বুঝিনে—বাবাও বুঝিনে!

সুবিনয়। কি মায়া, তুমি যে দিন দিন বড় বেড়ে উঠেছ; অনেক দিন রাগ করে তোমার দেখিনি! এর মধ্যে তোমার এতখানি উন্নতি হয়েছে, তা জানতেন না।

মায়া। আপনি জানুন, আর নাই জানুন—

জিতেন। আঃ—(প্রকাশকে দেখাইয়া) বাইরের একটা ভদ্রলোক ব'সে আছেন ঘরে—সে খেয়াল নেই তোমার? ছিঃ!

মায়া। না, খেয়াল নেই—তুমি চুপ্‌ কর। My lovely child—আমার অমন সুন্দর মেয়েটাকে সং সাজিয়ে রেখেছে!

প্রকাশ। (সুবিনয়ের প্রতি) আচ্ছা, তাইই-মশায় মাউই-মা—আমি তাহ'লে উঠি? আজকাল একসময়ে বরং—

সুবিনয়। আচ্ছা বাবা—আচ্ছা; দেখতে তো পাচ্ছ—!

প্রকাশ। বীথি, আসি তাহ'লে?

জিতেন। আপনি কে বলুন তো?—আমাদের গায়ের কেউ নাকি?

প্রকাশ। আজ্ঞে হ্যাঁ। আমার নাম প্রকাশ চৌধুরী—সত্যর বালাবদ্ধ। নমস্কার দাদা! বোদি, আসি তাহ'লে—নমস্কার!

[প্রস্থান।

সরলা। আচ্ছা—তুই দিন দিন কি হ'চ্ছিস্‌ মায়া? আমায় বা খুসী বলিস্‌ বল্—আমি কিছু মনে করিনে; কিন্তু তুই কি ব'লে ওঁর মুখের উপর কথা বলিস্‌?—দশজনের সামনে জামাইয়ের সঙ্গে ঝগড়া করিস্‌?

জিতেন। আমার কথা ছেড়ে দিন ; নানে, আমি কিছু বলিনে
ব'লে ওটা এক तरফা হ'য়ে যায়—উনি বেগীফণ চালাতে পারেন না !

নায়া। আমার রাগ হ'লে জ্ঞান থাকেনা !

জিতেন। জ্ঞান থাকা দরকার ; জ্ঞান না থাকলে লোকে স্তম্ভাতি
করেনা !

(নায়া কটমটু করিয়া জিতেনের দিকে চাহিল)

জিতেন। আমার কথা বিশ্বাস না হয়, তুমি তোমার বাপমাকে
জিজ্ঞাসা কন্তে পার !

সরলা। তোমরা দুটা আজও ঠিক তেমনি ছেলেনানুবই আছি
দেখছি ! আয়, বাড়ার ভিতর আয়—বসবি !

নায়া। না—আমি এখন বসতে পারবো না। আমার কাজ
আছে।

সরলা। কাজের তো আর অভ নেই !

নায়া। বীথি বাও—এ কাপড় ছেড়ে অন্ততঃ একখানা ভদ্রকমের
শাড়ী পরে এস। আর, কি নোংরা মেখেছ কপালে ?—ওগুলো মুছে
ফেল। চুলে এত তেল কেন ?—Very bad—very bad !

সরলা। বীথি তোমার সঙ্গে এখন কোথায় যাবে শুনি ?

নায়া। আমি ওকে club এ নিয়ে যাব। নতুন একটা club হ'য়েছে ;
মেয়ে পুরুষ—দুইই ত'ার member. অনেক youngman আসে ;
তাদের সঙ্গে ওকে introduce ক'রে দেব।

সরলা। নিজে গোল্লায় গেছ—আবার মেয়েটাকেও সেই পথে নিয়ে
যেতে চাও ?

নায়া। আমি গোল্লায় গেছি—তাই তোমার ধারণা ?

সরলা। তুমি যার তার সঙ্গে বীথির আলাপ করিয়ে দিওনা !

মায়া। তারা যে-সে না! —তারা সব বিলেতকের ত; ভাল লেপ পড়া জানা ছেলে—ভাল চাকরে। ওর বিয়ে দিতে হবে তো? —না চিরদিন তোমার সঙ্গে গঙ্গা নাইলে ওর চলবে!

সরলা। ওর বিয়ের ভাবনা তোমার ভাবতে হবেনা; যারা তোমার বিয়ের ব্যবস্থা ক'রেছিল, তারাই ওর বিয়ের ব্যবস্থা ক'রবে।

মায়া। কি—আর একটি গুজুরী বামনের ঘরে?

সুবিনয়। মায়া—তুমি যে এতখানি অধঃপাতে গিয়েছ, সে ধারণা আমার ছিলনা! তোমার বাপা'য়ের সামনে তুমি তোমার স্বামীকে গালাগাল দিচ্—স্বশুরের নিন্দে ক'রছ? তোমার স্বশুর যে কতবড় মানুষ, তা যদি জানতে!

মায়া। আমার স্বশুর কতবড় মানুষ, তা জানবার সুযোগ আপনিই আমায় দেননি বাবা! আজ আমি আমার নিজের জ্ঞানে বুঝেছি, 'মানুষ তিনি ব্রত বড়ই হোন না—আজকের সভ্যসমাজে তিনি অচল!

সুবিনয়। আমি আমার দোষ স্বীকার করছি মায়া! সে দিন আমি অন্ধ ছিলাম—আমি বুঝিনি, স্বশুরশাশুড়ীর কাছে না থাকলে জীলোকের যথার্থ শিক্ষা হয় না। বিলিভী সভ্যতার মোহে প'ড়ে তোমায় জামা'য়ের সঙ্গে বিলেতে পাঠিয়ে—আমিই তোমার সর্বনাশ ক'রেছি!

মায়া। আপনারা যদি আমার সর্বনাশ ক'রে থাকেন, আমিও আমার মেয়ের সর্বনাশ না হয় করলাম! I hope I have the right—আমার সে অধিকার আছে!

জিতেন। তুমি কি পাগল হ'লে নাকি মায়া! কাকে কি ব'লছ? ছিঃ!

মায়া। হ্যাঁ হ্যাঁ, তোমরা সবাই ভাল—আমি একা মন্দ! বেশ,

আমি মন্দ আছি—মন্দই থাকুবো। আমি সত্যি বলছি—আমি ঠিক ক'রেছি, বীথিকে আমি এখানে আর রাখতে না।

সুবিনয়। এখানে রাখবে না?

মায়া। না!*

সুবিনয়। তোমার ধারণা, আমাদের কাছে থাকলে বীথির অবনতি হবে?

মায়া। অবনতি হ'তে আর কিছু বাকী নেই! এই অবস্থায়, এইভাবে, এই বেশে থাকলে কোন ভাল পাত্র ওকে বিয়ে ক'রতে চাইবে না। আমি চাইনে, তোমরা আমায় যে রকম ঘরে বিয়ে দিয়েছ, আমার মেয়ে সেই রকম ঘরে পড়ে!

জিতেন। বার বার এই ধরনের কথা তোমার মুখে শুনে আমার বুকথানা সাত হাত হ'য়ে উঠছে না—বুঝলে?

মায়া। বীথি—আয়!

জিতেন। ঠিক আজই ওকে না নিয়ে গেলেও চ'লতে পারে বেধহয়!

মায়া। না—চ'লতে পারে না!

সুবিনয়। জিতেন—তোমারও কি ঐ মত?

জিতেন। দেখুন, আমার মতামত জিজ্ঞাসা করা বৃথা! পারিবারিক ব্যাপারে on principle আমি কখনো মতামত প্রকাশ করিনে। আপনি জানান, পারিবারিক শান্তির পক্ষে সেটা খুব নিরাপদ নয়!

মায়া। তুমি ঠাট্টাই কর আর বাই কর, আমি আমার point কিছুতেই ছাড়বোনা!

জিতেন। তুমি কখনো ছাড়নি, আজ ছাড়বে—এ রকম অন্তায় আশা আমি কেন ক'রবো?

সরলা। বীথি, তুই বল দিদি—তোর কি হচ্ছে? বাবা তোঁর বাপমায়ের কাছে? সে দিন তো ব'লেছিলি—ওদের কাছে তোঁর ভাল লাগে না।

বীথি। এ বিষয়ে আমার কোন কথা বলবার অধিকার আছে বাবা?

জিতেন। তোমার মাকে জিজ্ঞাসা কর না—উনি বখন স্বয়ং উপস্থিত র'য়েছেন!

মায়া। তুমি কোন কথা বলবেনা—আমার সঙ্গে চ'লে আসবে।

বীথি। আমার কোন স্বাধীন মতামত প্রকাশ ক'রবার অধিকার নেই?

মায়া। না; আগে স্বাধীনতার যোগ্য হও—তার পর!

সুবিনয়। তোমার মেয়ে বরং স্বাধীনতার যোগ্য—তুমি স্বাধীনতার যোগ্য নও—মায়া!

মায়া। আপনি তাই মনে করেন! (জিতেনের প্রতি) দেখছেন, ওঁরা কিভাবে সম্মানকে পিতৃদ্রোহী, মাতৃদ্রোহী ক'রে তুলছে? এখানে থাকলে ও কোনোদিন ভাল হবে না। দিন দিন কি চেঁচারা হচ্ছে—একটা মন্তু ধিক্কী হ'য়ে উঠেছে! আমার চেয়ে ওকে বড় দেখায়!

বীথি। দাদু, দিদিমা—তোমরা কিছু মনে ক'রোনা; তোমাদের কাছে আমি আর থাকব না। চল মা—আমায় কোথায় নিয়ে যাবে, চল!

মায়া। অন্ততঃ একখানা ভাল শাড়ী প'রে এস। বাবা, মা—কিছু মনে ক'রোনা। আমি খুব ভাল বরে ওর বিয়ে দেব। ব্যারিষ্টার B. Chowdhuryর ছেলে Captain A. Chowdhury I-M. S.—পূর্ব বড় লোক!

১১

(শঙ্কর প্রবেশ করিল)

শঙ্কর । হ্যাঁ মা, তুমি কি দিদিমণিকে নিয়ে যাচ্ছ এখান থেকে ?

মায়া । হ্যাঁ !

শঙ্কর । হ্যাঁ দিদি, রমাদির সঙ্গে দেখা ক'রবে না ?— তিনি ত দরজার ধারে দেড়িয়ে দেড়িয়ে কাঁদাচ্ছে বে !

বীথি । বাই ; আসছি মা—রমার সঙ্গে একবার দেখা ক'রে আসি—এক মিনিট !

[বীথি বাড়ীর ভিতর গেল ।

মায়া । রমা আবার কে ? কোথেকে জুটুলে ?

সরলা । আমার বাপের বাড়ীর দেশের মেয়ে ; ওর মা আঁমায় মা ব'লে ডাকতো । বড় ভাল মেয়ে ! ছোট বয়সে বিয়ে দিয়েছিল—বিধবা হয়ে মার কাছে ছিল ; মা ম'রবার সময় আমার হাতে তুলে দেয় ।

মায়া । বত আপদ জোটাতে পার মা—ভালও লাগে !

সরলা । ছিঃ মা, অমন কথা ব'লোনা—ও কথা ব'লতে নেই !

[বীথি আসিল—রমা দোরের কাছ পর্যন্ত আসিল—বীথি দাছ

ও দিদিমাকে ঐশাম করিল]

বীথি । (দিদিমার কাছে গিয়া) দিদিমা, তুমি আর কখনো আমার নাম ক'রোনা । ননে ক'রো, তোমার বীথি ম'রে গেছে । চল মা !

সরলা । বালাই—ষাট !

মায়া । বাবা—মা ! কিছু মনে ক'রোনা । (করমর্দনের জন্ত হাত বাড়াইল) Excuse me if I have been a bit harsh. (জ্বিতেনের প্রতি)—এস ?

জিতেন। তুমি বীথিকে নিয়ে সন্ধ্যার পর clubএ থেকে; আমি এবেলা এখানে থেকে—ওবেলা যাব'খন।

নায়া। বাবা-মায়ের খোসামোদ ক'রবে তো?—shame!

[বীথি ও মায়ার প্রস্থান।]

সুবিনয়। আচ্ছা, ও কি দাঁড়িয়েছে? কোন দেশের স্ত্রীলোকের সঙ্গেই তো ওর মিল নেই!

জিতেন। না। She is a race by herself and knows no kin! ছেড়ে দিন, ছেড়ে দিন—ও কথায় আর দরকার নেই। মা, আমি আপনার এখানে নিঃশ্রমিষ খাব ব'লে র'য়ে গেলাম। আপনার সুক্কাণি ঘণ্ট ছেঁচকী—সবগুলি যেন পাই। একখানা কাপড় দিতে পারেন মা, একটু ভদ্রলোক সাজি?

সরলা। আর তো এস না বাবা! তুমি তো আমার জামাইয়ের মত না—তোমায় পেয়ে আমরা ছেলে পেয়েছিলাম।

(সরলা বাড়ীর ভিতর গেলেন।)

সুবিনয়। তোমার বাপকে বঞ্চিত ক'রে লোভীর মত তোমায় গার কাছ থেকে কেড়ে রেখেছিলাম। সে লোভের শাস্তি মহাপ্রভু দিয়েছেন। মেয়ে আমার পর হ'য়ে গেছে। যাকে মেয়ের মত ক'রে লালনপালন করলাম, তাকেও কেড়ে নিয়ে গেল।

(সরলা কাপড় আনিয়া জিতেনকে দিলেন)

সরলা। আমার বড় ইচ্ছে ছিল, কোন বনেদি হিঁদুর ঘরে বীথির বিয়ে দেব। ওকে আমি যে ভাবে মানুষ ক'রেছি বাবা—বিলেতফেরতের ঘরে গিয়ে ও সুখ পাবে না!

জিতেন। আমি জানি—কিন্তু উপায় তো নেই! বীথির মায়ের উপর কে কথা কইবে? আপনারা চিরদিন ওকে প্রশ্রয় দিয়েছেন—আজ ও

আর কারো কোন বাধা নান্তে পারে না। আমার কথাতো ছেড়েই দিন, আমায় শাসন ক'রে চালিয়ে নিয়ে বেড়ায়—সেইটাই ওর সব চেয়ে বড় Vanity !

সরলা। বীথিটেকে ছোঁ মেরে নিয়ে গেল ! নিজে খেলে না—মেয়েটাকেও দুটো খেতে দিলে না !

জিতেন। খেতে দেবেখন, বাবুজির হাতের ham sandwich আর fowl-roast ; বীথির গঙ্গাঙ্গানের পুর ঠিক উপযুক্ত পথ্য হবে—বমি না করে এখন ! বাংলা খাবারের উপর আপনাদের মেয়ের ভীষণ জ্ঞাতিশক্রতা !


সুবিনয়। তুমি তো তাহ'লে বেশ সুখে স্বচ্ছন্দে আছ !

জিতেন। সে আর বলবেন না ! আমি হাজার হোক, পূজুরী বামুনের ছেলে—সব সময় তো বরদাস্ত হয় না ? মুখ বদলাবার জন্তে সেদিনু ব্ল্যাম, নিমোগুনের ব্যবস্থা কর। বাবুজি Quinineএর কি একটা preparation এনে হাজির করলেন : আপনার মেয়ে বলেন—more anti-malarial than Neem—মুখে দিয়ে বাই আর কি ! আপনার মেয়ের কথা ছেড়ে দিন ! মা, আপনি ভিতরে যান—সব ব্যবস্থা করুন গে !

সরলা। বীথি বাড়ীতে নেই—আমি বাড়ীর ভিতর থাকতে পারি নে বাপু ! তোমাদের এইখানেই বসি। আমাদের ঠাকুর নিরিমিষ তরকারী বেশ ভালই রাঁধে—রমা দেখিয়ে দেবেখন।

জিতেন। আপনি বসুন—বসুন !

সুবিনয়। আমার জন্তে তো নয়—আমি না হয় একজন ক্লার্ক মাইনে ক'রে রাখ্লেম। I really feel for this old venerable lady—মেয়েটাকে বড় ভালবাস্তো কিনা ! (সরলার প্রতি) কেমন—আর পরের মেয়ে মানুষ ক'র্বে ?



দ্বিতীয় দৃশ্য

[চন্দনডাঙ্গা—উপেন্দ্রনাথের বাড়ী ; দাওয়া ও উঠান । দাওয়ায় বসিয়া

শান্তি ভবানীর চুল বাঁধিয়া দিতেছে,—দেবী আসিলেন]

শান্তি । কাকীমা—পিসিমার খোপাটা দেখাদিনি একবার—
কেমন হ'ল ?

দেবী । তুই বুঝি খোপা বঁধে দিলি ?

শান্তি । হ্যাঁ—কাকী ! আনাগোর চাষাড়ে হাত—যেনন হাত,
তেমনি খোপা হ'য়েছে । হাস্ছো যে কাকীমা ?

দেবী । পাতা কাটলি বুঝি ? আজকাল মেয়েরা কি পাতা কাটা
পছন্দ করে রে !

শান্তি । কে জানে বাপু ! আমি ভাবলাম মা—ওই বুঝি আজ-
কালকের ফেসিয়ান !

(হরেশের প্রবেশ)

হরেশ । সব হ'ল বোধি !

দেবী । হ্যাঁ—হ'য়েছে ঠাকুরজামাই !

হরেশ । গাড়ী এসেছে ?

দেবী । শান্তি বলেছে নটবরদাকে । যা তো মা, তোর বাবাকে
পাঠিয়ে দে ।

শান্তি । বাবা এলি আর বাড়ী থেকে বাকুতি পার্কনা পিসি—
একেবারে একটা পেন্নাম করে বাই তোমারে !

(শান্তি ভবানীকে প্রণাম করিল,—পরে হরেশকে প্রণাম করিয়া চলিয়া গেল)

দেবী। নার থেকে যদি এই ঘটনা না ঘটত,—আমি তোমাদের এইখানেই থাকবার ব্যবস্থা ক'রে দিতাম ঠাকুরজামাই !

সুরেশ। তাতো বুঝতেই পাচ্ছি বৌদি ! আবার সেই বাবা-মার কাছে গিয়ে দাঁড়াতে হবে ; শ'খানেক টাকাও যদি হাতে ক'রে যেতে পার্তাম বৌদি !

দেবী। আমাদের তো আর উপায় নেই—ঠাকুরজামাই !

সুরেশ। আমি তো সবই বুঝতে পাচ্ছি ; তবে বাবা-মা কি আর তা বুঝবেন ?

দেবী। এই দশটা টাকা কোন গতিকে জোগাড় করেছি—এইটে তোনার কাছে রেখে দাও ঠাকুরজামাই ! আর গরুর গাড়ীর ভাড়া আনিয়ে দিয়ে দেবখন ।

দুর্ভাবনী। কেন বৌদি, তুমি আবার দশটা টাকা দিতে গেলে—
এই তো কাপড়চোপড় কিনে দিলে—

দেবী। দামোদর মুখ তুলে চান—ঠাকুরজামাই ছ'পয়সা বোজগার করুন ; তখন কি আর আমরা দিতে যাব ?

সুরেশ। আপনার প্রার্থনার জোরে যদি হয় বৌদি ! নইলে, আমি তো আর কোন আশাই দেখছি নে ! কত লোক কত টাকা বাজে খরচ করে ! আমায় যদি কেউ মাসে পঞ্চাশটে ক'রে টাকা মণিঅর্ডার করে—তা তো করবেনো পাষাণরা !

দেবী। ঠাকুরজামাই ! এতদিন তুমি ছিলে—এত দুঃখেও তোমার কথায় মুখে হাসি আসতো !

সুরেশ। কত বড় গুণ—বলুন তো বৌদি ! থাকতো সেকালের রাজা-রাজড়া, নিজের হাতে মাথায় শালের পাগড়ী পরিয়ে দিত—আর দশধানা গ্রাম জায়গীর !

ভবানী : বাবাকে ডাক বৌদি—প্রণাম করে যাই !

স্বরেশ । আপনি অত হা ছতাশ ক'রবেন না বৌদি ! ছোড়দা এদিকে লোক ভাল—একটু গোরা মের্জিজ, এই যা । ও একদিন অনেক টাকা রোজগার ক'রবে নিশ্চয়ই ! ওর মতলব, দু'জায়গায় দুটো বাড়ী করবে—আর দুই বাড়ীতে দুই স্ত্রী থাকবে । ও আপনাকে ত্যাগ করবেন—সে ভয় আপনার নেই ; আমি ব'লে দিচ্ছি—আপনি দেখে নেবেন !

দেবী । ও কথা থাক ঠাকুরজামাই !

[প্রস্থান ।

ভবানী । তুমি ছোড়দার কথা নিয়ে বৌদিকে ঠাট্টাতামাসা করোনা—উনি সহিতে পারেন না । দেখলে না, মুখখানা কি রকম সুয়ে গেল !

স্বরেশ । তোমাদের সব বাড়াবাড়ি ! কেন, তোমার দাদা অতায়টা কি ক'রেছে ? আর একটা বিয়ে করে স্বস্তরের খরচায় বিলেত গেছে । বেশ করেছে ! স্বযোগ পেলে একাজ সবাই করে থাকে !

ভবানী । সবাই করেনা—তোমার মত যারা স্ত্রীকে দু'চোখে দেখতে পারে না, তারাই করে ।

স্বরেশ । আমি আজ ছ'মাস ইস্ত্রীর আঁচল ধ'রে স্বস্তরবাড়ী প'ড়ে আছি, দিনরাত স্ত্রীকে দু'চোখ দিয়ে দেখছি—আর এহেন কথা তুমি আমায় ব'লে !—আমি স্ত্রীকে দেখতে পারিনে ? এই তোমার পতিভক্তি !

(উপেন্দ্রনাথ ও দেবী প্রবেশ করিলেন)

দেবী । ঠাকুরঝি চ'লে যাচ্ছেন বাবা !

উপেন্দ্র । চ'লে যাচ্ছে, কোথায় ?

দেবী। ঠাকুরজামাই ঠাকুরঝিকে নিয়ে যাচ্ছেন !

উপেন্দ্র। ওঃ ! আচ্ছা—আচ্ছা !

ভবানী। আমার এখন বাবার সঙ্গে ছিল না—আপনি আমায় সেদিন যেতে বললেন তাই !

উপেন্দ্র। আমি যেতে বলেছি তোকে ! —কবে ?

ভবানী। সেদিন আপনি আমায় বল্লেন—‘তোরা ভাবনাই আমার এখন সব চেয়ে বড় ভাবনা ভবানী !’

উপেন্দ্র। সংসারের দায়িত্ব আর নিতে পারছিনে ভবানী ! বুক ভেঙে গেছে—আশাভরসা আর নেই ; ঠিক বুঝতে পারিনে !

ভবানী। আপনার শরীর যদি খারাপ হয়, আমায় খবর দেবেন বাবা ; আমি তখনই চ’লে আসবো ।

উপেন্দ্র। তুইও খবর দিস্ । যতদিন আমি আছি, ম’রতে ম’রতে গিয়েও দেখা ক’রে আসবো ; তারপর কি হবে—কে জানে ?

(ভবানী ও স্বরেশ প্রণাম করিল)

দেবী। ঠাকুরজামাইকে কিছু বলবেন না বাবা ?

উপেন্দ্র। হ্যাঁ—ব’লবো বৈকি ? একটু মাঝুয়ের মত হও বাবা ! তবু তুমি ভাল, অনেক ভাল—সত্যর চেয়ে ভাল ! তুমি তোমার বুড়ো বাপকেও ত্যাগ করনি—স্বীকেও ত্যাগ করনি । আমার ছেলেদের তুলনায় তুমি সুপাত্র সুরেশ—একসময় আমি তোমার উপর অবিচার করেছি ।

(দেবী ঘরের ভিতর গেল)

সুরেশ। (অর্দ্ধস্বগতঃ) কথাটা বরং আপনার মেয়েকে বুঝিয়ে বলুন । ওঁর মনে মনে ধারণা, উনি অপাত্রে প’ড়েছেন—অথচ আমি যে কত বড় সুপাত্র !

উপেন্দ্র । কি ব'ল্ছো সুরেশ ?

সুরেশ । আঞ্জে না—বল্বো আর কি ? আপনি অতো মনমরা হ'য়ে থাকবেন না । পাঁচজায়গায় মেলামেশা ক'রবেন । আমি এখন যেতাম না—কিন্তু আপনার মেয়ে বড়ই পেড়াপীড়ি আরম্ভ ক'রলে !

উপেন্দ্র । কি জানি, আমি ওকে কবে কি ব'লেছি—হয়তো আমার উপর অভিমান ক'রে—। হ্যাঁ মা ভবানী, আমার উপর অভিমান করিস্নি তো মা ?

ভবানী । আপনায় এই অবস্থা নিজের চোখে দেখে—তারপরও কি আমি আপনার উপর অভিমান ক'রতে পারি ?

উপেন্দ্র । তোরা যা, তোরা যা—সবাই যা ; আর আমায় জড়াস্নে । আমি এখন একএকটি ক'রে গেরোগুলো সব ব'ল্তে পারলে বাঁচি—বাঁধন আর সয় না ! বড় আশা ক'রেছিলাম, অন্ত্যধানী শামোদর—উনি সব জানতেন ; আর কেউ জানে না !

(দেবী ঘরের ভিতর গেল)

দেবী । ঠাকুরঝি ! ঘরের ভিতর একবার আয় দিদি—যাত্রামঙ্গলটা পড়ে যা ।

ভবানী । যাই বউদি !

উপেন্দ্র । সুরেশ, তোমায় আর বেশী কি ব'ল্বো বাবা ! হাতে হাতে তো অনেকদিন আগেই সঁপে দিয়েছি—এখন তুমিই ওর সব । তোমার বাপমার কাছে ওর দোষকটী তুমিই সব ঢেকে নিও ।

সুরেশ । সে আমায় ব'ল্তে হবে না ; তবে আমার বাপমার দৃষ্টি এত সূক্ষ্ম যে, তাঁরা দোষকটী ছাড়া আর কিছু দেখতেই পান না !

উপেন্দ্র । সন্তান তো হয়নি আজো বাবা—হ'লে বুঝতে পার্বে, বাপের কত ভাবনা !

(দেবী ও ভবানী বাহির হইয়া আসিল)

ভবানী । বউদি, বীণি চিঠি লিখলে চিঠি আমায় পাঠিয়ে দিও ।
বড় ইচ্ছে ছিল—আমার বীণি-মাকে একবার চোখে দেখি !

দেবী । দেব ঠাকুরঝি !

(নটবর গাড়োয়ান প্রবেশ করিল)

নটবর । প্রাতঃপেন্নাম ঠাকুরমশাই !

উপেন্দ্র । ওদের পৌছে দিলে আমাদের একটা খবর দিস্ নটবর !

নটবর । যে আজ্ঞে ঠাকুরমশাই—তা দেব বৈকি ? কই দিদি-
ঠাকুরোণ—কি জিনিষপত্তর যাবে গাড়ীতে ?

দেবী । ঐ যে দাওয়ায় রয়েছে—নটবরদা !

ভবানী । নটবরদা, বাড়ীর কাছে ডাক্তরে হাঁকতে তুমি বৌদি
একে মেয়েমানুষ, তার একা ; তোমরা বাবাকে একটু দেখাশোনা করে
দাদা—পুরুষ মানুষ তো কেউ নেই বাড়ীতে !

নটবর । সে কি আর বলতে দিদিঠাকুরোণ ! নটবরদাস যতদিন
বঁচে আছে—বাবাঠাকুরের কোন ভয় নেই দিদি !

ভবানী । খাজনাপত্তর এবছর আর কেউ দেয়নি দাদা ! তোমরা
না দেখলে বাবা এই বুড়ো বয়েসে কার দোরে গিয়ে হাত পাতবেন
বল তো দাদা ? তুমি নিজে একটু থেকে—

নটবর । আচ্ছা আচ্ছা ; দিদি, আমি নিজে গিয়ে তাগাদা ক'রে
বাবাঠাকুরের সব খাজনা—ধান আদায় ক'রে দেব । তুমি ভেবনি !

(নটবর মোট মাথায় তুলিল)

দেবী। (নটবরের কাছে গিয়া মুহূষ্মরে) নটবরদা, পূরশুদিন সকালে শান্তিকে একবার পাঠিয়ে দিও—তোমার গাড়ীভাড়াটা যেন আমার কাছ থেকে চেয়ে নিয়ে যায়।

হুশেশ। (খণ্ডরকে প্রণাম করিল) আচ্ছা, আসি তাহ'লে! আমার তেমন বাওয়ার ইচ্ছে—আচ্ছা; বৌদি, আপনাকে আর কি বলবো—আপনি তো কারো কথা শুনবেন না! যাক—পায়ের ধূলো দিন।

ভবানী। তাহ'লে আসি বাবা!

(পায়ের ধূলা লইল)

[ভবানী, হুশেশ চলিয়া গেল, দেবী দরজা পর্যন্ত আগাইয়া দিয়া আসিল]

উপেন্দ্র। বৌমা, বীথি কি এর মধ্যে আর তোমায় চিঠি দিয়েছে?

দেবী। না বাবা! প্রায় দিনপ'নের তার কোন চিঠিপত্র পাইনি; নটবরদা মাঝে মাঝে মেয়েটার জন্তে কেমন করে!

উপেন্দ্র। বড় ভাল মেয়ে বীথি—বড় ভাল, বড় ভাল! ও আমার মান রেখেছে। বড় বৌমার গর্ভে যে অমন মেয়ে হবে, কোনদিন আশা করিনি বৌমা!

দেবী। আর এমন চিঠি লেখে বাবা—চিঠিতে যেন কথা কয়! আমায় কত উপদেশ দিয়েছে!

উপেন্দ্র। তোমায় উপদেশ দিয়েছে?

দেবী। মোটেই বেমানান হয়নি বাবা! অনেক উপদেশ দেওয়ার পর বখন মনে হ'য়েছে, বোধহয় ঠিক হ'চ্ছে না, তখন লিখেছে—“আমি তোমার শাশুড়ী; আমার উপদেশ দেবার অধিকার আছে—তাই উপদেশ দিচ্ছি”।

উপেন্দ্র । বটে ? না—ওর কথা আর ভাববো না । না বোমা, বীথির কথা তুমি আর আমায় শুনিয়ে না !

(গ্রাম্য ভিক্ষুক-কনিতাইয়ের প্রবেশ)

নিতাই । পেগাম হই বাবাঠাকুর ! অনেকদিন ছিচরণ দর্শন করিনি ; কেমন আছেন—শরালগতিক ভাল আছেন তো ?

উপেন্দ্রনাথ । আর শরালগতিক !—এখন ভালয় ভালয় চলে যেতে পারলেই হয় !

নিতাই । 'আজ্ঞে হ্যাঁ—যা ব'লেছেন বাবা ! তাহলে একখানা মায়ের নাম গান করি বাবাঠাকুর !

উপেন্দ্র । বোমা, নিতাইকে একটা ব'ন্সবার কিছু এনে দাও ।
গাও—অনেকদিন তোমার গান শুনিনি ।

(নিতাই গান ধরিল)

বিদায় দাও মা ! এবার আমি যাই,

ওই দেখ মা, বিশ্বতলে দাঁড়িয়ে আছে

তোমার জামাই !

(ও মা) বাপের ঘরে রইতে কি পারি ?

বিয়ের পরে ঘর চলে না—

মেয়ে যে তোর পরের নারী !

(এখন) আশীষ কর, সেই ঘরেতে থাকতে যেন পাই ।

(ও মা) দিয়েছ তুলে—যার হাতে

আর যে কেউ তার নেই তিন কুলে !

নেশা ভাং ক'রে জোলা রয় আপন ভুলে ;

বছর পরে বাপের ঘরে

আসি তিনটি দিনের তরে,

তাতেই কত বর্ষাবধি রাগারাগির অন্ত নাই !

নিতাই বলে—ওমা শিখি ! এখন-দৌলত নাহি চাই,

তুমি বরের সঙ্গে ঝগড়া কর মা,

আমি যেন তার গান গেয়ে যাই ॥

উপেন্দ্র । বোমা, দুটী চাল আর কিছু আনাঁজ এনে দাও
নিতাইকে । খাসা গেয়েছ বাবা—বেশ গান ! মাঝে মাঝে শুনিয়ে
যেও !

নিতাই । যে আঞ্জে বাবাঠাকুর !

উপেন্দ্র । তোমার নিজের ঘাঁধা গান ?

নিতাই । আঞ্জে—হ্যাঁ ; এতো, ভণিতে রয়েছে—?

(দেবী চাউল প্রভৃতি আনিয়া নিতাইকে দিলেন—নিতাই চলিয়া গেল)

উপেন্দ্র । বোমা, তোমার বোধ হয় এখনো খাওয়া হয়নি মা !

দেবী । না বাবা—এইবার খাব !

উপেন্দ্র । তোমার দাদা এসেছিলেন ; কবে তোমায় নিয়ে যেতে
চান তিনি ?

দেবী । তিনি তো আজ সকালে উঠেই চ'লে গেছেন ।

উপেন্দ্র । তোমায় নিয়ে গেলেন না ?

দেবী । আপনাকে ফেলে আমি কোথাও যাবনা বাবা !

উপেন্দ্র । আমি আর ক'দিন মা ?—তারপর !

দেবী । যতদিন আপনি আছেন, আপনার দামোদর আছেন—
আমি কোথাও যাবনা বাবা !

উপেন্দ্র । একবার দু'দশ দিনের জন্তে ঘুরে এলে পারতে !

দেবী । মা থাকলে যেতাম একবার ; এখন আর কার কাছে
যাব বাবা !

উপেন্দ্র । হু—আচ্ছা : থাক মা—থাক ; তুমি থাকতে চাইলেই কি থাকা হবে! আমার যে শ্রীবৎস রাজার অদৃষ্ট—পোড়া শোল মাছ জলে ভেসে যায়! আচ্ছা, তুমি যাও মা—খাওয়াদাওয়া ক’রে নেও ; বেশা অনেক হ’য়ে গেল ; রেখেছি নিজের জন্তে কিছু?—না আনাদের খাইয়েদাইয়ে নিশ্চিন্দ হ’য়েছ? চল দেখি, একবার হেঁসেলটা দেখে আসি?

দেবী । না বাবা! আপনার পায়ে পড়ি, আজ আর দেখবেন না কিছু—আমার হ’য়ে যাবে খন।

উপেন্দ্র । হু—আচ্ছা ; চোখ বুঁজিয়ে আছি—চোখ বুঁজিয়েই থাকি! আচ্ছা—

[প্রস্থান।]

[দেবী কিছুক্ষণ সেইখানে দাঁড়াইয়া আকাশপাতাল ভাবিতে লাগিলেন]

তৃতীয় দৃশ্য

[বোম্বে—ডা. এ. চৌধুরীর বাসস্থান ; গরমেন্ট কোয়ার্টার—হাল ফ্যাসানে হুমজ্জিত ।

বীথি একথানা সোফায় বসিয়া কি বই পড়িতেছিল—একটু পরে বইখানা

একধারে ছুড়িয়া ফেলিয়া দিল ; তাহার কেবলই কান্না পাইতেছিল ;

রমা কখন আসিয়া তার পিছনে দাঁড়াইয়াছে, বীথি তাহা

শনিতে পারে নাই ।]

রমা । দিদি !

বীথি । কে—রমা ? আয়—বোস্ !

(রমা বসিল)

রমা । তোমার কি হ'য়েছে দিদি ?

বীথি । তুই তো সব জানিস্ !

রমা । আর কিছু ?

বীথি । না—আর কিছু হয়নি ।

রমা । তুমি দিনরাত এমন মনমরা, এমন গম্ভীর হ'য়ে ব'সে থাক—
তোমার সঙ্গে কথা কইতেই ভয় হয় !

বীথি । তোরও তো এখানে ভাল লাগছে না ।

রমা । তোমার জন্তেই তো আমি এখানে—নইলে, আমার তো
এখানে আসার কথা নয় ।

বীথি । দাদামশায় দিদিমার জন্তে তোর মন কেমন কর্ছে ; বাবি
ক'ল্‌কাতায় ?

রমা । যেতে অবিশিষ্ট খুবই ইচ্ছে হয় ; তবে, তোমায় ছেড়ে তো
আর যাওয়া চলে না । জামাইসাহেব তো চব্বিশ ঘণ্টার মধ্যে ষোল ঘণ্টাই

বাইরে বাইরে থাকেন ; আমি কলঙ্কাতায় গেলে তুমি এ.পুরীর মধ্যে একা থাকবে কি ক’রে দিদি ? তবু তো আমার সঙ্গে ছুঁতো কথা ব’লে হাঁপ ছাড়তে পারছ ?

বীথি । আমি যদি তোর সঙ্গে বাই !

রমা । তাহ’লে জামাইসাহেবের ঘর চ’লবে কি ক’রে ? একে তো তিনি ঐ ধরণের মানুষ—কিছুর যদি ঠিক থাকে ! তার চেয়ে ঠিকে বল—উনি কলঙ্কাতায় চাকরী নিন্ ; আমাদের কত সুবিধে হবে বল দেখি !

(শঙ্কর প্রবেশ করল)

শঙ্কর । দিদিমণি ! তোমাদের ঘর প’ঙ্কার কল্ল’ান, বাগানের ফুলগাছে জল দেলান, বাসকাটা কলে ঘাস কাটলান—আর কি কাজ আছে, বল দিদি !

বীথি । আর কাজ নেই ।

শঙ্কর । জামাইসাহেব যে পাঁচটা খানদানা কি জন্তে রেখেছে দিদি, তা আজো আমার বুদ্ধিতে এল না ! আমি একা—সবার কাজ করতে পারি । বেটারা কেবল ব’সে ব’সে থাকে আর, গালগল্প ক’স্বে ! আমি জামাইসাহেবকে আজ ব’ল্‌বো, একটা রেখে আর সব ছাড়িয়ে দিন ।

বীথি । না শঙ্করদা, তুমি ঠিকে কিছু ব’লো না ; তোমার কি দরকার ? যার টাকা তিনি বুঝবেন ।

শঙ্কর । তিনি বোঝেন কই ?—তিনি যদি বুঝতেন, তাহ’লে আর ভাবনা কি. ছেল দিদি !

বীথি । তোমার অতো দরদে কাজ নেই শঙ্করদা ! বেশী বাড়াবাড়ি ক’স্বে যেও না—মান থাকবে না ।

শঙ্কর । আমার আর মান-অপমান কি দিদি ! তোমায় কোলে গিঠে

ক'রে মানুষ ক'রেছি ; তোমার সংসার, দুপয়সা থাকে—তোমারই থাকবে !

বীথি । আমার সংসার না দাদা ! আমি এ সংসারের কে ?—কেউ না !

শঙ্কর । কি রকম কথাটা হ'ল রনা দি ? কথাটা তো সোজা কথা না দিদি—এর মধ্যে বাঁকচুর আছে যে অনেক !

রমা । সে বুঝি তুমি আজ বুঝলে শঙ্করদা !

শঙ্কর । কেন—কি হ'য়েছে, বলতো দিদি ?—জামাইসাহেবের সঙ্গে ঝগড়া ক'রেছ নাকি ? ছিঃ ! স্বামী গুরু নোক—ওনার সঙ্গে ঝগড়া কর্তে নেই দিদি !

বীথি । চুপ্ কর শঙ্করদা—ঝগড়া আমি করিনি !

শঙ্কর । আরে, আমাদের জামাইসাহেব—ও পাগলা ডাক্তার বটে, কিন্তু মানুষ বড় ভাল !

রমা । পাগলা ডাক্তার কি রকম ?

শঙ্কর । আরে, তা বুঝি জাননা ? এখানে আসবার আগে একবার দেশে যাই—তাইতে আমায় মেলোয়ারী জ্বরে ধরে ; জানইতো, একদিন অস্তুর জ্বর হয় । আমার অপরাধ, আমি জামাই সাহেবকে ব'লেছিলাম !

রমা । উনি ওষুধ দেননি ?

শঙ্কর । আমি তাই ভেবেছিলাম, ছ'শিশুড়ি কুইলান মেক্চার দেবে—ভাল হ'য়ে যাব ।

রমা । উনি কি কয়লেন ?

শঙ্কর । সে আর তোমায় কি বলবো দিদি ! আমায় সঙ্গে ক'রে কলেজে গিয়ে গিয়ে কত কি যন্ত্র দিয়ে আমার গা ফুঁড়ে খানিকটে নক্ত বার ক'রে নিলে ; তারপর সেই নক্ত কাঁচের গায়ে নাগাল । আমি

বল্লাম—“দাদা, এ সব কি ?” তা বলে—“নজুপরীক্ষে”; তারপর আর একদিন পেশ্চাবপরীক্ষে; আর একদিন শরীরের ময়লাপরীক্ষে—আর একদিন খুতুকাড়িপরীক্ষে—~~শুষ্ক~~ এখনো পরীক্ষে শেষ হয়নি !

(অনিল প্রবেশ করিল)

অনিল । এই যে শঙ্করদা !

শঙ্কর । দাদুসাহেব, তোমার সেই পরীক্ষের গল্প ক’রছিলাম দিদিমণিদের কাছে । আর কটা পরীক্ষে বাকী দাঁহ !

অনিল । আর বেশা না—এইবার একদিন—X’Ray Photo নিতে হবে ।

শঙ্কর । তার চেয়ে যদি এক শিশুড়ি কুইলেন মেক্চার, আমাদের যত্ন ডাক্তার দিত—

অনিল । কুইনিনই দেব—তবে একবার দেখটা পরীক্ষা করা দরকার । আমরা নিঃসন্দেহ হ’তে পার ।

শঙ্কর । ততদিন আমি টিঁকে থাকুবো তো দাদামণি ?

অনিল । এমনও হ’তে পারে, malarial germs তোমার শরীরের পক্ষে উপকারী । হয়তো ম্যালেরিয়া সারালে তোমার ফাইলেরিয়া হ’তে পারে, কলেরা হ’তে পারে, বেরীবেরী হ’তে পারে, প্লেগ হ’তে পারে ।

শঙ্কর । ওরে—বাপ্পে ! তুমি যে আমার বড্ড ভয় ধরিয়ে দিলে দাঁহ ! কলেরা, পিলেগ—ওসব কি বল্ছো তুমি ?

অনিল । যদি তাই বুঝি, তাহ’লে তোমার ম্যালেরিয়া সারাব না—তোমার শরীরের সঙ্গে খাপ খাইয়ে ওটাকে পোষ মানাতে হবে ।

শঙ্কর । পোষা ম্যালোয়ারি ?—ম্যালোয়ারি সারাবে না ? তার মানে, মাঝে মাঝে জ্বর হবে ?

অনিল । যদি মনে করি, তোমার শরীরের পক্ষে জরটা উপকারী—
শঙ্কর । শরীরের পক্ষে জর উপকারী ! দাদা, আমি এর মধ্যে
চার পয়সার কুইলেনের পিলুই কিনে নেজেই কেড়েছি ; আমার জর
সেরে গেছে !

অনিল । জর সেরে গেছে ? সর্কনাশ করেছ শঙ্করদা—আমায়
না জানিয়ে টপ্ করে জরটা বন্ধ করে দিলে ? ও যে এখন কি আকারে
বার হবে, কেউ তো বলতে পারে না !

শঙ্কর । তা তুমি আমার জুগে ভেবোনা দাদা ! চার পয়সার পিলুই
আমার শরীলে গিয়ে কিচ্ছু করতি পারবেনা । দিদির সঙ্গে নাকি
কি ঝগড়া ক'রেছ ? ঝগড়া মিটিয়ে ফেল—ঝগড়া মিটিয়ে ফেল দাদা !

বীথি । শঙ্করদা, তুমি বড্ড বাড়াবাড়ি কচ্ছ ; যাও এখান থেকে ।

শঙ্কর । যাচ্ছি দিদি, কিন্তু দিদিমার কথাটা একবার মনে করে
দেখ—তিনি তোমায় কি ব'লে দিয়েছিলেন ।

[প্রস্থান ।

অনিল । তোমার সঙ্গে আমার কথা আছে বী

বীথি । বেশ তো, বলই না কি কথা ?

অনিল । এখানে কেমন ক'রে ব'লি ?—আমার ঘরে এস !

বীথি । না—আমি ওঘরে যাব না ; তুমি এইখানেই বল—রমা
সব জানে ।

অনিল । রমা-দেবীর সঙ্গে তোমার যা বন্ধুত্ব, আমার তা নয় ; ঠুর
সাম্নে সেসব কথার আলোচনায় আমার আপত্তি থাকতে পারে ।

রমা । আমি ওঘরে যাচ্ছি দিদি !

[প্রস্থান ।

অনিল । তুমি আমার সঙ্গে কেন এমন কচ্ছ বীথি ?

বীথি । আমি তো কোন ভ্রাতায় করিনি !

অনিল । ~~তিনি~~ তুমি আমার সঙ্গে কথা কওনি !

বীথি । তুমিও, কথা কওনি । তুমি কথা কয়ে দেখলে পাশ্বে
আমি উত্তর দিই কিনা !

অনিল । তুমি দিন দিন আমার কাছ থেকে দূরে স'রে যাচ্ছ—দিন
দিন পর হ'চ্ছ !

বীথি । আপন-পর ব্যবহারে ! তুমি যদি আপন কর্তে চাইতে—আমি
আপন হ'তাম । তুমিই তো আমার পর ক'চ্ছ !

অনিল । সে রাত্রির সেই তুচ্ছ ঘটনায় তুমি এত উত্তেজিত হ'লে—
This is undignified—I tell you !

বীথি । সে ঘটনাকে তুমি তুচ্ছ বল ?—আমি বলি, এর চেয়ে দাক্ষণ
অপমান জ্বীলোকের পক্ষে আর নেই !

অনিল । তুচ্ছ—তুচ্ছ—The man was hopelessly drunk !
সে তখন বদ্ব মাতাল—সে জানতো না, কি ক'চ্ছে !

বীথি । একটা পরপুরুষ আমার হাত ধ'রে অপমান কর্ণ, সেটা
তোমার কাছে তুচ্ছ হ'ল ? কোন দেশের কোন স্বামী যে এটা সহ্য
ক'রতে পারে, আমার তা জানা ছিল না !

অনিল । Well—well dear, don't be silly ! তুমি তার গালে
একটা চড় মারলে পারতে ! সে কিছু মনে করতো না ।

বীথি । সে কাজটা তোমারই করা উচিত ছিল ! তুমি সেদিকে
লক্ষ্য না ক'রে—আর একটা মেয়ের দিকে ছুটলে !

অনিল । তুমি বড় গম্ভীর হ'চ্ছ ! সভ্যসমাজে যেখানে mixed
companyতে আমোদআহ্লাদ চলে, সেখানে এসব ঘটনা প্রায়ই

ঘটে—কেউ তা seriously নেয় না। রাত্রে হৈ চৈ হয়—সকালে সবাই সব কথা ভুলে যায় !

বীথি। এই যদি সভ্যসমাজের নিত্য-নৈমিত্তিক ঘটনা হয়, আমি সে সভ্যসমাজে মিশতে চাইনে !

অনিল। সুন্দরী স্ত্রী সভ্যসমাজে মিশবার পক্ষে একটা মস্ত বড় asset ! এটা তো তুমি জান, কোন dance partyতে কেউ নিজের wife-এর সঙ্গে নাচে না ; এই হচ্ছে custom—কেউ কিছু মনে করেনা।

বীথি। আমি মনে করি, আমি তোমার সঙ্গে আর কোন ক্লাবে যাব না।

অনিল। clubএ যাবে না তো—আমি তোমায় বিয়ে করলাম কেন ?
A modern wife is her husband's companion at home and abroad. You are now Mrs. Chowdhury, my better half !

বীথি। না—আমি শ্রীমতী বীথি দেবী, তোমার বিবাহিতা স্ত্রী।
আমার সম্মান যদি তুমি না রাখতে পার —

অনিল। হিঁদু মতে ধরলেও আমি তোমার স্বামী—আমার কথা শোনা তোমার দরকার। তুমি আমার কোন কথাই শোন না !

বীথি। তুমি স্ত্রীকে কিভাবে দেখতে চাও ?

অনিল। কিভাবে আবার দেখতে চাইব ?

বীথি। আমায় তুমি খেলার পুতুল মনে কর, না দেবী মনে কর—
না আর কিছু মনে কর ?

অনিল। তোমার কি দু'এক বছরের ভেতর typhoid হ'য়েছিল ?

বীথি। কেন ?

অনিল। Brainএর conditionটা ঠিক আছে কিনা ভাবছি !

বীথি। আমার কোন কিছু অসুখ হয়নি— brain ঠিকই আছে।

অনিল : আমি তোমায় পুতুলও মনে করিনে, দেবীও মনে করিনে—*with* ব'লতে আমি বুঝি নারী ! আমার সমান—আমার জীবনের সঙ্গী

বীথি । আমি স্বামীকে দেবতা ব'লে ভাবতে চাই ; কিন্তু কাকে দেবতা মনে কল্পবো !

অনিল । দোহাই তোমার বীথি ! তুমি আমায় দেবতা মনে ক'রো না—I won't reach that dignified eminence, স্রবিশেষে কর্তে পারবোনা !

বীথি । সে আমি বুঝতে পেরেছি ; তুমি আমায় খেলার পুতুলই মনে কর !

অনিল । দেখ বীথি, তোমায় আমি কত ভয় করি—সম্মান করি ; clubএ তুমি যদি কাছে থাক—I never drink more than two pegs ; অথচ এই কদিন তুমি যাওনি, আমি তোমার উপর রাগ ক'রে lost control—রোজ এক বোতলের উপর !

বীথি । আমার সঙ্গে তোমার কোনদিন মিলবে না ! আমি যে পথে যাব, তুমি সে পথে যাবে না ; তুমি যে পথে যেতে চাও, আমি প্রাণ থাকতে সে পথ মাড়াতে পার্ক না । আমি চিরদিন তোমার কাছে ভারবোঝা হ'য়ে থাকবো !

অনিল । তাই তো মনে হচ্ছে—bad luck !

বীথি । আমি বলি, তার দরকার কি ? তার চেয়ে আমি তোমায় নিষ্কৃতি দিইনা কেন ?

অনিল । নিষ্কৃতি দেবে ?—আমি ঠিক মানে বুঝতে পাচ্ছিনা বীথি !

বীথি । আমি এখান থেকে চলে যাব—আমি এখানে থাকবো না ।

অনিল । থাকবে না ?

বীথি। না; আমি আমার স্বামীকে দেখতে চাই—দেখারি! !

অনিল। না মলে আমি যে দেবতা হ'তে পারবো, সে, এরসে আমার নেই বীথি!

বীথি। কি বল্লে? তুমি যাও—চলে যাও; আমি আমার থেকে না—তোমার পায়ে পড়ি, তুমি আমার সামনে থেকে না!

অনিল। বীথি—বীথি!

বীথি। তুমি অবিশ্বাসী, তুমি নাস্তিক, তুমি কিছু মান না! যে মানে—তাকে ঠাট্টা কর!

অনিল। I wonder! —কি হ'ল?

বীথি। সত্যি, তোমায় আমার মিলবে না।

অনিল। আমার সামাজিক জীবন তুমি যদি নিতে না পার, শুধু ঘরে আমার স্ত্রী হওয়ার কোন অর্থ হয় না!

বীথি। তোমার সমাজ মানে যদি ক্লাব হয়, আমি স্বীকার কচ্ছি—সে জীবনের সঙ্গে আমার কোন সংস্রব নেই।

অনিল। আমি চিরদিন clubএ মানুষ—আমি cinemaয় যাব, theatreএ যাব, raceএ যাব, sportsএ যাব; dance, swimming—জীবন বলতে আমি এই বুঝি!

বীথি। আমি তা বুঝিনে।

অনিল। যাক—তোমারও ভুল হ'য়েছে, আমারও ভুল হ'য়েছে; আমরা কেউ কাউকে চিনে নিতে পারিনি—সে সময়ও ছিল না আমাদের। ভাল, তুমি যা চাও—তাই হবে!

বীথি। আমি এখানে থাকবো না!

অনিল। বেশ, তোমার বাবাকে চিঠি দিই; তারপর তোমায় কলকাতায় পাঠাবার ব্যবস্থা করবো।

বীথি। আমি মা-বাবার কাছে যাবনা !

• অনিল। ভাল, তোমার দাদামশায়ের কাছে যদি যেতে চাও—সেইখানেই চি।

বীথি। তুমি সেখানেও যাবনা।

অনিল। তাহ'লে কোথায় যাবে—বল ?

বীথি। এ মুখ আর লোকালয়ে দেখাবনা !

অনিল। তুমি আর কেন মুখ দেখাতে পারবেনা ?—আমারই মুখ দেখানো মুক্তিলাভ হবে বন্ধুবান্ধবের কাছে ! Bad luck—bad luck ! Well, well, well—বখন উপায় নেই, তখন সইতেই হবে ! I must face it like a man ! আমি নিজের ঘাড়েই সব দোষ নেব—তোমায় দায়ী ক'রবো না ; সমাজেও না—নিজের মনেও না !

বীথি। আমিও তোমার নামে কারো কাছে কোন অভিযোগ ক'রবোনা।

অনিল। সত্যি বীথি ! আমার বিশ্বাস কর, আমি কিছুতেই বুঝতে পারছি না—তুমি কি চাও ?

বীথি। কি ক'রে বুঝবে ? তুমি তো, কোনদিন বাঙালী গেরস্ত বরের দিকে ফিরে চাও নি—তুমি হোস্টেল জান, ক্লাব জান ! তুমি আমার চাওনি—তুমি চাও নারীদেহ ; অনেক পাবে—অভাব হবেনা। আমি শুধু দেহ নই !

অনিল। বড়ই দুঃখের বিষয় যে, আমরা কিছুতেই পরস্পরকে বুঝতে পারছি নে ! Well, well, well—তুমি কবে যেতে চাও ?

বীথি। আজই !

অনিল। আজই ?

বীথি। হ্যাঁ—আজই ; দেরী ক'রে লাভ কি ? শোন, আমি আমার

দিদিমাকে বৈখেছি ; তিনি আমায় শিখিয়েছিলেন—“স্বামী দেবতা” ! তারপর আমার বিয়ে হ’ল—আমি স্বামীকে দেখলাম । আমার দুঃখ ; আমি চেষ্টা ক’রেও তাঁকে দেবতা মনে ক’রতে পারিনি ।

অনিল । আমিও তো তাই চাই বীথি ! আমি ইচ্ছা করিনে, কেউ আমায় দেবতা মনে করে !

বীথি । তুমি আমার কথা ফখনো বুঝতে পারবে না !

অনিল । না—

বীথি । যদি তোমায় কোনদিন দেবতা মনে ক’রতে পারি, তবেই আসবো । —রমা !

(রমার প্রবেশ)

রমা । দিদি, আমায় ডাকলে ?

বীথি । শঙ্করদাকে ডাক—আমাদের জিনিষপত্রের বেঁধে নেবে ; আমরা আজ রাতেই কলকাতায় যাব ।

রমা । কি বল্ছো তুমি পাগলের মত দিদি ?

বীথি । যা বল্ছি তাই কর—শঙ্করদাকে ডাক !

রমা । আচ্ছা !

[প্রস্থান ।

অনিল । আজ যদি first class berth reserve পাওয়া না যায় ?

বীথি । রিজার্ভেরও দরকার নেই, ফাষ্ট ক্লাসেরও দরকার নেই—আমি থার্ড ক্লাসে যাব !

অনিল । থার্ড ক্লাসে যাবে !

বীথি । আমি গরীব—বাংলাদেশের অধিকাংশ মেয়ে যা, আমিও

তৃতীয় অঙ্ক] বাংলায় মেয়ে

৪৯।

তাই। আমাকে নিজের পায়ে দাঁড়াতে হবে, আমার বাবুগিরি করা শোভা পায়না!

(রমা ও কবীর পুনঃ প্রবেশ)

শঙ্কর। এসব কি পাগলামি দিদিমণি? যেমন জামাইদাদা, তেমনি তুমি!

বীথি। শঙ্করদা, চুপ কর—জিনিষপত্র গোছাও!

শঙ্কর। কি বিপদ! দিদিমণি—

বীথি। কোনো কথা বলোনা শঙ্করদা—বা বলান তাই কর!

অনিল। Well, well, well—বেশ! আমি এখানকার একজন বড় I. M. S. অফিসর—আমার স্ত্রী third-class এ travel ক'রবে! এই সেদিন একটা scandal হ'য়ে গেল; তারপর এই কাণ্ডটা হ'লে আমার আর এদের কাছে মুখ দেখাতে হ'বেনা—worse than a divorce case!

বীথি। ওগো! তুমি এখান থেকে যাও—তোমার পায় পড়ি! আমার কাছে থেকোনা, আমার সামনে থেকোনা—কারো কাছে আমায় স্ত্রী বলে পরিচয় দিওনা! আমি সাদামাটা কাপড় পরে ভাড়াটে গাড়ীতে যাব—কেউ জানবেনা, কেউ চিনবেনা। তুমি ক্লাবে যাও—দশজনের সঙ্গে আমোদ আহ্লাদ কর; আমায় ভুলে যাও—ভুলে যাও!

অনিল। বীথি—বীথি! কেন তুমি—এ রকম—!

বীথি। তুমি যাও—এখনই যাও; যাও বলছি!—বদি না যাও, আমি তোমার পায়ে মাথা খুঁড়ে ম'রবো!

অনিল। জানিনে, কেন যে তুমি এমন ক'রে নিজেকে বাচা পাচ্ছ—

আমাকে ব্যথা দিচ্ছে। ভাল, তুমি বা চাও—তাই হার; আমি থাকবোনা তোমার সামনে!

[বীথি দুইহাতে মুখ ঢাকিল। তার ~~যেমন~~ ^{যেমন} ~~হয়েছিল~~ ^{হয়েছিল},
তেমনি কারা আসিতেছিল।]

রমা। (গায়ে হাত দিয়া) দিদি, দিদি!

বীথি। আমায় উপদেশ দিস্নি রমা! এ পথ ছাড়া অন্য পথ আমার নেই—আমি নিরুপায়!

চতুর্থ অঙ্ক

প্রথম দৃশ্য

[উপেক্ষনাথের বাড়ী—প্রাঙ্গণ ; উঠানে আসিয়া
নটবর দাসের সথধা মেয়ে
শান্তি ডাকিল—]

শান্তি । কাকীমা !

(মলিনবসনা শীর্ণকায়্য দেবী ঘর হইতে বাহির হইলেন)

দেবী । কে রে ?—শান্তি !

শান্তি । হ্যাঁ কাকীমা—আমি । তুমি আমায় ডেকেছিলে ? ও
বাড়ীর মাসী হরিশদার মা, আমায় বল্লে—তোর বামুনকাকীমা ডাকছে !

দেবী । হ্যাঁ—ডাক্‌ছিলাম । হ্যারে, নটবরদা বাড়ীতে আছে ?

শান্তি । বাবা ? না—না ; বাবা তো আজ্ঞা আবার সেই সকালবেলা
বেরিয়েছে—পশ্চিমপাড়ায় তিওরদের বাড়ীতে, তোমাদের গুলো ধানের
তাগাদায় । কলিকাল কিনা কাকীমা—ফাঁকি দিতে পারিলি কি আর
কেউ ছাড়ে ! দাদাঠাকুর এখন বুড়ো হ'য়েছেন—উনি তো আর কিছু
দেখেন না ; কাকাঠাকুর বাড়ী নেই, পিসিমা এখানে নেই, তুমি
বৌ নান্নুস—তুমি তো আর পাঁচ দরজায় যাবা না ? কাজেই
সবাই পেয়ে ব'সেছে ! বাবা কত দুঃখু কর্তিল—এমন ঘরটাও
এমন হ'ল !

দেবী । তাহ'লে আজও ধানের আশা নেই !

শান্তি । আজ ? বাবা বল্‌তিল—লতুন ধান হ'লে লবঙ্গ হবে, তবে যদি দেয় ; তার নাম সেই অম্রাণ মাস ।

দেবী । তাহ'লে তো আবার আরো দেড় বিশ পাওনা হবে ।

শান্তি । তুমি ঐ হিসেবই ক'রে যাও কাকীমা ! ও পোড়ারমুখেরা যে কবে দেবে, তা কেবল বাস্তঠাকুরই বল্‌তি পারে—আর কেউনা !

দেবী । তাহ'লে তুই এক কাজ কর না মা ! বড্ড ঠেকায় প'ড়েছি, হরিশের মা পাঁচটা টাকা পাবে—সংসারেও ছুটো চাল না কিনলে নয় !

শান্তি । তোমরা চাল কেন্‌বা কাকীমা ? মানস্কী তোমাদের গোলায় অটেল দিয়ে থাকেন !

দেবী । পাঁচ বিশ পাওনা ধান অনাদায়, আর অটেল থাক্‌বে কোথেকে মা ! তুই বস মা—আমি আসছি ।

(দেবী ভিতরে গেলেন)

শান্তি । তোমার নাউগাছে তো থাসা ফলন ধ'রেছে কাকীমা ! এই তো সেদিন পুতলে বাপু ! যেমন সবুজ সবুজ পাতা—তেমনি লক্‌লকে ডগাগুলি । বড় পয়মস্তুর হাত তোমার কাকী !

(দেবী পুনরায় আসিলেন)

দেবী । ঐ নাউগাছ আর ঢুটী গরু—ওরাই তো বাঁচিয়ে রেখেছে মা ! এইদিকে আয় মা ! শোন—

শান্তি । হ্যাঁ কাকীমা ?—তোমার গয়নার বাক্সের একি ছিরি হ'য়েছে মা ! আর যে কিছু নেই—গায়ও তো দেওনা । একটা বাক্স ঠেসা গয়না দেখেছি যে মা !

দেবী । আমাদের গেরস্ত ঘরে কোন্ বউটাই বা দিনরাত গয়না প'রে, সজেগুজে থাকে ?

শান্তি। থাকলে পরে—না থাকলে আর কেমন ক'রে পরবে !
তা হ্যাঁ, বাকী—সে সব গেছে ?

দেবী। সে কথা থাক মা !—তুই এই সোনাবাধানো নোয়া গাছটা
ছিমস্ত কামারের দোকান থেকে বিক্রী ক'রে এনে দিতে পারিস মা ?

শান্তি। এত যতন ক'রে এ নোয়া গাছটা রেখে দিছিলে মা !

দেবী। এ গাছটা বাবার দেওয়া নারে—আমার মায়ের হাতের ;
দরবার বেলা মা আমায় দিয়ে বান। ইচ্ছে ছিলনা, এটা নষ্ট করি ; আর
উপায় নেই মা !

শান্তি। তাইতো মা—তুমি এয়োরাবী, ভাগ্যদরী ! কাকাঠাকুর
দেশে আলি আবার তোমায় কত গরনা দেবে, টাকার গাদায় বসায়
থোবে—ভূটো দিনের জন্তে এমন জিনিষটে খোয়াব মা !

দেবী। তাহোক মা—তুই যা। বাধা দিলে আর কটা টাকা দেবে !
আমার হাতে এই আসল নোয়া রয়েছে ; ওতো সোনা-বাধানো নোয়া—
নকল ! তবে মা দিয়েছিলেন, এইজন্তেই মনটা একটু খুঁৎ খুঁৎ করছে।
তা হোক মা—তুই যা !

শান্তি। আচ্ছা কাকীমা, দাও—দেখে আসি।

[প্রস্থান।

(দেবী ঘরে গেলেন ; গ্রাম্য পিওন আসিয়া দুখানা চিঠি দিয়া গেল)

পিওন। মা-ঠাকুরণ, আপনার নামে এই দু'খান চিঠি।

[পিওন চলিয়া গেল ; দেবী চিঠি লইলেন। উপলক্ষ্য ও
প্রকাশ কথা কহিতে কহিতে ভিতরে আসিলেন]

উপেক্ষ। কি ব'লে প্রকাশ ?—টাকা পাঠিয়েছে ?

প্রকাশ। আজ্ঞে হ্যাঁ—আমার নামে ইন্সিওর ক'রে পাঠিয়েছে

চারশ' টাকা। অনেক চেষ্টা ক'রে টাকাটা পাঠিয়েছে; তার নিজের
রোজগার। কটী ইংরেজ ভদ্রলোক আর ভদ্রমহিলা ~~ক'রে~~ কা'ছে : বাংলা
পড়েন। বার বার লিখেছে, তার নিজের টাকা—খবরের দেওয়া টাকা
নয় !

(দেবী আবার আসিলেন)

দেবী। বাবা !

উপেন্দ্র। কি মা—কিছু বল্ছো আমায় ?

দেবী। হ্যাঁ—ঠাকুরঝি চিঠি লিখেছেন !

উপেন্দ্র। কে—ভবানী ?

দেবী। হ্যাঁ বাবা ?

উপেন্দ্র। কি লিখ্ছে ?

দেবী। তার উপর বড় পীড়ন চ'ল্ছে কিছু টাকার জন্তে !

উপেন্দ্র। টাকা দিলে পীড়ন থামবে মনে কর !

দেবী। আমি কেমন ক'রে বুঝবো বাবা !

উপেন্দ্র। টাকা তো নেই ! তুমিও জান মা—আমিও জানি।

প্রকাশ। এইতো টাকা রয়েছে জ্যেষ্ঠামশাই—সত্য পাঠিয়েছে।

উপেন্দ্র। চূপ কর প্রকাশ; টাকা না দিতে পারলে আর কি
করা যেতে পারে মা !

দেবী। তাহ'লে আপনি নিজে একবার যান বাবা—তাকে নিয়ে
আসুন; তার বড় কষ্ট—সব কথা লিখিনি !

উপেন্দ্র। সেই ভাল, তাকে নিয়েই আসি; যেমন ক'রে হোক—
তিনজনে একসঙ্গে থাকবো, যা জুটবে—তাই খাব। কি বল মা ?—
তাই হোক। আর একখানা কার চিঠি ছিলনা ?

দেবী। আমার বীথি-মা দিয়েছেন !

উপেন্দ্র । বীথি কোথেকে লিখেছে ? আমাদের কথা তার ননে আছে—সেই !

দেবী । কি ভোলবার মেয়ে বাবা—সে যে আমাদেরই !

উপেন্দ্র । সে আমাদেরই—একবার দেখেই তা বুঝেছি । তাই তার জন্তে আশঙ্কাও আছে বিস্তর ! কি লিখেছে ?

দেবী । সে অনেক কথা বাবা ! তার খবরও মোটেই ভাল না ।

উপেন্দ্র । ভাল যে হ'তেই পারেনা—তোমায় তো আমি সেইদিনই বলেছি । মন্দ খবরটাই দাও মা ! আমরা তো স্বথের ভাগী নই মা—আমরা দুঃখের ভাগী !

দেবী । জামাইয়ের কাছে সে নেই—বাপ-মা কি দাদামশায়ের কাছেও ফিরে বাইনি !

উপেন্দ্র । কোথায় আছে তাহ'লে ?

দেবী । গিরিডি থেকে পত্র লিখেছে ; সেইখানেই একটা মেয়ে ইস্কুলে পাঠারি করে ।

উপেন্দ্র । বটে ? স্বামীর কথা কিছু লিখেছে ?

দেবী । শুধু জানিয়েছে—“স্বামীকে আমি দেবতা মনে ক'রতে চেষ্টা ক'রেও দেবতা মনে ক'রতে পারিনি—তাই তাঁর কাছ থেকে চ'লে এসেছি !”

প্রকাশ । বড়ই দুঃখের বিষয় জ্যেষ্ঠামশাই ! বীথি এভাবে স্বামীর কাছ থেকে চ'লে এল—ছটা মাসও বনিবনাও হ'লনা !

উপেন্দ্র । এই রকমই হয় প্রকাশ ! এসব হ'ল গোড়া কেটে আগায় চল ঢালা । বিয়ে হ'ল খৃষ্টানী মতে ; বাপ-মা হিঁদুয়ানি মানেনা, বর হিঁদুয়ানি মানেনা—বীথি দেবতা মনে ক'রবো মনে কল্পেই কি সে বীথির চোখে দেবতা হ'য়ে উঠবে ? এ হ'ল একটা প্রাচীন জাতির সভ্যতা—

সভ্যতার ভিতর বার। জন্মেছে, মানুষ হ'য়েছে, 'তাদের' কাঁচ এ জ্ঞান সহজ ! বহু সাধনায় তবে এ জ্ঞান সমাজের ভিতর এসেছিল । ঐশ্বর্য সে রামও নেই, সে অযোগ্যও নেই ! কষ্ট পাবে—বড় দুঃখ পাবে ! তুমি আর দাঁড়িয়ে থেকোনা মা, পূজোর জায়গাটা মার্জনা ক'রে দেও ।

[দেবীর প্রস্থান ।

প্রকাশ । জ্যেষ্ঠামশাই ! আপনি নিজেই যখন স্বীকার ক'রছেন, সে হিন্দুজাত আজ আর নেই—তখন আপনি কেন আপনার ছেলেদের উপর এত কঠোর হ'চ্ছেন ? তাদের বিশেষ কি অপরাধ ? ধরুন, সত্য কি দ্বিভেনবাবু যদি নিষ্ঠাবান ব্রাহ্মণ হতেন, এক লাভ হ'ত হিন্দুজাতির ? আপনি একটী কি দুটী পরিবার রক্ষা করে এই বৃহৎ হিন্দুজাতকে রক্ষা করতে পারবেন কি ?

উপেন্দ্র । প্রকাশ ! তুমি যদি এ সম্বন্ধে কিছু জানতে চাও, ভাল ক'রে হিঁদু হও ; পাঁচজন বন্ধুবান্ধবের সঙ্গে চা-সিগারেট খেতে খেতে তর্ক করলে এইসব বিনিমিষেধের মর্ম বুঝতে পারবেনা কোনদিন । অস্থিসঞ্চারিণী বিছার গল্প জান ?

প্রকাশ । আজ্ঞে—না !

উপেন্দ্র । একজন লোক ঐ বিছা শিখেছিল ; সে হাড় থেকে মানুষ বাঁচিয়ে তুলতে পারত ! যারা এই অস্থিসঞ্চারিণী বিছা জানেন, তাঁরা এই কঙ্কাল থেকে আসল হিন্দু জাতকে বাঁচিয়ে তুলতে পারবেন । যদি তেমন কেউ জন্মায় ভবিষ্যতে, সে দেখে বুঝতে পারবে—জাত টে এই রকম ছিল !

(শান্তি প্রবেশ করিলে)

শান্তি । বামন-কাকী !

উপেন্দ্র । কেরে—শান্তি ? তোর কাকী বাড়ীর ভিতর ।

(দেবী বাহির হইয়া তাকে ডাকিলেন)

দেবী । এঁটাদিকে আয় রে শান্তি !

(শান্তি চলিয়া গেল)

উপেন্দ্র । কি লিখেছে সত্য ?

প্রকাশ । আপনাকে চিঠি লিখতে সে সাহস করেনি ; তার আশঙ্কা, আপনি তাকে ক্ষমা করবেন না !

উপেন্দ্র । ক্ষমা আমি তাকে করব না প্রকাশ—তবে বিলেত গিয়েছে বলে নয় ; সে ছোটলোকের মত আচরণ করেছে। আমি তার টাকা নেব ?

প্রকাশ । আমি শুধু আপনাকে একটা কথা জানাতে চাই জ্যোঠামশাই—একটা ছেলে আপনার পর হয়ে গেছে, একে যদি আপনি পর না করেন, এ পর হবে না !

উপেন্দ্র । পর যদি হ'তো প্রকাশ, তা'হলে তো বেঁচে যেতাম ! তাদের নাম মুখে আনতেম না—তাদের কথা একবারও ভাবতেম না। একি পাতানো সম্পর্ক যে আমি একবার “পর” বল্লোই পর হ'য়ে যাবে ? ওদের মা বেদিন মারা গেল—বড়টার বয়স তখন উনিশ, সত্য তখন পাঁচ, ভবানী তিন ; সঙ্গে করে শ্মশানে নিয়ে যাও, হাজরাতলার ঘাটে। দিনপ'নের পরে একদিন কোথায় বেরিয়েছিলাম ; ঘরে এসে দেখি, জ্বিতেন একজামিনের পড়া মুখস্থ ক'চ্ছে—সত্যও ঘরে নেই, ভবানীও ঘরে নেই ! সারা গাঁ খোঁজ-খোঁজ—কোথায় গেল ? ঐ হাজরাতলার ঘাটে গিয়ে দেখি, ভাইবোনে গলাগলি হয়ে দাঁড়িয়ে—চিতের পোড়া কাঠগুলোর দিকে তাকিয়ে ! আমার দেখতে পেয়ে সত্য বল্লো—“বাবা, খুকীকে ম' দেখাচ্ছি !”

প্রকাশ । ওসব কথা থাক্ জ্যোঠামশাই !

উপেন্দ্র। না না, তুমি বলছিলে না—পর হ'য়ে গেছে ? তোমরা যে এসব কিছু বোঝ না ! এ মাটির সম্পর্ক বড় শক্ত—সব সের্ব হ'য়ে য়েলেও সব থাকে, কিছু যায় না ! পর ব'লেই—পর ? ঐ যে মেয়েটা, বীথি না কি—পরের মেয়ে ব'লে চুপ ক'রে থাকতে পাচ্ছি ?—ভাবনা হ'চ্ছেনা ? স্নুথের ভাগী না, দুঃখের ভাগী—পর হ'লে তো বেঁচে যেতাম ! তুমি যাও প্রকাশ, বাড়ী যাও ; আমি একবার দেখি, খোঁজ নিই—চালটাল আছে কিনা—দামোদর খেতে পাবেন কিনা ?

প্রকাশ। তাহ'লে টাকাট্টু কি ক'রবো ?

উপেন্দ্র। ফেরত পাঠিয়ে দাও। আমার বোমা ওর একটা পয়সাও ছোঁবেন না। আচ্ছা, আচ্ছা—একবার ঔঁকে জিজ্ঞাসা ক'রে দেখতে পার।

[প্রস্থান।

প্রকাশ। দিদিমণি !

(দেবী আসিলেন)

দেবী। কেন ঠাকুরপো !

প্রকাশ। সত্য আমার নামে চারশ' টাকা পাঠিয়েছে—শুনেছেন বোধহয় !

দেবী। হ্যাঁ—আপনিতো বাবাকে বলছিলেন !

প্রকাশ। উনি তো সত্যর উপর ভয়ানক রেগে আছেন—রাগের মাথায় অনেক কথাই বলছেন ; কিন্তু সে যদি একবার এসে গুর পায়ে ধ'রে ক্ষমা চায়, আমার বিশ্বাস—তখন আর রাগ থাকবে না।

দেবী। তা হ'তে পারে ; কিন্তু উনি যে ক্ষমা চাইবেন, তা আপনি কেমন ক'রে জানলেন ? বড়ঠাকুর তো একবারও আসেন নি—ক্ষমাও

চান্নি। বিলেত থেকে ফিরে এলে মানুষ কিরকম হয়, আপনিও জানেন না—আমিও জানিনে।

প্রকাশ। জানি বৈকি বোদি?—অনেক বিলেত-ফেরত দেখেছি। সেকালে বিলেত-ফেরত কি রকম হ'ত তা জানা নেই বটে, কিন্তু এখনকার বিলেত-ফেরতের কিছু পরিবর্তন হয়না—বেমন মানুষ ঠিক তেমনি থাকে;—কাপড় পরে, চটী জুতো পায় দেয়, ভাঁতডাল খায়! আপনি অতো ভয় পাবেন না—সত্য ঠিক আছে; আমার চিঠি লিখেছে, বড়দিনের আগেই সে কল্কাতায় এসে পৌঁছেবে।

দেবী। তিনি পাশ ক'রেছেন?

প্রকাশ। হ্যাঁ—ভালভাবে পাশ ক'রেছে; ভাল চাকরিও পেতে পারে—মোটাই নাইনে।

(দেবী মুহূ হাসিলেন)

প্রকাশ। হেসে উড়িয়ে দেবার কথা নয়, আমি সত্যি বলছি বোদি!

দেবী। আমি জানি—সে জন্তে হাসিনি।

প্রকাশ। তবে! —বলুন, কেন হাসলেন?

দেবী। আমার কাছে আপনার একটা খাওয়া পাওনা আছে ঠাকুরপো! দামোদরের দয়ায় তিনি দেশে এসে পৌঁছুলে, খাওয়াব একদিন—তবে শাক-অন্ন!

প্রকাশ। আপনি যা হাতে ক'রে খাওয়াবেন দিদিমণি, আমার কাছে তা অমৃত! বোদি শুনুন, সত্যর বড় ইচ্ছে—দেশে ফিরে আগে এখানে এসে জ্যোঠামশায়ের পায়ের ধূলো নেয়—আপনার সঙ্গে দেখা করে। তাহ'লে টাকাকটা আপনি রেখে দিন!

দেবী। না!

প্রকাশ। রাখবেন না?

দেবী। না!

প্রকাশ। কেন রাখবেন না—শুন ?

দেবী। তিনি বাবাকে টাকা পাঠিয়েছেন ; বাবা যখন সে টাকা নেননি, আমি কেমন ক'রে নেব ঠাকুরপো ?

প্রকাশ। আমি জানি, সংসার আপনি ঢালান—জ্যোঠামশাইকে কিছু বুঝতে দেন না—জানুতে দেননা। কত কষ্টে চলে—তার খবরও কিছু রাখি বোদি ! টাকাটা হাতে থাকলে—; ধরুন, এর চেয়ে বেশী অসময় আর কি হবে আপনাদের ? আপনি নিন—রেখে দিন !

দেবী। না!

প্রকাশ। আমার কথা বিশ্বাস করুন বোদি ! আমারও কিছু বিচারবুদ্ধি আছে। এ আপনার স্বামীর স্বেপার্জিত টাকা, আপনার নেওয়ার অধিকার আছে। এই নিন !

(প্রকাশ দেবীর সামনে টাকা রাখিয়া দিল)

দেবী। অধিকার নেই ঠাকুরপো, আপনি বিচার ক'রে দেখবেন ; আমি আপনার সঙ্গে তর্ক ক'রতে চাইনে। টাকা আমি নিতে পারবো না—আপনি নিয়ে যান !

(দেবী যাইবার জন্ত উত্তোঙ্গী হইলেন)

প্রকাশ। আচ্ছা, টাকা আমি তাকে পাঠিয়ে দেব। কিন্তু বোদি, টাকা না নিয়ে আপনারা তার এখানে আসার পথটী বন্ধ ক'রে রাখলেন।

দেবী। সে পথ অনেক আগেই তিনি নিজে ইচ্ছে ক'রে বন্ধ করেছেন। আপনার কথা রাখতে পাচ্ছিনে, আপনি আমার উপর রাগ ক'রবেন না !

[প্রস্থান।

প্রকাশ। না।

(প্রকাশ গম্ভীরভাবে টাকা লইয়া চলিয়া গেল ; উপেন্দ্রনাথ পুনঃ প্রবেশ করিলেন)

উপেন্দ্র । বোমা !

(দেবীর পুনঃ প্রবেশ)

দেবী । বাই বাবা !

উপেন্দ্র । পূজোর গোছান হ'য়েছে মা ?

দেবী । হ্যাঁ—হয়েছে বাবা !

উপেন্দ্র । ঠাকুরদের ভোগ ?—ভোগের কি ব্যবস্থা করা যায় বল তো মা !

দেবী । ভাত চড়িয়ে দিয়েছি তো বাবা !

উপেন্দ্র । আমি আজকের কথা বলছিলাম, আজ না হয় হবে ;—তারপর ? ধানচাল বাড়ন্ত—কেউ তো কিছু দিলও না !

দেবী । বাহোক ক'রে চালিয়ে নেওয়া যাবে ; দামোদরের ব্যবস্থা—উনিই ক'রবেন !

উপেন্দ্র । এই বিশ্বাসটা যদি রাখতে পার মা ! তুমিই আমার বড় ছেলে মা—ওরা কেউ কিছু না ! তুমি আমার মুখে আশ্বাস দেবে । আচ্ছা আচ্ছা, চল যাই—পূজো করিগে তাহ'লে । ভবানী আর বীথি—বুঝলে মা, মেয়ে দুটো বড় ভাল ! বড় ভারিয়ে তুলেছে—কি যে পূজো ক'রবো ! তার উপর আবার প্রকাশটা এসে তোমাকেও তো জালিয়ে গেল !

দেবী । গুঁর আর দোষ কি ! উনি তো আমাদের ভাল হবে মনে ক'রেই—

উপেন্দ্র । তা বুঝি, তা বুঝি—সেটুকু জ্ঞান এখনো আছে মা, একেবারে পাগল হইনি ! প্রকাশ খুব ভাল ছেলে—সে কথা বলছিলাম ; তোমায় টাকা দিতে এসেছিল তো ?

দেবী। হ্যাঁ !

উপেন্দ্র। তুমি নাওনি তো মা ?

দেবী। না বাবা—আমি কেন টাকা নেব ?

উপেন্দ্র। বেশ ক'রেছো মা ! আমি জান্তেম, তুমি নেবে না—
তবু একবার পরীক্ষা ক'রে দেখলাম। তুমিও নেবে না—আমিও
নেব না। আমরা নেব না—ওদের কিছু নেব না !

দেবী। বাবা, চলুন—পূজো ক'রবেন, চলুন !

উপেন্দ্র। কি ব্যাটার আমার সঙ্গে ক'রেছে জান মা ?—আমার
সঙ্গে দেখাটা পর্য্যন্ত করলে না ! দরোয়ান এসে বাঁজো—“কোই
সাহেব নেই হায় !” সেদিন সেই ব্যাভার ক'রে আজ আবার টাকা
দেখাচ্ছে ! ভাবলে, গরীব বামুন টাকা পেলে বর্তে যাবে ! ওরে—তোর
তেম্নি বাপ, তেম্নি বউ কিনা ? ঘুসু দিতে চায়, বুঝলে মা—ঘুসু ঘুসু !
ওরা শুধু টাকা চিনেছে—টাকাকড়ি, ধনদৌলত, দেহের ভোগ ; ভাবে,
টাকায় সব হয় ! ওরে—তা যদি হোত, তাহ'লে আর আজো আকাশে
চন্দ্রসূর্য্য উঠতো না, ক্ষেতে ফসল ফ'লতনা, গাছে ফল হ'তনা—সব শুকিয়ে
মরুভূমি হ'য়ে যেত !

দেবী। আপনি আশুন বাবা !

উপেন্দ্র। চল যাই ; আমার এই কথা রইল মা, আমি এখনি
দামোদরের পূজায় ব'সবো, ওঁর কাছে আমার এই প্রার্থনা—হে
দামোদর, একটাদিনও যদি ঠিকভাবে তোমায় পূজো ক'রে থাকি,
তার সঙ্গে যেন আমার আর কখনো দেখা না হয়—সে এ ভিটেয় পা
দেবার আগে যেন আমার মৃত্যু হয় ! সেই অনাচারী অবিশ্বাসী
ছেলের মুখ যেন এ জন্মে আর না দেখি ! এস মা—এস ! [প্রস্থান।

দ্বিতীয় দৃশ্য

[বোম্বাই—মেডিক্যাল অফিসর ডাঃ এ. চৌধুরীর বাসগৃহ ; পাশাপাশি হুটা ঘর ;

রোগ শয্যায় অনিল শুইয়া—শঙ্কর ও ডাঃ মুখার্জি]

শঙ্কর । আজ বুঝি মেমসাহেবরা কেউ এল না ?

ডাঃ মুখার্জি । না !

শঙ্কর । কেন, কি হ'ল ওদের ?

মুখার্জি । সবই তো জান শঙ্করদা—কদিন থেকে একটা নাস'কেও রাজী করাতে পার্লে'ম না !

শঙ্কর । দরকার নেই ওবেটীদের—আমি একাই আমার জামাই-নাদার থিজ্'মত ক'রতি পারবো ; কিন্তু ব্যাপারখানা কি, বলতো ডাক্তার দাদা ? কেই বা গুলি করলে—আর ওবেটীরাই বা অমন ক'লে মরে কেন ?

মুখার্জি । ব্যাপারটা—পুরোণো রাগ । যার জন্তে তোমার দিদিমণির সঙ্গে চৌধুরীসাহেবের ঝগড়া । ম্যাকিন্টস্ ঝ'লে এক বেটা মাতাল সাহেব ক্লাবে একদিন তোমার দিদিমণিকে ধস্তে বায়—ধস্তে পারিনি ; তিনি পালিয়ে বাড়ী আসেন ।

শঙ্কর । তাই বুঝি জামাইদার সঙ্গে ঝগড়া ক'রে দিদিমণি চ'লে বায় ! ছেলেমানুষ আর বলে কারে ? আর ইনি কি করলেন ?

মুখার্জি । ইনি একদিন রাত্রে প্রচুর নগ্নপান ক'রে ম্যাকিন্টসের বাংলোয় গিয়ে বিস্কুট দেশী ভাষায় তার চোদ্দপুরুষ উদ্ধার ক'রে তার মেমটার একখানা হাত ধ'রে একটু টেনেছিলেন—সেই সময় ম্যাকিন্টস্ বেটা এসে দেখে ওঁকে গুলি করে !

শঙ্কর। ওঃ—তাই বুদ্ধি সাহেব মেমেরা সব এক কাটা হ'য়েছে ?

মুখার্জি। তা হবে না ?

শঙ্কর। যাক্-গে—মরুক্-গে ! আমি ওদের ভারি তোয়াক্কা রাখি কিনা ? আমি একাই পারবো।

মুখার্জি। কিন্তু তুমি আমার তার পেয়ে চ'লে এলে, অথচ মিসেস চৌধুরী এখনো এলেন না—এর অর্থ কি ! তাহ'লে কি স্বামীর সঙ্গে তিনি কোন সম্পর্ক রাখতে চান না ?

শঙ্কর। না না—তা'নয়, তা' নয় ; সে এল ব'লে।' দিদিমণি যে গিরিডি ইন্সুলের ম্যাষ্টারগী হ'য়েছে। আমি বাড়ীতে কাউকে কিছু বলিনি। জামাইদাদার পাঁচশ' টাকা আমার কাছে ছেল না ?—তা থেকে দিদিমণিকে একখানা তার করে দিয়ে কর্তাগিন্নীর কাছে দেশে যাচ্ছি ব'লে ছুটা নিয়ে চলে এসেছি।

মুখার্জি। ভারি বুদ্ধিমানের কাজ ক'রেছ শঙ্করদা ! You are a genius !

শঙ্কর। কি ডাক্তারদাদা,—ইংরিজীতে গালাগালি দিলে নাকি ?

মুখার্জি। না না, সূখ্যাতি কল্লে'ম—বল্লেম, এরকম বুদ্ধি সবার হয়না !

শঙ্কর। সেটা মিছে কথা বলনি দাদা, বুদ্ধি একটু পেটে দিয়েছিল বিধেতাপুরুষ। এখন ভগবান যদি মুখ ভুলে চায়, তবেই সব বুদ্ধি বুদ্ধি—নইলে হতবুদ্ধি ! হা বুদ্ধি—আর যো বুদ্ধি !

অনিল। (অর্জ-অচেতন) বীথি—তোমার অপমানের শোধ নিতে গিয়ে—ম'ম্মতে ব'সেছি ; তবু তুমি এম্নি অভিমান করে থাক্বে ! ম'রবার সময়েও তোমার দেখা পাবনা !

শঙ্কর। ও দাদা—দাদা, অমন করে ওসব কথা ব'ল্‌তি নেই দাদা ! সে এস্বে বৈকি ? এস্বে—একুণি এস্বে !

মুখার্জি। (সাক্ষেতিক চিহ্ন করিলেন) চপ চপ. মনে করিয়ে
দিওনা—ডিলিরিয়াম!

অনিল। কে—মুখার্জি? এস ভাই—বস! ডিলিরিয়াম না ভাই—
ডিলিরিয়াম না! .

অনিল। শঙ্করদা—তুমি এত ভাল কি ক'রে হ'লে? তুমি বোধ
হয় “রাজারাণী”র সেই শঙ্করদা! বুঝলে শঙ্করদা, রবিঠাকুর তোমায়
বাদ দেন্নি; তোমায় পেলাম “রাজারাণী”র ভিতর—অবিকল
তুমি; আরে? বুড়ো হয়েছ! আমি রাজা, বীথি রাণী—আর তুমি
আমাদের শঙ্করদা!

শঙ্কর বলিত—

“বন্দীভাবে কখনো দিওনা ধরা।

পিতৃসিংহাসনে বসি’

বিদেশের রাজা দণ্ড দেবে মোরে—

বিচারের ছল করি—সে কি সহ হবে?

তার চেয়ে মৃত্যু ভাল!”

শঙ্কর। চুপ কর দাদা, চুপ কর—আর ওসব কথা ব'লো না!

মুখার্জি। শঙ্করদা—শোন! (জনাস্তিকে) বাইরে একবার দেখে
এসো তো—একটা গাড়ীর শব্দ কানে এল।

শঙ্কর। বাই দাদা—দেখে আসি। হ্যাঁ, দাদা বাঁচবে তো?

মুখার্জি। সে কি আর ডাক্তারের হাতে দাদা—জানইতো সব!

(শঙ্কর নীরবে চলিয়া গেল)

অনিল। শঙ্করদা—!

মুখার্জি। একটু বাইরে গেছে ভাই—এখুনি আসবে।

অনিল। তুমি কে ?

মুখার্জি। আমায় চিন্তে পাচ্ছনা ভাই ! আমি তোমার বন্ধু—
Dr. Mukerji.

অনিল। Doctor—You are a doctor,? আমায় আজ
নাটকে পেয়েছে ভাই—বুঝেছ Mukerji ! I am histrionic, not
hysteric but histrionic, doctor !

“Canst thou not minister to a mind diseas’d,
Pluck from the memory a rooted sorrow,
Raze out the written troubles of the brain,
And with some sweet oblivious antidote
Cleanse the stuff’d bosom of that perilous stuff
Which weighs upon the heart ?”

মুখার্জি, এক সময় বেশ ভাল ছেলে ছিলাম—শেক্সপীয়ার মুখস্থ
ক’রেছিলাম ; এখন আর তেমন মনে হয় না ! ঘুম আসছে মুখার্জি,
আমার ঘুম আসছে ! বীথি যদি আসে, আমায় জাগিয়ে—ডেকে দিও ;
যেন আবার অভিমান ক’রে চলে না যায় !

মুখার্জি। না, বাবে না—তুমি ঘুমোও ভাই !

(শব্দর প্রবেশ করিল, মুখার্জিকে হাতছানি দিয়া এক পাশে ডাকিয়া লইল)

মুখার্জি। কি শব্দরদা—এসেছেন মিসেস চৌধুরী ?

শব্দর। হ্যাঁ—এসেছে ; এখুনি এখানে আসতে চায়—আনবো ?

মুখার্জি। এইমাত্র একটু তন্দ্রা গেছে—স্থায়ী তন্দ্রা না ; এখুনি
ভেঙে যাবে ; কান্নাকাটি করবেন না তো ?

শব্দর। কি জানি ? আচ্ছা দাদা, আমি ব’লে দিচ্ছি—বারণ ক’রে

দিচ্ছি। বাইরে থাক্চে বলে বরং কান্নাকাটি করবে! এখানে এনে বসিয়ে দিলে চুপচাপ ব'সেই থাক্বে!

মুখার্জি। আচ্ছা—নিয়ে এস।

(শঙ্কর চলিয়া গেল ; কিছুক্ষণ পরে শঙ্করের সঙ্গে
বীথি প্রবেশ করিল)

মুখার্জি। (অগ্রসর হইয়া—অভ্যর্থনা করিলেন) আশ্রন মিসেস
চৌধুরী! —নমস্কার!

বীথি। (অতি মৃদুস্বরে) নমস্কার!

[অতি সন্তুর্পণে ঘরের মধ্যস্থল পর্য্যন্ত গিয়া বীথি স্থির হইয়া দাঁড়াইল ; তারপর আরো
ধীরে ধীরে রোগীর পাশে গিয়া নিজের যোগ্য স্থানটীতে বসিল ; একটু পরে
অনিলের তল্লা ভাঙিল—অনিল একদৃষ্টে বীথির
মুখের দিকে চাহিয়া রহিল !]

বীথি। হ্যা—আমি এসেছি!

অনিল। আমি জান্তেম্, তুমি আসবে। আমার ভুল আমি
বুঝেছি, তোমার কাছে অপরাধ করেছি—সেই অপরাধের প্রায়শ্চিত্ত!

শঙ্কর। (বীথির কানে কানে) বেশী কথা বল'তে দিও না দিদি—
ডাক্তারের বারণ আছে।

[বীথি মাথা নাড়িল ; শঙ্কর চলিয়া গেল, ডাঃ মুখার্জি
ঘর ছাড়িয়া গেলেন !]

অনিল। কে?—আমাদের শঙ্করদা!

বীথি। চ'লে গেছে।

অনিল। ডাক্তার মুখার্জি?

বীথি । তিনিও বাইরে গেলেন এইমাত্র ; ডাকবো ?

অনিল । না—ওরা সবাই ভাল, বড় বড় করে। আমি সব বুঝি বীথি—দুই আর দুইয়ে চার হয় ! যদি কারো বুকের পাশ দিয়ে পাজরার হাড়গুলো ভেঙেচুরে bullet pass করে, সে মরে ;—তাকে বাচানো যায় না !

বীথি । তুমি ওসব কথা ব'লো না—তোমার পায়ে পড়ি ! আমি এখানে বসে আছি—তুমি ঘুমোও ।

অনিল । এখন আর ঘুমব না বীথি ! বতক্ষণ জাগতে পারি, জেগে থাকবো ; কদিন ঘুব ঘুমিয়েছি ! তোমায় যে কটা কথা বলার আছে, ব'লেগুনিই !

বীথি । বল !

অনিল । শোন বীথি ! তুমিও ছেলেমানুষ নও, আমিও ছেলেমানুষ নই—মিছে মনকে প্রবোধ দিয়ে না । মনে বল কর, জেনে রাখ—এরা আমার বাচাতে পারেন না ! আমি বড় ডাক্তার—আমি কি কিছু বুঝিনে ? মরবার আগে তোমার সঙ্গে দেখা না হ'লে বড় ক্ষোভ থেকে যেত !

বীথি । তুমি কেন এমন কাজ করলে ?

অনিল । তুমি কেন আমার ছেড়ে চ'লে গেলে ? আমার মরবার সম্ভাবনা আছে, তোমার প্রাণ এ কথা বুঝেছে—তাই তুমি এসেছ ; নইলে তুমি আস্তে না—আমি তোমায় পেতাম না !

বীথি । আমার সব অপরাধ ক্ষমা ক'রো । তখন তুমি কেন আমার যেতে দিলে ? কেন তুমি জোর ক'রে ব'লে না—“বীথি, আমি তোমায় যেতে দেব না—তুমি যেতে পাবে না !” আমি ভুল ক'রেছিলাম ব'লে তুমি কেন ভুল ক'রলে ?

অনিল। আমি ভুল করিনি বীথি ! সেদিন যদি তোমায় জোর করে ধরে রাখতাম—তোমায় আমি পেতাম না কোনদিন। আজ তুমি আপনি এসে ধরা দেছ। আজই আমাদের সত্যি মিলন !

(বীথি নীরবে কাঁদিতে লাগিল)

অনিল। বীথি, কেঁদো না ! শোন, তুমি চিরদিন জিতেছ—আমি হেরেছি ! সেদিন আমি হার স্বীকার করেছিলাম—কোন কথা বলিনি ; আজ আমার জিতবার দিন—তুমি দুঃখ করো না। আমি তোমার যোগ্য হয়েছি ; অযোগ্য হয়ে বেঁচে থাকার চেয়ে যোগ্য হয়ে মরে যাওয়া ভাল !

বীথি। তোমার পায়ে পড়ি, তুমি অন্য কথা বল ! বল, কি প্রায়শ্চিত্ত করলে আমি তোমার প্রাণদান পাব ?

অনিল। প্রাণের বদলেই তো তোমায় পেলাম বীথি ! আমার প্রাণদান আর পাবে না—কেউ দিতে পারবে না, শিবের অসুখ্য ! শোন, তোমায় বলি—আমার সম্বন্ধে লোকে অনেক কথা ব'লবে। খবরের কাগজে বেরিয়েছে—আমি মদ্যপান করে একজন ইংরেজ-মহিলাকে পশুর মত আক্রমণ করি—brutally assaulted an english lady !

বীথি। আমি ও কথা শুনতে চাইনে ! তুমি কোন কথা ব'লো না—স্থির হও।

অনিল। তোমায় সব কথা না বললে স্থির হ'তে পাচ্ছি কই ? শোন বীথি—আমার মিনতি : আমি বুকুতে পাচ্ছি, তোমার কষ্ট হচ্ছে—তা হোক !

বীথি। তোমার যে কথা কইতে নিষেধ আছে !

অনিল। মুখার্জি বারণ করেছে ? আমি senior medical

officer, আমি ওর বারণ শুনবো কেন ? আমি ম্যাকিন্টাসকে পিস্তল বল্লম—তোমার জন্তে আমার স্ত্রী চ'লে গেছেন ; তুমি আমার স্ত্রীকে অপমান ক'রেছ—আমি প্রতিশোধ নেব ; fight with me or I carry away your wife. লোকটা ভয় পেয়ে আমার গুলি ক'ন্সলে ! তারপর নিজে বাঁচবার জন্তে বটিয়ে দিলে—brutally assaulted my wife !

বীথি । একেই তো তুমি একদিন বড় বন্ধু ব'লে জেনেছিলে !

অনিল । বীথি, আমি অমাতারী—কিন্তু দুশ্চারিত্র নই ! আমি যখন থাকবো না, তখন এই কথাটা মনে ক'রো—আমি তোমায় ভালবেসেছি ! শুধু তোমাকেই ভালবেসেছি—আর কাউকে না । সেদিন ভেবেছিলাম—বুঝি club-life ভালবাসি ; তুমি চ'লে গেলে বুঝেছি—তুমি আমার কে ? তোমার বড় কষ্ট হ'চ্ছে বীথি, সমস্ত রাত ট্রেণে জেগে এসেছ—third classএ এসেছিলে বোধহয় ? শঙ্করদা !

বীথি । আমার জন্তে তুমি ভাবনা ক'রো না—আমি ঠিক আছি ।

অনিল । কই ঠিক আছ ? তোমার চোখমুখ শুকিয়ে গেছে—নাওয়া হয়নি, খাওয়া হয়নি, তার উপর দুর্ভাবনা । শঙ্করদা !

বীথি । তুমি অত জোরে ডেকো না—আমি শঙ্করদাকে ডাকছি । কি দরকার বল ?

(শঙ্কর প্রবেশ করিল)

শঙ্কর । কি দিদিমণি ! অতো জোরে ডাকতে আছে কি দাদা ? চাড় লেগে যদি রক্ত পড়ে !

অনিল । হ্যাঁ শঙ্করদা—তোমার দিদিমণির নাওয়া খাওয়ার ব্যবস্থা ক'রে দাও । দেখতে পাচ্ছ না, মুখ শুকিয়ে গেছে ? তুমি যাও বীথি—

মান করগে ; তারপর একটু বিশ্রাম ক'রো । আমি আজ ম'রবো না—
এখনো দেবী আছে ; তোমার আগে ব'লবো ! .

বীথি । আমি কোথাও যাব না, কিছু ক'রবো না : তুমি তো আমার
সবই কেড়ে নিচ্ছ—ওটুকু দরদ আর দেখিয়ে না । আমি ঠিক আছি—
ঠিক থাকবো । শঙ্করদা, তুমি ঘর থেকে চলে যাও ।

(শঙ্কর চলিয়া গেল)

বীথি । (স্বামীর পা ধরিয়া) বল, কি করলে তুমি বাচবে ?—আমি
তাই ক'রবো । আমি উপোস করতে পারি, কাঁদতে পারি, ভগবানের
কাছে প্রার্থনা ক'রতে পারি !

অনিল । সত্যি কি তোমার প্রার্থনায় বিশ্বাস আছে বীথি ? যদি
থাকে—প্রার্থনা কর, আমিও মরতে চাইনে । আমি বাচতে চাই,
বাচতে চাই—পার আমায় বাচাতে ? ডাক তোমার ঠাকুরকে—
যদি ঠাকুর কেউ থাকেন ! আমি তোমায় পেয়েছি, আমি
বাচতে চাই ; পারতো সাধিত্রীর মত তোমার মরা স্বামীকে
বাচাও বীথি !

তৃতীয় দৃশ্য

[ভবানীর স্বপ্নর-বাড়ী ; ভবানী এবং ভবানীর বাপের বাড়ীর

নটবর দাসের মেয়ে শান্তি]

ভবানী । তুই এখানে কোথেকে এলি শান্তি ?

শান্তি । বন্তিছি—তা এক ঘটা ঠাণ্ডা জল খাওয়াতি পার
পিসি ?

ভবানী । এনে দিচ্ছি—তুই বস্ মা ! একটু জিরো, বড্ড কষ্ট
হ'য়েছে ?

শান্তি । তা একটু হ'য়েছে পিসি !

[ভবানীর গ্রন্থান ।

(নিস্তারিণীর প্রবেশ)

নিস্তারিণী । তুমি কে গা বাছা ?

শান্তি । এই পিসিমার বাপের বাড়ীর দেশের মানুষ ।

নিস্তারিণী । তত্ত্ব নিয়ে এসেছ বুঝি ? বাপ-মিন্‌সে বুঝি মেয়ে-
জামাইয়ের জন্তে পূজোর তত্ত্ব পাঠিয়েছে ?

শান্তি । না মা—আনি তত্ত্বতাবাস ক'রতি আসিনি । কাকীমা
ব'লে দিয়েলো—তাই ভাব্‌লাম, একটু চোখের দেখা দেখে যাই ।

নিস্তারিণী । তা এয়েছ এয়েছ—বেশ ক'রেছ ; শেষ যেন ঘটাটে
বাটাটে নিয়ে স'রে প'ড় না বাছা ! আমার অগোছাল সংসার—চারদিকে
বাসনপত্তর থৈ থৈ ক'রছে ।

[নিস্তারিণীর গ্রন্থান ।

শান্তি । সে কি মা, আমরা গরীব লোক বটে—তাই ব'লে কুটুম বাড়ী এসে চুরিচামারি ক'রবো, এমন কথা কেউ বল্‌তি পারে না ।

নিস্তারিণী । (নেপথ্যে) ওরে ও পেঁচো, জিনিষপত্তরগুলো সব গুছিয়ে গাছিয়ে রাখ্—বাড়ীতে চোর-ছেঁচড় আনাগোনা ক'চ্ছে ।

(ভবানীর এক ঘটা জল লইয়া পুনঃ প্রবেশ)

ভবানী । এই নে রে শান্তি—ঘরে একটু গুড়ও নেই মা, যে তাই হাতে দিয়ে জলটুকু দিই !

শান্তি । গুড় থাক্—শুধু জলই দাও' পিসি । তা হ্যাঁ পিসি, উনি কেডা ? (জল খাইল) আমার এসে ব'লে গেল, ঘট্টে বাট্টে নিয়ে যেও না !

ভবানী । ওঁর কথায় কান দিয়ো না মা—আমার শাস্তি । তুমিও এখানে বেশীক্ষণ থেকো না ; দুইএকটা কথা জিজ্ঞাসা করি, উত্তর দিয়ে মানে মানে চ'লে বাও ।

শান্তি । উনি তোমার শাউড়ী ? তাই তোমার এই দশা ! কাপড়খানা যে বড্ড ময়লা আর বড্ড ছিঁড়ে গেছে পিসি ?

ভবানী । হ্যারে—বৌদি, বাবা—সব কেমন' আছেন ? ছোড়দার কোন খবর পেয়েছেন ? আমার বীথি-মা বৌদিকে চিঠিপত্তর দেয় ? হুইই বা এত খবর কোথায় পাবি !

শান্তি । কাকীমা আর দাদাঠাকুর আছেন একরকম ভালয়-মন্দয় । কাকীমার রোজ জ্বর হয় । দাদাঠাকুর বোধহয় একটীবার তোমায় দেখ'তি আসবে । আমি বক্সীগঞ্জর মেলায় গঙ্গাছানে আসবো বল্লাম কিনা ; তাই শুনে কাকীমা বল্লে—“বাচ্চিস যদি মা, তা একবার তোর পিসিকে দেখে আসিস্ । বাবা কবে যেতে পারবেন, ঠিক তো নেই” । তোমারে এই

টাকাডা দিয়েছে—আর এই পাঁচপো শালিধানের চাল দিয়েছে, পায়েস ক’রে খেও। ইঁা পিসি, তুমি কাঁপতেছ যে—তোমার খাওয়া হয়নি নাকি ? পিসেমশায় ক’নে গেলেন ?

(ভবানী কাঁদিয়া ফেলিল) .

শান্তি । কি হয়েছে পিসি ?

ভবানী । যা দেখে গেলি, বৌদিকে কোন কথা বলিস্নি । তার নিজের জ্বালাতেই সে অস্থির—তার উপর আমার ভাবনা ভাবে ।

শান্তি । পিসেমশায় ক’নে গেছে—তাতো বল্লেন না পিসি ?

ভবানী । আজ দু’দিন হ’ল বাড়ী নেই ! শাশুড়ী আমায় পৃথক করে দিয়েছেন—আর এই দু’দিন তোমার পিসেমশায়ও দেখা নেই ! আমায় বল্লেন—“আমি দু’পয়সা রোজগারের চেষ্টায় চল্লাম” ।

শান্তি । তা তোমায় তোমার বাপের বাড়ী রেখে এলেই তো পাড়ো । আমি বুকুতে পারতিছি পিসি, এ দু’দিন তুমি কিছু খাওনি—তোমার চোখমুখ শুকোয়ে গেছে, গা-হাতপা কাঁপছে ! তোমার পায় পড়ি পিসি, তুমি তাড়াতাড়ি দুটো ভাত চড়ায়ে দাওগে !

ভবানী । যাচ্ছি মা ; তুই যখন চালকটা এনেছিস্—তখনি বৃকেছি মা, ভগবান অনাহারে মারবেন না !

শান্তি । যাও মা—আগে যাও ; তারপর কথা কইবে ।

ভবানী । ভগবান তোকে পাঠিয়েছেন—তোর কথাই শুনি । নিজের উপর বড় ঘেঁষা হয়েছিল শান্তি ! তুই দুটো খেয়ে যাবি মা ?

শান্তি । না—মা, আমি এক্ষুণি যাব । তোমাদের এই বামনপাড়া ছাড়ায়ে ওই বড় পদ্মদীঘি, তার ধারে আমাদের দল—মেয়েপুরুষে প্রায়

কুড়ি জন—আমাদের সব রান্না চ’ড়েছে। তোমার জামাই আছে, আমার দুই নোনদ—আরো সব আছে মা! তুমি যাও মা—তোমায় দু’টো খাওয়ায়ে তবে আমি এখান থেকে বাব মা! তুমি যাও—আমি বস্‌তিছি।

[ভবানী রান্না ঘরের দিকে গেল।

(নিস্তারিণীর পুনঃ প্রবেশ)

নিস্তারিণী। হ্যাঁগা—তুমি কেমন দারামেয়ে গা বাছা! ওঠ’বার নাম ক’ছোনা যে—ঘুনিয়ে ঘুনিয়ে ক্‌স্‌ফাস্‌ ক’রে বাড়ীর বোয়ের সঙ্গে কথা কইছ? কি, কিছু কুমতলব আছে নাকি?

শান্তি। তা হ্যাঁ মা—তুমি আমারে এত কথা বল্‌তিছ কেন, বলতো! আমি তোমার কি পাকা ধানে নই দিছি? বাপের বাড়ীর দেশের মানুষ—চেনাশোনা আছে, তাই দু’দণ্ড ব’সে স্তম্ভভংগের কথা বল্‌তিছি! তা তুমি এত রাগ ক’ছো কেন মা?

নিস্তারিণী। তবে রে ছাপানজাদী—যত বড় মুখ নয়, তত বড় কথা? আমার বাড়িতে ব’সে আমার মুখের উপর চোপা!

শান্তি। ওমা—এ কিরকম মানুষ গা! এ যে গায়ে প’ড়ে গাল দেয়!

নিস্তারিণী। বেরো আমার বাড়ী থেকে—বেরো নচ্ছার মাগী!

(ভবানী আসিলেন)

ভবানী। শান্তি বাড়ী যাও মা, এখানে থেকোনা—আমার যেমন কপাল!

শান্তি। তুমি যাও মা, ভাতকটা চড়ায়ে দাও; তুমি এখানে এস না। আমি তোমার শান্তুড়ীর সঙ্গে বোঝাপড়া কর্‌তিছি। তুমি

ঘাও মা—ঘাও ; তোমার পায় পড়ি পিসি—তুমি এখানে দাঁড়িয়ে থেকে না ! আমি কৈবর্তের মেয়ে, উনি তো আর আমারে অপমান ক'ত্তি পারবেনা !

[ভবানী আবার ভিতরে গেল ।

নিস্তারিণী । তুই আমার সঙ্গে কি বোঝাপড়া করি শুনি ?

শান্তি । তোমার কোন কথা শোনবো না—এখানে গ্যাট হ'য়ে বইসে থাকবো ।

নিস্তারিণী । গ্যাট হ'য়ে ব'সে থাকবে ! ওরে আমার আফ্লাদীরে, আফ্লাদ যে আর ধরে না !

শান্তি । তা হ্যাঁ—ঠান্দি ! তুমি যখন পিসির শাশুড়ী, তোমায় ঠান্দি ব'লেই ডাকি ; তোমার বাক্যসাক্ষি গুণো এরকম কক্কশ কেন—বল্ভি পার ? তোমার মা ব'ঝি এঁতুড়ে তোমার মূয়ে একটু মধুও দেয়নি ?

নিস্তারিণী । বাপের বাড়ী থেকে লোক আনানো হ'য়েছে আমার অপমান ক'র্তে ! সুরো বাড়ী আসুক—মজা দেখাচ্ছি ! সে তোর সোয়ামী কি আমার পেটের ছেলে—তাই একবার দেখবো ।

[প্রস্থান ।

শান্তি । না—এমন বেয়াড়া মানুষ তো কখনো দেখিনি মা ? এ ভাল কথায়ও চটে, মন্দ কথায়ও চটে—দূর হ'ক্গে ছাই ! ও পিসিমা !

(ভবানী প্রবেশ করিলেন)

ভবানী । কেন মা !

শান্তি । এই শাশুড়ী নিয়ে তুমি কেমন ক'রে ঘর কর গা পিসি !

ভবানী । ঘর আর ক'রতে পারলোঁম কই—আমায় তো পৃথক ক'রে দিয়েছেন !

শান্তি । কি জানি বাছা—তোমার এই শাশুড়ীর অস্ত্র পালাম না পিসি ! উনি মিষ্টি কথা ব'লেছেন কখনো ? যাক্—তুমি ছুটো চড়ায়ে দেছ তো ?

ভবানী । দিইছি তো—এখন দেখি, বরাতে কি আছে !

শান্তি । আমি তা'হলে চল্লাম পিসি ! আমি থেকে আর ওনার রাগ বাড়াবো না । পিসেমশায় বাড়ী এলো তোমার নামে আবার দশ কথা নাগবে—তার চেয়ে আমিই ভালয় ভালয় বিদেয় হই !

ভবানী । 'হ্যাঁ—আমার ছুঃখু তে' আছেই । তুই এসে শুধু শুধু অপমান হলি ! যাক্,—তবু তুই এ'সেছিলি, তাই !

শান্তি । তোমায় খাতি দেয় না পিসি ?

ভবানী । চুপ্ চুপ্—গুন্তে পাবেন ! উনি বাড়ী থাকলে খেতে দেন, উনি না থাকলে—

শান্তি । বল কি পিসি !

ভবানী । যাক্, তুই যেন আর এসব কথা বাবাকে বৌদিকে জানানু নে !

শান্তি । তা হ্যাঁ পিসি—তোমার স্বশুর নেই ? সে মিন্সে কিছু বলে না ?

ভবানী । তিনি সকাল সকাল খেয়ে চাকরিতে বেরিয়ে যান ; আসেন সেই রাত্তির ন'টা তার নাম ! তার উপর, তিনিও কি আর শাশুড়ীর মুখের উপর কথা ব'লতে পারেন !

শান্তি । আমি কাকীমারে সব কয়ে দেব । তুমি যদি এখানে থাক, তুমি মারা পড়'বা পিসি !

ভবানী । না মা—তুই বলিস্ নে ! তুই আর এখানে থাকিস্নে—চ'লে যা মা ! আমার বরাতে যা হবার হবে !

শান্তি । আচ্ছা পিসি, তাহ'লে পায়ের ধূলা দেও !

ভবানী । তুই আমার চাল এনে দিলি—টাকা এনে দিলি ; আর দুটো দিনও যদি বাঁচি, তোর জন্মেই বাঁচবো ; আর আমি এমন হতভাগি যে, একটা পাণ দিয়ে তোরে আপ্যায়িত ক'রতে পার্লেম না । আমার কোন জিনিষে হাত দেবার উপায় নেই।

শান্তি । তা পিসেমশায় কি চোখ খুলে কিছু দেখেনা—না মুখ তুটে কিছু বলে না ?

ভবানী । উনি আর কি খুবেন—উনি কি নিজে কিছু রোজগার করেন যে, তাঁর কথা থাকবে ?

শান্তি । আহা না—তোমার কাছ থেকে বাতি ইচ্ছে করে না ! তোমার বরাতে খোয়ার আছে অনেক !

ভবানী । একএকবার ভাবি, যদি ছোড়দার কথা শুনে তখন ছোড়দার সঙ্গে কল্কাতায় গিয়ে লেখাপড়া শিখতাম—নিজের ভাতের যোগাড় অন্ততঃ নিজে কর্তে পারতাম । বরাতে রয়েছে এই সব—আমি না বলি হবে কি !

শান্তি । যাই পিসি, আর দাঁড়াব না—তোমার জামাই আবার খোঁজ ক'রতি না আসে ।

[প্রস্থান ।

[শান্তি চলিয়া গেলে ভবানী ঘরের ভিতর গেল—নিস্তারিণী একবার স্থানটি ঘুরিয়া গেলেন]

নিস্তারিণী । বাপের বাড়ীর লোকের কাছে সংসারের অন্ধক জিনিষ—চাল, ডাল সব হা'ঘরে বাপকে দিলে তো পার্টিয়ে ? গেল কোথায় সে পাজী বেটা—আজ ছ'দিন ধ'রে পোড়ারমুখের দেখা নেই ! লক্ষী বোয়ের গুণাগুণ নিজের চোখে এসে দেখুক ; কিছু ঘরে রেখে শান্তি নেই গা—

একটা না একটা ছুতো ক'রে হা'ঘরের মেয়ে সব বাপের বাড়ী ঢেইয়ে দিলে ! এ সংসারে ছিরি হবে—না লক্ষ্মী বাস বাধবে ? এমন অলক্ষুণে খোলাবাজারে বোও দেখিনি ! মাথার উপর শাউড়ী থাকতে এই ?—যখন গিন্নী হবেন, তখন উড়ে প'ড়বে !

(ভবানীর প্রবেশ)

ভবানী । মা, আপনি তো জানেন—আমি সংসারের কোন জানিসে হাত দিইনে ?

নিস্তারিণী । তা দেবে কেন ? এসব ছোটলোকের বাড়ীর জিনিষ—তুমি বেলেস্তারা সায়েবের বোন, বড় নোক ! তুমি কোনো জিনিষে হাত দিলে তোমার হাত ময়লা হবে যে—এই দাসীবাঁদী আছে, সেট ক'রবে ; তুমি টাটের ঠাকরুণ হ'য়ে বসে থাক ! সুরো আমুক—এসে তোমার পূজা আকৃতি সব করবে এখন !

ভবানী । আমি কি করবো, বলতে পারেন মা ? কোন জিনিষ-পত্র তো আমার ছুতো দেবেন না ; এদিকে চুপ ক'রে ব'সে থাকলে—তাও বকবেন !

নিস্তারিণী । এই বরসে তোমার ছোঁওয়া-নেপা জিনিষ খেয়ে কি শেন জাতটা খোয়াব ? যেমন মেলেচ্ছ সংসারের মেয়ে—তেমনি কি তোমার আচরণ !

ভবানী । আমি মেলেচ্ছ সংসারের মেয়ে ! আমার বাবা—

নিস্তারিণী । থাক—আর বাবার গুণ গাইতে হবে না ! বাবার যা গুণাগুণ তা মেয়েতেই পেরকাশ্ । ফস্ফাস্ ক'রে কি কথা ইচ্ছিল—ঐ ছোটনোক নচ্ছারনী মাগীটার সাথে ? আমরা বুঝি, সব বুঝি—আমার চোখে ধুলো দিতে পারবে না বাছা ! সাবাস্ বুকের পাটা—বোয়ের

ধন্তি পিসুবিত্তি ! ভদ্রলোকের বো—হেসে হেসে ওর গায়ে ঢ'লে প'ড়ে ওসব কি কথা ! ভাব্ছ বুড়ী-মাগী—ও আবার কি বুঝবে ? সুরো বাড়ী আসুক, অনুক ঘোষাল ফিরুক বাড়ীতে—তোমায় এক কাপড়ে এবাড়ী থেকে বিদেয় ক'ন্নবো !

ভবানী । হ্যাঁ মা—আপনি কি বলছেন ? ও আমার বাপের বাড়ীর নটবর দাসের মেয়ে ! আমাদের বাড়ীর পাশে ওদের বাড়ী—ওরা বেশ ভাল গেরস্ত ।

.. নিস্তারিণী । চের দেখেছি নটবর দাস—তুই আর আমায় নটবর দেখাসনে এ বয়সে ! কালকের মেয়ে, গলা টিপলে দুধ বেরোয়—উনি আমায় বলেন নটবর !

[প্রস্থান ।

[ভবানী সেইখানে খানিকক্ষণ চুপটী করিয়া বসিয়া রহিল ; একটু পরে বাড়ীর ভিতরের দিক হইতে আসিল সুরেশ ; ভবানী তখন কাঁদিতেছিল]

সুরেশ । ভবানী !

ভবানী । তুমি এসেছ ? আঃ বাঁচ্লেম ! কোথায় ছিলে ছ'দিন ?

সুরেশ । বলছি—তুমি কাঁদছিলে নাকি ?

ভবানী । না কাঁদিনি !

সুরেশ । হ্যাঁ—কৈঁদেছ বইকি । মা ব'কেছিল ? ও আর উপায় নেই—সইতেই হবে । তোমায় খেতে দিয়েছিল এ ছ'দিন ? বল না—আমার কাছে বলতে দোষ কি ?

ভবানী । সে অনেক কথা—তোমার শুনে কাজ নেই । তুমি কোথায় ছিলে ?

সুরেশ । তোমায় তো ব'লেই গিয়েছি—কাজের চেষ্টায় ?

ভবানী । হ'ল কোন কাজকর্ম ?

সুরেশ। একবার কলকাতায় যেতে পারলে চেষ্টা দেখতে পার্ভেন।
ও উল্লেখে কি ?

ভবানী। দুটো ভাত চড়িয়েছি। তোমায় বলি, না বলেই বা
উপায় কি ? পরশু থেকে মা আমায় পৃথক্ ক'রে দিয়েছেন !

সুরেশ। পৃথক্ ক'রে দিয়েছেন ! চালডাল দিয়ে পৃথক্ ক'রেছে—
না শুধু ঘর দেখিয়ে দিয়েছে ?

ভবানী। না—এমনি !

সুরেশ। তুমি কিছু খাওনি ?

ভবানী। মা আমায় খেতে ডাকেন না ?

সুরেশ। তুমি নিজে বেড়ে খেলে না কেন ? এমন বোকা !

ভবানী। আমায় রান্নাবরে চুকতে দেন না—তারপর সবার খাওয়া
হ'লে রান্নাবরে চাবি লাগিয়ে শুতে যান।

সুরেশ। তোমার বাবাও তো একবার এলে পার্ভেন, তাঁর সঙ্গে
তোমায় পাঠিয়ে দিতাম ? নাঃ—এ সব সমান !

ভবানী। তিনি নিজের জালায় অস্থির—তাঁকে আর জালাতন
ক'রবো না !

সুরেশ। তাঁকে জালাতন না ক'রে আর উপায় কি ? দেখলে
তো ?—আমি তোমায় আগেই বলেছি, আমার মায়ের মন—ও নরম
হবার মনই না ! আমার বাবা কোনদিন পার্ভেন না তো তুমি ! বাক্—
আজ চাল কোথায় পেলো ?

ভবানী। বউদি পাঁচপো শালিধানের চাল পাঠিয়ে দেছে আর
একটা টাকা !

সুরেশ। বাক্—তবু দুটো দিন চ'লবে ! কাকে দিয়ে পাঠিয়েছেন
বৌদি ?

ভবানী। নটবরদা'র মেয়ে শাস্তি এসেছিল বক্সীগঞ্জের মেলায় গঙ্গা নাইতে—সেই নিয়ে এল।

সুরেশ। তোমার ভাত বোধহয় হ'য়েছে এতক্ষণ। বাও—দুটো খেয়ে নাওগে।

ভবানী। তুমিও তো কিছু খাওনি ?

সুরেশ। আমি খেয়েছি—আমার জন্তে তোমার ভাবতে হবে না !

ভবানী। না—তোমার খাওয়া হয়নি !

সুরেশ। বলছি খাওয়া হ'য়েছে—তবু বলে না হয়নি, তোমার আর নকুতো ক'রতে হবেনা—বাও !

ভবানী। তুমি সত্যি খেয়েছ ?—আমার মাথার দিব্যি !

সুরেশ। এতদিনেও তুমি আমায় চিন্লে না ভবানী ! আগে নিজে না খেয়ে তোমার খাওয়ার জন্তে ব্যস্ত হব—এতখানি নিঃস্বার্থপর আমায় দেখেছ কোনদিন ?

ভবানী। কি জানি, আজ যেন আমার মনে হ'চ্ছে—তোমার খাওয়া হয়নি ! (হাত ধরিয়) এস, ওই ভাতেই দু'জনের হবে—তুমি আগে খেয়ে নাও !

সুরেশ। ভবানী—আর লজ্জা দিয়ো না আমায়। মায়ের গঙ্গনায় আমি বাড়ী থেকে চ'লে গিয়েছিলাম। তোমার কি দশা হবে ভাবিনি—আজও ভাবতেম না ! তুমি বাও লক্ষ্মীটী—খেয়ে নাও। আজ যখন বিধাতা মাপিয়েছেন—আজকের দিন্টে খাও। আমার হাতে যখন প'ড়েছ, ভবিষ্যতে অনেক উপোস ক'রবার সুযোগ পাবে—কোন চিন্তা নেই !

ভবানী। তুমি যেন মাকে বলো না বউদি চাল পাঠিয়েছে !

সুরেশ। আমি কিছু বলবো না—তুমি বাও !

[ভবানী চলিয়া গেল।]

কুঞ্জ। (নেপথ্যে) দা'ঠাকুর, দা'ঠাকুর—

স্বরেশ। কে রে!

(কুঞ্জলাল দণ্ড সাজিয়া প্রবেশ করিল)

কুঞ্জ। দা'ঠাকুর—! (হাসিতে লাগিল)

স্বরেশ। কে রে, কুঞ্জ বেটাচ্ছেলে বুঝি!

কুঞ্জ। হ্যা—দা'ঠাকুর!

স্বরেশ। তুই এ কি সেজেছিস্?

কুঞ্জ। অঁছে—সণ্ড সেজেছি দা'ঠাকুর! গঙ্গাচ্ছানের মেলায়
গাওনা কত্তি যাচ্ছি। একখানা নতুন গান পেখেছি! ভাবলাম দা'ঠাকুর
বখন আমার ওস্তাদ—দা'ঠাকুরকে একবার শুনিয়ে যাই। গানখানা
শরি তাহলে দা'ঠাকুর?

স্বরেশ। ধর!

(কুঞ্জলালের গান)

তোমায় বলিহারি গঙ্গাধর!

আপনি তুমি দিগধর;

তোমার পরণে জোটে না টেনা—

(তুমি) সাজলে গিয়ে বিয়ের বর!

তোমারে যে নেয়ে দেয় সে

তোমার বাড়ি আহান্ধুগ!

তুমি নেশার ঘোরে বিভোর হ'য়ে

চেয়ে দেখলে নাকো বোয়ের মুখ।

(বউ) চ'লে যেতে চ'লে পড়ে

অঙ্গ কাঁপে থরথর ॥

(তোমার) অন্ন দেবার নেইকো মুরদ

তুমি ব'সে ব'সে ভাব খালি!

সোনার-বরণ গৌরী তোমার

অন্ন বিনে হ'ল কালি ;

তুমি শিক্ষের বুলি কাঁখে নিয়ে

শূন্তহাতে ফিরলে ঘর ॥

সুরেশ । ওরে বেটা, এই তোমার কীতি ?—তুমি আমার গালাগাল দিয়ে গান বেঁধেছ !

কুঞ্জ । কেন দা'ঠাকুর, তুমি গা পেতে নেছ ?

সুরেশ । বেরো, বেরো বেটা—দূর হ !

কুঞ্জ । একটা পয়সা ?

সুরেশ । যা গান গেয়েছ, তোমায় মোহর দেব'খন !

[ভাবানী ঘোমটা দিয়া একখানা রেকাবীতে কিছু চা'ল

ও পয়সা আনিয়া দিল]

কুঞ্জ । এই দেখ, আমার লক্ষ্মী বোঁঠাকুর—চাল, পয়সা এনে দিয়েছেন !

[ভাবানীর প্রস্থান ।

*(কুঞ্জলাল প্রস্থানোক্ত)

সুরেশ । এই কুঞ্জ—কুঞ্জ, একটা কথা শুনে যা বেটা !

কুঞ্জ । কি দা'ঠাকুর ?

সুরেশ । এদিকে তো গুরু বলছি, ওস্তাদ বলছি—গাওনা ক'রে যা পাবি, গুরুদক্ষিণে হিসেবে কিছু বখ রা দিয়ে যাবি—বুলি ?

কুঞ্জ । যদি পাই দা'ঠাকুর—সে এখন তোমার আশীর্বাদ আর আমার হাতবশ !

[হাসিয়া প্রস্থান ।

.(নিস্তারিণীর প্রবেশ)

নিস্তারিণী । ওখানে ব'সে কেঁরে—সুরো ?

সুরেশ । হ্যাঁ মা—আমি !

নিস্তারিণী । কোন্‌ চুলোয় ছিলে এতটো দিন ?

সুরেশ । কত চুলো ঘুরে দেখলাম, কোনো চুলোয় কিছু নেই !

নিস্তারিণী । এবার যখন যাবে, বউটীকে ঘাড়ে ক'রে নিয়ে যেও বাপু ! ঐ তো চেহারা, কুঁয়ে ওড়েন ! আমার উপর রাগ ক'রে আমার ভাত খান্নি দুদিন ; কে বাপু, বুড়ো মেরে শ্বনের দায়ী হবে ?

সুরেশ । তোমার ওপর রাগ করে ?—রাগের কারণ ?

নিস্তারিণী । আমি ব'লেছিলাম, তুমি বাপু হেঁসেলে গিয়ে সবছোঁওয়া-নেপা ক'রোনা ; এই আর যাবে কোথা—বউ দুদিন খেলেন না, উঠলেন না—দিনরাত শুয়েই আছেন ! আমিও আর ডাকিনি—আমার ব'য়ে গেছে !

সুরেশ । বেশ ক'রেছ মা—ভাল কাজ ক'রেছ !

নিস্তারিণী । অত্নায় আমার সয়না—বাছা ! কর্তা নিজে 'কত সাধাসাধি করলেন—তবু বৌ উঠে ভাত খেলেন না !

সুরেশ । বটে ? আচ্ছা মা, কি করা যায় বলতো এ বউ নিয়ে ?

নিস্তারিণী । বোয়ের গুণাগুণ আরো শোন—

সুরেশ । আর শুনতে হবেনা না—আমি সব বুঝতে পাচ্ছি !

নিস্তারিণী । তুমি কিছু বুঝতে পাচ্ছনা । তুমি বুঝলে কি আর আজ তোমার এ দশা হয় ? তুমি একটা ভারতছাড়া গাড়োল !

সুরেশ । 'ভারতছাড়া গাড়োল' ! বাঃ, মার গালাগালগুলি খাসা পষ্ট, বেশ চমৎকার বোঝা যায়—অর্থাৎ এমন একটা গাড়োল, যা ভারতবর্ষে পাওয়া যায় না !

নিস্তারিণী । তুমি বুঝবে কোথেকে ? তোমার কি আর বুদ্ধি-

শুধি কিছু রেখেছে ! স্বস্তুরবাড়ী থেকে ওম্মদবিষদ পাঠিয়ে গুণজ্ঞান ক'রে তোমায় একটা জন্তু বানিয়ে ছেড়ে দিয়েছে !

সুরেশ । ঠিক কথা মা, তুমি ঠিক ধাঁরৈছ । দেখ, এইবার বেঁ আনার পর থেকে আমাব কিরকম রোজ দু'টো ক'রে বাস খেতে ইচ্ছে করে—আর চার পায়ে চলতে ইচ্ছে ক'রে !

নিস্তারিণী । তোমার বাস খাওয়াই উচিত ! তোর চোখের ওপর বউ সাত গাঁয়ের পুরুষের সঙ্গে আড্ডা দিয়ে বেড়ায়—আর সেই বউ নিয়ে তুই ঘর করিস্ ? তেঁর হায়া'আকেল কিছু আছে—দ্বাঁরে অলপ্পয়ে !

সুরেশ । মা—আস্তে আস্তে ! তিনতিনটে উপোষের পর মানুষটি খেতে বসেছে—উঠে প'ড়বে ? একটু থাকনা ; খাওয়ার পর আমরা দু'জনে মিলে দেখে নেব—ও কত বড় বোঁ ! আমাদের কাছে চালাকি !

নিস্তারিণী । খেতে বসেছে ! ওর কোন্ বাবা খাবার পাঠাল ?

সুরেশ । একটা মাত্র বাবা তার বাবার বাড়ীতেই আছে ; বিশ্বস্তহুতে খবর পাওয়া গেল, সেইখান থেকেই চালটে এসেছে !

নিস্তারিণী । ওই কথা তোমায় বঝিয়েছে ? আঃ বুদ্ধির ঢেঁকী ! তা নইলে তোমার এ দশা হয় ? খোঁজ ক'রে দেখ্গে—ওর কোন ভাবের মানুষ দরদ ক'রে খাবার পাঠিয়েছে !

সুরেশ । (সক্রোধে) চুপ কর মা—তোমার পায়ে পড়ি, এখন ওকণা থাক্ ! বলছি তো, পাঁচ মিনিট পরে যত পার ব'লো—এখন চুপ কর !

নিস্তারিণী । মার ওপর যত তখী ! আর তোর বুকের ওপর বসে দাড়ি ওপড়াচ্ছে—তারে কিছু বলতে পারিস্নে ? আয়—বরের ভিতর আয় । আমার সামনে—তোর পা ছুঁয়ে দিবি গলে বলুক !

সুরেশ । চল—যা হবার হ'য়ে যাক্ ; আমরাও আর সয় না !

(উভয়ে ভিতরে গেল)

নিস্তারিণী । বল—আমার ছেলের পায়ে হাত দিয়ে পল্ হারামজাদী !
শুশ্রূষাবাড়ীর ভাত বড় তিত্তা, আর এই ভাত বড় মিষ্টি—কেমন ?

ভবানী । মা, আমি তোমার কি ক'রেছি মা ! এমন ক'রে
আমার সর্বনাশ কেন ক'চ্ছ মা !

সুরেশ । তুমি ওঠ ওঠ—আর তেমনায় ভাত খেতে হবে না ! ওঠ—
বাজ তোমায় এখান থেকে বিদেয় ক'রে এসংসারে আশ্রয়ন ধরিয়ে
দিয়ে যে দিকে ছুচোখ বাবে, সেই দিকে বাব । ওঠ !

[ভবানীর হাত ধরিয়া টানস—বেকায়দার লাগয়া ভবানীর দেহ কাপতেছিল ,
সে পড়িয়া গেল—ভাতের খালি মাথা কাটিল]

ভবানী । উঃ উঃ উঃ—মাগো !

[বারকরেক গোড়ানি ও মা. মা. শব্দ ; তারপর রক্তবমন ও হৃদপিণ্ডের ক্রিয়া বন্ধ]

সুরেশ । ভবানী, ভবানী, ভবানী !

নিস্তারিণী । এ কি হ'লরে সুরো ? এ যে কথা কয় না—আবার
হট্‌কিলিমি ক'রে মুখ দিয়ে রক্ত বার্ম করলে যে রে !

সুরেশ । ও দেখতে হবে না আর ; হ'য়ে গেছে—চ'লে এস !

নিস্তারিণী । কি হ'য়ে গেছে ?

সুরেশ । হ'য়ে গেছে, হ'য়ে গেছে—চ'লে এস !

সুরেশ । যাও, তোমার ঘরে যাও—শুয়ে পড় গে ; শীগ্‌গির যাও—
এখনি লোকজন আসবে, হাতে দড়ি প'ড়বে ; যাও—যাও এখান থেকে !

নিস্তারিণী । তুই ?—তোর কি হবে বাবা !

সুরেশ । ফাঁসি হবে, আর কি হবে !

নিস্তারিণী । ও কি মরে গেছে ?

সুরেশ । না—না, ওঁ বেঁচে গেছে ! তুমি যাও—তোমার পায়ে পড়ি, তোমার চোদপুরুষের পায়ে পড়ি—তুমি যাও ! ও বেঁচেছে, তুমি বেঁচেছ, আমি বেঁচেছি !

নিস্তারিণী । তুইও কেন পালিয়ে যান্না বাবা ! সবাই জানে, তুই আজ দু'দিন বাড়ী নেই ।

সুরেশ । না—সেটা আর পেরে উঠব না ; তুমি যাও—যাও ;—এস ।

[মায়ের হাত ধরিয়া হিড় হিড় করিয়া টানিয়া অস্থদিকে লইয়া গেল ; মাকে বাড়ীর ভিতর দিয়া আস্তে আস্তে আসিয়া রোয়াকে বসিল ; শুধু একটি কথা তার মুখ দিয়া বাহির হইল—]

সুরেশ । যাক—নিশ্চিত !

মুন্নান আলো—কিছুক্ষণ চলিয়া গেছে ; তারপর সেখানে আসিলেন উপেন্দ্রনাথ—

তিনি মেয়ের খোঁজ করিতে আসিয়াছেন । সমস্ত বাড়ী ঘুরিয়া

এই দিক্‌টায় আসিলেন]

উপেন্দ্র । বেয়ানঠাকুরণ, বেয়ানঠাকুরণ—সব কোথায় গা ? বাড়ীতে কাউকে দেখ্‌ছিনে যে ! গঙ্গান্নানের মেলায় গেছে নাকি সব ? ওমা ভবানী—ভবানী !

সুরেশ । এই যে—আসুন আসুন ! বাঃ, আপনি ঠিক সময়টিতে এসেছেন তো !

উপেন্দ্র । কি বলছো সুরেশ ?

সুরেশ । না—কিছু বল্‌ছিনে ; আপনি বসুন—এই আসনে বসুন !

(সুরেশ বসুরের পায়ের ধুলা লইল)

উপেন্দ্র । আমার না ভবানী কোথায়—ভবানী ? এক বছরের উপর খোঁজখবর নিতে পারিনি ; তাই একবার দেখতে এসাম বাবা !

সুরেশ । তা বেশ ক'রেছেন ; তবে দু'একদিন আগে এলেই ভাল হ'ত ! ওবেলা এলেও দেখা হ'ত । এখন আর দেখা হবে না তার সঙ্গে !

উপেন্দ্র । সে কি ! সে তোমার বাড়ীতে নেই ?

সুরেশ । আজ্ঞে—না !

উপেন্দ্র । সে কোথায় ?

সুরেশ । মারা গেছে !

উপেন্দ্র । মারা গেছে ! —কবে ?

সুরেশ । আজই—এই একটু আগে !

উপেন্দ্র । কি হ'য়েছিল ?

সুরেশ । কিছু না—তাকে মেরে ফেলা হ'য়েছে !

উপেন্দ্র । মেরে ফেলা হ'য়েছে ! কে মেরে ফেলেছে—কে আমার মাকে খুন ক'রেছে ?

সুরেশ । আপনি বসুন ; উত্তেজিত হ'য়ে আর কোন লাভ নেই—ফেরানো যাবে না !

উপেন্দ্র । কে মেরে ফেলেছে ?

সুরেশ । আমি—হ্যাঁ আমি । সে ম'রেই ছিল ! তিনদিন ধায়নি—আমি তাকে খেতে দিতে পারিনি ! আপনার বোনা—চাল পাঠিয়েছিলেন, দুটো ভাত রেঁধে খেতে ব'সেছিল—আমি হাত ধ'রে টেনে বলি, তোমায় আর খেতে হবে না—ওঠ ! সে উঠতে পারেনা—প'ড়ে গেল ! একটু আগে এ ঘটনা ঘটেছে—এখনো ভাতের থালার উপর মুখ গুঁজে প'ড়ে আছে !

উপেন্দ্র । ভাতের থালার উপর মুখ গুঁজে প'ড়ে আছে ?

সুরেশ। অজ্ঞে হ্যাঁ ! দেখতে চান তো আসুন ।

উপেন্দ্র। কোথায় ?

সুরেশ। এই যে—ঘরের ভিতর !

উপেন্দ্র। ভবানী নারা গেছে ?—মারা গেছে ?

সুরেশ। হ্যাঁ !

উপেন্দ্র। কে মেরে ফেলেছে—বলছিলে না ?

সুরেশ। আমি মেরে ফেলেছি। নারা সে যেত, তবে আরো দু'চার মাস পরে। আমি জাত ধরে না টানলে আরো কিছুদিন হয় তো বাঁচতো ! দেখবেন একবার ?

উপেন্দ্র। চল, দেখে আসি ;—তার মরা মুখ দেখে আসি । ছ'কোশ রাস্তা হেঁটে এসেছি—একবার দেখবো না ! এই ঘরে—এই ঘরে ?

সুরেশ। হ্যাঁ !

(উভয়ে ঘরের ভিতর গেলেন)

উপেন্দ্র। (ঘরের ভিতরে গিয়া) ওমা, মা ভবানী—ভবানী ! তোমার নিতে এসেছিলাম মা ! বাপের মুখ আর দেখবেনা বলে—আগেই তোমার মায়ের কাছে গেলে মা ! আচ্ছা আচ্ছা আচ্ছা—তা বেশ ক'রেছ, বেশ ক'রেছ !

(উপেন্দ্রনাথ ঘর হইতে বাহির হইলেন—কোনদিকে

না চাহিয়া চলিলেন)

সুরেশ। শুনুন !

উপেন্দ্র। আমায় ডাকলে ?

সুরেশ। হ্যাঁ ; আপনার মেয়ে খুন হ'য়েছে, আমি খুন ক'রেছি—পুলিশে এজাহার দেবেন না ?

উপেন্দ্র । না—ও-সব বিলি ব্যবস্থা যা হয়, তুমিই কর ! আমায় ওর
 কথা আর জড়িয়ে না ! আমি আমার মাকে গিয়ে খবরটা দিই ;
 ভবানী ম'ল, অথচ আমি কাঁদতে পাচ্ছি নে ! মা একবার ভবানীর নাম
 ক'রে কাঁদুন—তাঁর, কান্না দেখলে যদি কান্না পায় ! নিঃশ্বেস আটকে
 আসছে, অথচ চোখে জল আসছে না—কি রকম একটা অসোয়াপ্তি হচ্ছে !
 তারা তারা তারা—মা ! তারা, তারা— •

[অস্থান ।

পঞ্চম অঙ্ক

প্রথম দৃশ্য

[চন্দনডাঙ্গা গ্রাম—উপেন্দ্রনাথের বাড়ী :

দাণ্ডায় বসিয়া দেবী ও বীথি

কথা কহিতেছে]

বীথি । আমি তাঁর কাছ থেকে চলে এসেছিলাম ; তিনি তার শোণ নিয়েছেন মা—তিনিও চলে গেছেন ! অনেক কঁদেছিলাম, ভগবানের কাছে ভিক্ষা চেয়েছিলাম—তিনিও মুখ তুলে চাইলেন না ! বড় অপরাধ করেছিলাম, বড় শাস্তি পেয়েছি !

দেবী । বড় কষ্ট পেয়েছ মা—বড় কষ্ট পেয়েছ !

বীথি । কিসে মারা গেলেন সব—ঠাকুরদা, পিসিমা ?

দেবী । বাবা অনেকদিন অনেক দুঃখ-কষ্ট স'য়ে ছিলেন ! তোমার পিসিমার ঘা-টা আর 'সইতে পারলেন না ! তাকে আনতে গিয়ে-ছিলেন—গিয়ে দেখেন, সব শেষ ! সেই যে বাড়ী এসে শুলেন, আর ওঠেননি !

বীথি । আমিও তাই ভেবেছিলাম, আমি গিয়ে দাঁড়াব—কারও সঙ্গে দেখা হবে না ; তোমার সঙ্গে দেখা হবে, তাও আশা করিনি !

(নিতাই প্রবেশ করিল)

নিতাই । এই যে বোমা—আলাম একবার ! বাবাঠাকুর চলে গেলেন, বড় পুণ্যাত্মা লোক ছিলেন ! আমার গান শুনতে বড় ভালবাসতেন—

তাই আলাম; এখনো তো দশপিণ্ডি পাননি? বাড়ীর আশেপাশেই
গুর আত্মা আছেন!

[দেবী ঘাড় নাড়িয়া সম্মতি জানাইল]

(নিতাইয়ের গান)

ওমন মরণ কেমন জানিস্ কিরে ?

নিতুই কত দেখিস মড়া—

শ্মশান ঘাটে নদীর তীরে !

যে কাছে ছিল, সাথে ছিল—

কইত কথা হেসে হেসে !

আজ কেন সে কয়না কথা—

কি হ'ল তার এক নিমিষে ?

বাদলি কত, ডাকলি কত—

চাইলো নাকে পিছন ফিরে।

কত সাধের বাধন দিয়ে

বৈধেছিল এই গেলা ঘর !

সাধি নিয়ে ছিল সাথে

বাছাই করে আপনপর—

নিতাই বলে ওরে পাগল, ভাঙল ফেপা সকল আগল !

কাদনে সে তো ভুল্বে না আর, ফেরাতে আর পারবি নিরে ॥

দেবী। ছুটো চাল এনে দেব বাবা ?

নিতাই। না মা—অশৌচ ! এখন তো ভিক্ষে দিতিও নেই, নিতিও
নেই; আমি শুধু বাবাঠাকুরের ভিটে বলেই গাইতে এলাম।
বাবাঠাকুরের শ্রদ্ধ হ'য়ে যাক—তার পর নেব; শ্রদ্ধের দিন এসে কীর্তন
গা'ব—সেই দিন নেব মা ! আচ্ছা মা, তা'লি এখন আসি !

[প্রস্থান।

(দেবী দাওয়ায় বসিয়া ভাবিতেছিল ; বীথি জিজ্ঞাসা করিল—)

বীথি । একটা কথা জিজ্ঞাসা করবো বোমা ?

দেবী । কি মা !

বীথি । কাকাবাবু কি আজো দেশে ফিরে আসেন নি ?

দেবী । আমি তো জানিনে মা ! প্রকাশঠাকুরপোর কাছে শুনেছিলাম, তিনি শীগ্গিরই দেশে ফিরবেন । এতদিন হয়তো কলকাতায় এসেছেন !

বীথি । তাঁকে একখানা চিঠি দেব কাকীমা ?

দেবী । না মা—দরকার নেই !

বীথি । একবার তাঁকে চোখের দেখা দেখতেও চাওনা ?

দেবী । না মা ! আমার এ দশা দেখলে তাঁর প্রাণে বড় লাগবে—
তিনি শান্তি পাবেন না !

বীথি । বোমা, সত্যি বলতো মা ! তুমি নিজে কি প্রাণে শান্তি পেয়েছ ?

দেবী । পেয়েছি মা !

বীথি । কাকার উপর তোমার রাগ-অভিমান—কিছুই নেই ?
আমার বড় জানতে ইচ্ছে হচ্ছে মা, তাই তোমায় বলছি ; আমার অপরাধ
নিওনা বোমা !

দেবী । সত্যি বলছি মা—রাগ-অভিমান কিছু নেই !

বীথি । কিছু নেই !

(দেবী ঘাড় নাড়িল)

বীথি । কেমন করে তুমি মন বেঁধেছ, আমায় বলতে পার মা ?

দেবী । কিছুদিন বড় অশান্তি পেয়েছিলাম ; তারপর বাখার

উপদেশে মন বাঁধতে পেরেছি। উনি আমার মহাগুরু—সত্যি বলছি মা, উনি আমার মহাগুরু !

(বীথি অবারু হইয়া রহিল ; তারপর জিজ্ঞাসা করিল—)

বীথি। কে—ঠাকুরদা মশাই ?

দেবী। উনি আমায় বল্লেন,—“মা, তোমার স্বামী মানুষ ; মানুষের মত তার দোষ আছে, গুণ আছে। তুমি মানুষ ভুলে যাও ; শুধু মনে রাখ—স্বামী ! “স্বামী”-মন্ত্র জপ কর। আমি তাই করেছি মা ! মানুষ ভুলে গেছি, তাঁর দোষগুণ কিছুই মনে পড়ে না ; শুধু জানি, তিনি আমার স্বামী—আমার দেবতা !

বীথি। কখনো তাঁকে দেখতে চাওনা ?

দেবী। যে স্ত্রী নিয়ে মানুষ সংসার করতে চায়, আমি আর সে স্ত্রী হতে পারবোনা মা ! আমার সাধ নেই, আফ্লাদ নেই, আশাভরসা—কিছু নেই ; তাই বতদিন বেঁচে আছি, আর দেখা করতে চাইনে। তবে মরবার সময় যদি একটীবার মাথার কাছে এসে দাঁড়ান !

বীথি। আমি তোমার কাছেই থাকবো বোনা, আর কোথাও যাব না !

দেবী। চল্ মা, তোর ঠাকুরদার বরে একটা প্রদীপ জ্বলে দিই—সন্ধ্যে হায়ে এল !

[উভয়ে ধীরে ধীরে চলিয়া গেল ।

দ্বিতীয় দৃশ্য

[কলিকাতা—জিতেন্দ্রনাথের বাটী ; হলঘর । প্রকাশ ও সত্য পরস্পর
সামনাসামনি বসিয়া কথাবার্তা কহিতেছে]

প্রকাশ । তাঁর দেহ-মন—সব ভেঙ্গে পড়েছে ! তুমি তাঁকে দেখে
হয়তো চিন্তে পারবে না । তিনি সে মানুষ আর নেই । একবার
যাবেনা দেখতে ?

সত্য । বুঝতে পাচ্ছি না প্রকাশ ! এখনো বাবার আত্মা সে
বাড়ীতে—তিনি তো আমায় ক্ষমা ক'রেন নি !

প্রকাশ । তোমার বিশ্বাস, তিনি তোমায় ক্ষমা ক'রেন নি ?

সত্য । কি জানি—কিছুই জানি না ! শুধু এইটুকু জানি, আমি
যে অপরাধ ক'রেছি, তার ক্ষমা নেই !

প্রকাশ । ভবানী যদি অমন ক'রে চলে না যেত, জ্যেষ্ঠামশাই আরো
কিছুদিন বাঁচতেন !

সত্য । হ্যাঁ, ভাল কথা—সে খুনেটার কোন খবর জান ? তার
কাঁসি হ'য়েছে, না কি হ'য়েছে ?

প্রকাশ । খুন প্রমাণ হয়নি ! সুরেশ জজের কাছে সব সত্যি
ঘটনা বলে ; বলেছিল—ছজুর ! এই ঘটনা ;—আমি খুন ক'রেছি ! জজ
আর জুরি এক মত হ'য়ে সুরেশকে নট্-গিল্টি বলেছে । ভবানীর মৃত্যু
বলেছে—accident !

সত্য । সুরেশ সব সত্যি কথা বলেছিল ?

প্রকাশ । না—একটি সত্য সে বরাবর গোপন ক'রেছিল ; এতে
তার মায়ের যোগ ছিল শুনেছি ! মায়ের নামটা আর ক'রেনি ।

সত্য। মায়ের নাম ক'রেনি ?

প্রকাশ। না—নিজে দোষ স্বীকার ক'রেছে, মাকে রক্ষা ক'রেছে !
He is a great character ! তুমি তাকে বরাবর ছোট মনে ক'রে
এসেছো—সে ছোট না !

সত্য। এখন সুরেশ কোথায়—জান ?

প্রকাশ। না ; কেউ বলে কাণী গেছে, কেউ বলে সন্নিসী হয়েছে,
কেউ বলে রামকৃষ্ণ-মিশনে গেছে ! কোট থেকে আর বাড়ী ফেরেনি।

সত্য। কদিনেরই বা কথা ?—ভবানীর সুপে সুরেশের বিয়ে হ'ল ;
এর মধ্যে সব শেষ হ'য়ে গেল !

(জিতেনের প্রবেশ)

জিতেন। এই যে প্রকাশবাবু !

প্রকাশ। আমায় আর বাবু বলবেন না দাদা !

জিতেন। তোমার বন্ধু তো বড় চাকরি পেলেন। (সত্যর প্রতি)
তোমায় কোথায় পোষ্ট ক'রলো ?

সত্য। আলিপুরে !

জিতেন। Lucky boy ! ক'বে join ক'রছো ?

সত্য। 1st february !

জিতেন। তাহ'লে এইবেলা পুরোণো হাকিমদের কাছে দিনকতক
তালিম দিয়ে নাও। তোমার খশুরকে বল, তিনি introduce ক'রে
দেবেন।

প্রকাশ। আমি তাহ'লে আসি দাদা ! সত্য, আমি যা বললাম
একটু ভেবে দেখ।

[প্রস্থান।

সত্য । আমি বল্ছিলাম কি ?—

জিতেন । কি বল্ছিলে ?

সত্য । আমাদের তরফ থেকেও বাবার শ্রাদ্ধশাস্তি কিছু করা দরকার ।

জিতেন । তুমি তাই মনে কর ?

সত্য । হ্যাঁ—মনে ক'রি বৈকি ?

জিতেন । বেশ—তাহ'লে ব্যবস্থা কর ; কোথায় শ্রাদ্ধ ক'রবে ?

সত্য । আপনার এখানেই !

জিতেন । আমার এখানে ? এতো স্নেহের সংসার হ'য়ে গেছে । এখানে হিঁদুর ক্রিয়াকর্ম mockery বলে মনে হ'বে । বীথি ঠিক বুঝেছে, তাই ও কিছুতেই এল না । হয় পুরো মাত্রায় গ্রহণ করতে হয়, না হয় পুরোপুরি ত্যাগ করতে হয় । আমাদের মত আধা সাহেব আধা বাঙালী হওয়া কোন কাজের নয় !

সত্য । তাহ'লে এখানে আয়োজন ক'রবো না ?

জিতেন । এখানে আয়োজন করার কোন অর্থই হয় না । আমার মত—ক্রিয়াকর্ম যা হ'বে দেশের বাড়ীতেই হোক ; তুমি কিছু খরচ দাও—আমি কিছু খরচ দিই !

সত্য । আপনার দেওয়া টাকা তিনি নেবেন কিনা জানিনা, তবে আমার টাকা তিনি নেবেন না !

জিতেন । তুমি কি ক'রে জানলে ?

সত্য । প্রকাশের কাছে বলেছেন !

জিতেন । Then she must be a very great lady ! তিনি বোধহয় দেশ ছেড়ে কোথাও যান্নি ?

সত্য । না—তিনি কখন কল্কাতাও দেখেন নি !

জিতেন। তিনি এই বাঙলা দেশের মেয়ে—খাটি সোনা !

সত্য। ভবানীও ঠিক তাঁরই মত ছিল !

জিতেন। বড় দুঃখ সত্য, এইসব ভাল ভাল মেয়েগুলো এইভাবে ম'রছে ! এদের বাঁচাবার কোন উপায় নেই। এই দেখ না—আমাদের বীথির কি অদৃষ্ট হ'ল ?

(মায়া'র প্রবেশ)

মায়া। হ্যাঁগা—কি হ'বে তাহ'লে ? এইভাবেই থাকবে সেখানে ?

জিতেন। থাকনা ! এখানে এসেই বা কি রাজ্যপাট লাভ হ'বে তার ?

মায়া। কথা শুনছো তোমার দাদার ? বাড়ীর মেয়ে বাড়ী না থেকে কোথায় কোন্ বনবাদাড়ে পড়ে থাকবে বল তো ?

জিতেন। বাড়ীতেও আছে—ভালও আছে !

মায়া। হ্যাঁ—ভাল আছে ! মোটা থান কাপড় পরে, পুঙ্কুরের জলে রোজ চারপাঁচবার ক'রে রুক্ষ নায়, সেই মোটা চালের ভাত দিনে একবার—তাও মাসে দশবারোদিন উপোস !

জিতেন। আমার বোধহয়, তুমি নিজে না গেলে সে আসবে না। তুমিই বরং নিজে যাও একবার।

মায়া। এই সব কথা নিয়ে ঠাট্টা কর—ভালও লাগে !

জিতেন। ওকে ফেরানো যাবে না মায়া ! ও আর আমাদের নেই। দেখছ না, আমাদের কিছু নেয়নি ? ও হ'য়েছে ওর ঠাকুরদার নাতনী ! সেখানে গিয়ে তাঁর ভিটেয় তাঁর শ্রদ্ধের ব্যবস্থা ক'রছে—ও সেখানেই থাকবে।

মায়া। থাকবে বললেই অমনি থাকবে ? মাথার ওপর আমরা

পাক্'তে ও যা খুসী তাই ক'রবে? আমি বীথির আবার বিয়ে দেব। দশ-পনেরোটি পাত্তর রয়েছে আমার সন্ধান—খুব ভাল ছেলে। ভাল মেয়ে হ'লে, তারা বিধবা বলে আপত্তি ক'রবে না।

জিতেন। তুমি এইসব কাণ্ড ক'রবে বলেই তো সে এখানে আসতে চাইছে না!

মায়া। সে বা চাইবে, তাই হবে?

জিতেন। তা স্বাধীনতা, ব্যক্তি স্বাধীনতা—এ সব যদি শুধু মুখের কথা না হয়, তাহ'লে সে'বা চাই—দিতে হয় বৈকি?

মায়া। বীথি যতদিন বেঁচে থাকবে—একাদশী ক'রবে, নিরামিষ খাবে, খান কাপড় পরবে?

জিতেন। বীথির চেয়ে অনেক ছোট মেয়ে হিঁদুর সংসারে আবহমান কাল ধরে তাই ক'রে আসছে।

মায়া। আমার চোখের সামনে এই সব ক'রবে আর আমি মা হ'য়ে তাই দেখবো?

জিতেন। বাপমায়ের পাপের প্রায়শ্চিত্ত করে ছেলেমেয়ে। আমরা যতখানি অনাচার করেছি, বীথি ততখানি আচার পালন ক'রবে! ওকে কেউ ঠেকাতে পারবে না—প্রকৃতির প্রতিশোধ!

মায়া। দেখলে?—ওঁর আচরণ দেখলে সত্য! আমি যত হাত-পা ছুড়ে মর্শ্চি, কি ক'রে মেয়েটাকে শাস্ত করা যায়—উনি তত বসে বসে ধর্ম দেখাচ্ছেন!

[গ্রহানোত্তত।]

(গীতির প্রবেশ)

মায়া। এই যে গীতি, তুই কখন এলি?

গীতি। এই এলাম। দিদি এসেছে মা?

মায়া । না—কই আর এল !

গীতি । আমি দিদিকে দেখবোঁ মা ? দিদির জন্তে বড় মন কেমন ক'রছে ! কাকা, আপনি দিদিকে এনে দিন—না হয়, আমায় দিদির কাছে রেখে আসুন ! ... বাবা !

জিতেন । তোমার দিদির সঙ্গে মিশ না গীতি !

গীতি । কেন বাবা ?

জিতেন । তোমার যে দিদিকে তুমি জানতে সে আর তেমনটি নেই !

গীতি । দিদির কি হ'য়েছে বাবা ?

জিতেন । সব ওলোটপালোট হ'য়ে গেছে মা ! সেই শান্ত-শিষ্ট স্নন্দর মেয়েটি—সে আর নেই ! ফুটন্ত কুলগাছ ঝলসে গেলে যেমন হয়, তুমি ঠিক বুঝতে পারবে না—তোমার দিদির অবস্থা ঠিক সেইরকম ; সে ঝলসে গেছে—বঁচে থেকেও বঁচে নেই ! যে মাহুষ মারা গেছে, তার সঙ্গেই তার সম্পর্ক—সেই তার আপন ! যারা বঁচে আছে, তারা তার কেউ না !

মায়া । এই সব কথা ঐ কচি মেয়েকে শেখানো হ'চ্ছে ! তোমার কি মাথা খারাপ হ'য়েছে ? আয় গীতি—স্নায় ! আমার যেমন পোড়া কপাল !

[গীতি ও মায়া চলিয়া গেল ।

জিতেন । তোমার বৌদি ঠিকই বলেছে সত্য—মাথা আমার বোধহয় খারাপ হ'য়েছে ; বীথির কথা আমি ভাবতে পারিনে !

সত্য । বিধবা হবার পর বীথিকে আপনি দেখেন নি ?

জিতেন । না—আমায় সে দেখা দিতে চায় না ; বোধহয় ভাবে, আমি সহিতে পারবো না !

সত্য। বৌদিরও বড্ড লেগেছে ! আমি এসে অবধি লক্ষ্য ক'রছি।
বীথি ছাড়া ওর মুখে অন্য কোন কথা নেই।

জিতেন। তা লাগবে না ? একি সোজা ব্যাপার সত্য ! তুমি
বুঝতে পারবে না ভাই, বুঝতে পারবে না—সন্তান তো তোমার হয়নি
আজও ! আজ বুঝতে পাচ্ছি, বাবার মনে আমরা কি দুঃখটাই
দিয়েছি ! বুঝতে পাচ্ছি, শ্রবানীর মৃত্যুর পর তিনি আর ওঠেননি
কেন ! তোমার বৌদি এবার সত্যি শোক পেয়েছেন। বিয়ের পর
থেকে বীথি যে এমন ক'রে ঠৈর হ'বে—উনি তা ভাবেননি কোনদিন।
অথচ কি আশ্চর্য্য দেখ—বার কাছে মনের কথা বলা চলবে, ঠিক তার
কাছেই সে গিয়েছে ! কে গান গাইছে হে ?

সত্য। ও গীতির স্কুলের একটী বন্ধ !

জিতেন। ডাকো ওকে !

সত্য। গীতি—তোমার বন্ধুকে এখানে নিয়ে এসো !

(গীতি ও তাহার বন্ধু মলিনার প্রবেশ)

জিতেন। গাও তো মা গানখানা !

(মলিনার গান)

এই ঘাটেতে বাঁধ তোমার না—

ওগো নেয়ে !

একখানি মুখ মনে পড়ে, আমি ভুলতে পারিনি

আমার প্রাণটি আছে ছেয়ে।

বাদল সাজে দাঁড়িয়েছিল—

বাঁধা ঘাটের ধারে।

সোণারবরণ সিঁথের সিঁদূর

(সে রূপ) কইব কাহারে ?

চোখে পলক পড়েনি মোর

মুখের পানে ছিলাম চেয়ে !

আজও সেথায় দাঁড়িয়ে আছে—

তেমনি ভাবে একা একা ।

ভরা নদী শুকায়ে গেছে

যা কিছু স্থখ ফুরিয়ে গেছে—

(তুমি) হাত পেতে কার কাজে যাও গো,

বিধবা বাঙালীর মেয়ে ॥

সত্য । কার কাছে শিখেছ না ?

নলিনা । দিদির কাছে !

[গীতি ও তাহার বন্ধু চলিয়া গেল ।

জিতেন । আচ্ছা সত্য, তুমি বস ; আমি একবার ঘুরে আসি ।

সত্য । শ্রদ্ধের কি করা যাবে বললেন না তো ?

জিতেন । শ্রদ্ধ ক'রতেই হ'বে ?

সত্য । আমার খুব ইচ্ছে !

জিতেন । কবে শ্রদ্ধ—আজ ন' দিন হ'ল না ?

সত্য । হ্যা—কাল ঘাট, পরশু শ্রদ্ধ ।

জিতেন । তুমি এক কাজ ক'র, হয় গঙ্গাতীরে না হয় তুমি যে
নতুন—বাড়ী নিচ্ছ, সেই বাড়ীতে ব্যবস্থা ক'র ।

[প্রস্থান ।

(ইলা উঁকি মারিয়া দেখিতেছিল)

সত্য । কি দেখছ ইলা ?

(ইলার প্রবেশ)

ইলা । দেখছিলাম, আর কেউ আছে কি না ! একটা কথা
জিজ্ঞাসা ক'রবো—আমায় সত্যি বলবে ?

সত্য । কি কথা ?

ইলা । তোমার বাবা ছিলেন—কই একথা তো আগে বলনি ?

সত্য । না—বলিনি !

ইলা । কেন বলনি ?

সত্য । ইলা বস ; কথা আছে !

ইলা । কি বল !

সত্য । ইলা, আমি তোমায় প্রতারণা ক'রেছি !

ইলা । প্রতারণা ক'রেছ ! কই—আমি তো কোন দিনও বুঝতে পারিনি, তুমি প্রতারণা ক'রেছ !

সত্য । আমি যখন তোমায় বিয়ে করি, তখন আমার স্ত্রী বর্তমান তিনি এখনও বেঁচে আছেন !

ইলা । তুমি সত্যি বলছ ?

সত্য । হাঁ—আমি সত্যি বলছি ! পাছে তোমায় হারাতে হয়, এই ভয়ে আমি সেদিন সত্য গোপন করেছিলাম ।

ইলা । এতদিন যা গোপন ক'রেছ, চিরদিন তা গোপন রাখলে না কেন ! আজ তুমি আমায় আর চাও না ?

সত্য । আমি আর মিথ্যার জালে নিজেকে জড়িয়ে রাখতে পারছি নে । নিজের পাপের কথা তোমায় অকপটে জানাচ্ছি । ইচ্ছা হয়, ক্ষমা ক'রো—ইচ্ছা না হয়, ক্ষমা ক'রো না । তোমায় বিয়ে করার পর তিন বছর আমি দেশে যাইনি । আমার স্ত্রী মনে ক'রেছিলো—আমি তাকে ত্যাগ ক'রেছি ; তবু সে আমার ভিটে ছেড়ে কোথাও যায়নি—প্রাণপণে ঠাকুরসেবা ক'রেছে, খেতে পায়নি, ময়লা ছেঁড়া কাপড় পরেছে—কাউকে কিছু বলেনি ; আমার অত্যাচার মুখ বুঁজে চুপ্ ক'রে সয়েছে, দিনে দিনে তিলে তিলে তার দেহ-মন শুকিয়ে গেছে !

ইলা । বীথি সেখানে ?—তঁার কাছে ?

সত্য । ইয়া—তঁার কাছেই গেছে ! আমাদের বিয়ের আগের দিন
সন্ধ্যাবেলার কথা তোমার মনে পড়ে ?

ইলা । ইয়া—মনে পড়ে !

সত্য । একজন বৃদ্ধ ব্রাহ্মণপণ্ডিত এসেছিলেন এখানে—আমরা কেউ
তার সঙ্গে দেখা করিনি । তুমি জানতে চাইলে “উনি কে ?” : আমি
বললাম—“আমার পরম হিতৈষী মহাপণ্ডিত” ।

ইলা । তিনিই বাবা ?

সত্য । ইয়া—তিনিই আমার বাবা !

ইলা । এখন আমি তোমার সব আচরণের অর্থ বুঝতে পাচ্ছি ।

সত্য । আমি নিশ্চয়ই জানি, শুধু আমার কথা ভেবে ভেবেই
বাবার দেহ ভেঙ্গে গিয়েছিল—আমিই তাঁর মৃত্যুর কারণ !

(দুরারের নিকট দারওয়ান)

সত্য । কা হায় ?

দারওয়ান । জী হুজুর, আপকো ওয়াস্তে একঠো টেলিগ্রাম
আয়া ।

[সত্যকে টেলিগ্রাম দিয়া দারওয়ানের প্রস্থান ।

ইলা । কোথাকার টেলিগ্রাম ?

সত্য । দেখছি—

ইলা । কে টেলিগ্রাম করেছে ?

সত্য । বীথি—আমাদের বাড়ী থেকে !

ইলা । কি খবর ?

সত্য । (টেলিগ্রাম ইলাকে দিল) খুব খারাপ খবর ! দেবী
মৃত্যুশয্যায় ।

ইলা। তাঁর নাম দেবী ?

সত্য। ই্যা !

ইলা। তাহ'লে চল !

সত্য। কোথায় ?

ইলা। দেশের বাড়ীতে—দিদিকে দেখতে । দেবী ক'র না মোটেই ।
আমি বড়দিকে বলে আসি ।

সত্য। তুমি যাবে দেবীকে দেখতে ?

ইলা। যাব না ?—তিনি আমার দিদি ! তিনি মুখ বুজে তিন বছর
সব দুঃখ, সব অত্যাচার সহ্য করেছেন । তিনি মানুষ নন, তিনি দেবী !
এইবার তাঁর সব দুঃখ শেষ হবে । আজ তাঁকে একবার দেখবো না ?

সত্য। আমি যে তোমায় প্রতারণা ক'রেছি ইলা—আমার
শাস্তি !

ইলা। বাবা চলে গেলেন, ঠাকুরকি চলে গেলেন ; দিদি—তিনিও
চলে যাচ্ছেন ! আরও শাস্তি চাও তুমি ? তুমি অপরাধের বেশী শাস্তি
পেয়েছ ।

সত্য। তুমি আমায় ক্ষমা ক'রতে পারবে ইলা ?

ইলা। তুমি যা অশ্রায় ক'রেছ, আমায় ভালবেসেই করেছ ! সে
ভালবাসার মর্যাদা যদি আমি না বুঝতে পারি আমার মত হতভাগিনী
কেউ নেই । তুমি শিগ্গীর চল, তৈরী হ'য়ে নাও—আমি আসছি !

[প্রস্থান]

সত্য। দাদা !

(জিতেনের প্রবেশ)

জিতেন। কি ?

সত্য। এই দেখুন ! (টেলিগ্রাম দিল)

জিতেন। Telegraph ! ওঃ—তুমি সেখানে যাবে একবার ?

সত্য। তাঁর বড় ইচ্ছা ছিল, মরবার সময় এক বার—

জিতেন। তোমায় দেখবেন ? আমাদের দেশের মেয়েগুলো আশ্চর্য্য রকম ভাল ! তুমি যা ব্যবহার ক'রেছ শুঁর সঙ্গে, অত্ন কোন দেশের মহিলা হ'লে তোমার মুখ উনি আর দেখতেন না ! সীতা-সাবিত্রীর চেয়েও এ'রা ক'ন নন। ইচ্ছা হ'য়েছিল একবার দেখি' !

(মায়া ও ইলার প্রবেশ)*

মায়া। যাবে দেখতে ? তাই চল ; আমারও বড় ইচ্ছে হ'চ্ছে একবার দেখে আসি। ওকে লুকুতে হ'বে না—ইলা জানে সব ; ইলাও যাবে।

জিতেন। উনি যাবেন সত্যর সঙ্গে ?

মায়া। হ্যাঁ ; চল আমরাও যাই,—একবার দেখে আসি ; আহা, বড় কষ্ট পেয়েছে,—সারা জীবন কষ্ট পেয়েছে !

জিতেন। সত্য, তোমার এখুনি যাওয়া দরকার। এর পর যাওয়া না যাওয়া, দুইই সমান হ'বে।

সত্য। আপনি যাবেন না ?

জিতেন। আমি ? তোমরা আর আমার জন্তে অপেক্ষা ক'র না। তোমরা এগোও।

[সত্য ও ইলা চলিয়া গেল।

মায়া। কি ক'র্বে বল—যাবে একবার দেখতে ?

জিতেন। না—সেখানে যাওয়া আমার অসম্ভব !

মায়া। কেন অসম্ভব শুনি ? বীথি যেতে পারে, ইলা যেতে পারে—আর তুমি !

জিতেন। সবাই সেখানে যেতে পারে, কারো যেতে মানা নেই—
একমাত্র আমি ছাড়া; আমার যাওয়া নিষেধ!

মায়া। কেন নিষেধ শুনি?

জিতেন। বললে তুমি কি বুঝতে পারবে মায়া! পার আর না পার—
বলি শোন। আমি তোমাদের এ সভ্যসমাজের মানুষ নই। আমি
গাঁইয়া—জন্ম গাঁইয়া। যে গাঁয়ে আমার জন্ম, সারা জীবন সেই গাঁয়ে
থেকে যদি সেইখানেই মরতে পারতাম—আমার জীবন হ'ত সুখের জীবন!

মায়া। ওই বন, জঙ্গল, বাঁশঝাড়, পানাপুকুর—সেই গা হল
তোমার ভাল গাঁ!

জিতেন। বড় মায়াবী গ্রাম! ঐ গাঁথানিকে আমি যে ক'ত
ভালবাসতাম, তুমি বুঝতে পারবে না মায়া! আমার কাছে ওগাঁয়ের
সব ভাল। ওর বন, জঙ্গল, হাট, বাজার নদী, মাঠ, মন্দির, দেবালয়,
সেকালের একঘরে দলাদলি যোঁট সব ভাল—ম্যালেরিয়া জ্বর পর্য্যন্ত
ভাল! ছেলেবেলায় আমার ম্যালেরিয়া জ্বর হ'ত, একশ' পাঁচ পর্য্যন্ত
জ্বর উঠতো; মা আমার মাথার কাছটিতে বসে বাতাস দিতেন। যদি
মাথার কাছে মা বসে থাকেন, হোক না আমার জন্ম জন্ম ম্যালেরিয়া
জ্বর! গ্রাম ছিল আমার স্বর্গ—আর বাবা ছিলেন সেই স্বর্গের দেবতা!

মায়া। তবে তুমি সে গাঁয়ে আর যাবে না কেন?

জিতেন। দেবতা আমায় অভিশাপ দিয়েছেন। আমার আর
যাবার উপায় নেই মায়া! আমি হ'চ্ছি মেঘদূতের “স্বাধিকারপ্রমত্ত
নির্বাসিত যক্ষ”। ওই যে মেয়েটি আজ মারা যাচ্ছে—ওকে দেখবার ইচ্ছা
ছিল, কিন্তু উপায় নেই!

মায়া। আমিও তো তাই বলছি। সে আমার বীথির কাকী, আমার
চেয়েও বীথি তাকে বেশী ভালবাসে,—তাকে একবার দেখতে হয় না?

জিতেন। আমি বেতে পারি মায়া! কিন্তু গেলে যে কি হ'বে, তা আমি জানিনে! সমস্ত গাথানা আমার ঘরে রাখবার চেষ্টা ক'রবে। ওই নদীর জল, মাটির ঘর, গরু-বাছুর, নীল আকাশ, আকাশের কালো মেঘ, নদীতে ছোট, ছোট জেলে ডিঙ্গি—ওরা সবাই আমার আপনার! আমি এতদিন ওদের ভুলে তোমাদের কাছে আছি। আজ যদি যাই, ফিরতে পারবো কিনা জানি না। ওরা অমায় ছেড়ে দেবে না!

মায়া। বীথি সেখানে আছে : যদি বেতে—তাকেও আনা হ'ত, একেও দেখা হ'ত!

জিতেন। আমি জানি; না থাক—দরকার নেই মায়া! যে কারণে তিন বছর আগে আমি বাবার সঙ্গে দেখা করিনি, ঠিক সেই কারণেই ওগায়ে আর যাব না। বীথি গেছে সেখানে—আমি বুঝতে পাচ্ছি, যদি না ফেরে—যদি না আসতে দেয়!


মায়া। কি যে সব অলুক্ষুণে কথা বল! আমার ঘাট হ'য়েছে—তোমায় সেখানে যেতে বলেছি : আর কখনো বলবো না। মরণটা হ'লেই বাচি!

জিতেন। আঃ, মায়া মায়া! শোন শোন—রাগ ক'রো না! আমি তোমায় ঠিক বুঝিয়ে বলতে পাচ্ছি না; আমি বলছিলাম কি—এই যে সভ্যতার আবর্তে আমরা পড়ে গেছি, এ থেকে আমাদের মুক্তি নেই—আর বোধ হয় আমরা মুক্তি চাইনে! কাজেই গায়ে গিয়ে আর লাভ কি?

মায়া। আচ্ছা, তুমি যদি না যাও, আমি শঙ্করকে নিয়ে ঘুরে আসি।

জিতেন। তুমি যাবে?

মায়া। হ্যাঁ!



তৃতীয় দৃশ্য

[সত্যেন্দ্রের শয়ন ঘর ; মৃত্যুশয্যায়

দেবী—পাশে মাথার

কাছে বীথি]

দেবী । ওমা, মা মাগো ! আমার জন্ম-জন্মান্তরের গর্ভধারিণী মা !
কই—আমার মা কই ?

বীথি । এই যে মা—এই যে আমি ।

দেবী । তুই আছিস্ ?

বীথি । আছি বৈকি মা !

দেবী । ভেবেছিলাম, একাএকা চুপচাপ ঘরে মরে থাকবো—কেউ
জানতেও পারবে না । তুমি মা, বড় সময় মত এসে পড়েছ ! কাল শ্রাদ্ধ—
কি হবে বলতো মা ? কে শ্রাদ্ধ ক'রবে ? এতবড় একটা মানুষের শ্রাদ্ধ
হবেনা মা !

বীথি । কেন শ্রাদ্ধ হবে না বোমা ? আমি সব যোগাড় করেছি !
কোন গুণগোল হবে না ।

সত্য । (নেপথ্যে) ওমা বীথি—বীথি !

দেবী । ও কে, ও কে—কে ডাকে !

বীথি । কাকা !

দেবী । এসেছেন তিনি ?

বীথি । আসবার তো কথা—দেখি ! (দোরের কাছে গিয়ে)

কাকা এই ঘরে ; ঘরের ভিতর, এই দিকে এস ; ওমা—এ কে ! নতুন কাকীমা যে ?

(ইলা ও সত্য ঘরের ভিতর দেবীর শয়্যার পাশে গিয়া দাঁড়াইল)

দেবী । আমার কাছে এস—তোমরা সবাই এস ! (মচ্ছা)

ইলা । একি বীথি !

বীথি । বড় দুর্বল—একটুও রক্ত নেই !

(কিছুক্ষণ সকলে নীরব)

বীথি । এইবার মুচ্ছা ভেঙে গেছে । জল পাবে বৌ মা ?

দেবী । দাও— !

(বীথি জল দিল : দেবী ধীরে ধীরে পান করিল)

দেবী । কে জানতো ?—মরবার সময় এত সুখে ম'রব !

ইলা । তুমি মরবে কেন দিদি ?—আমরা ঠোঁ তোমায় মরতে দেব না !

দেবী । আয়, আয় বোন—আমার কাছে আয় ; আমার সময় হয়েছে !

ইলা । না, সময় হয় নি—তুমি ওসব কথা বলোনা দিদি !

দেবী । এর চেয়ে ভাল সময় আর কবে হবে দিদি ? এখন যদি না মরি, তোমরা আবার আমায় ফেলে চলে যাবে ।

ইলা । দিদি, আমি না হয় তোমায় জানতুম না—তুমি তো আমায় জানতে ! পরিচয় দিয়ে যদি একখানা চিঠি লিখতে আমি কোন্ কালে তোমার কাছে এসে হাজির হতুম !

দেবী । উনি ভরসা করে তোমায় আমার কথা বলেন নি, আমি কোন্ সাহসে তোমায় পত্র লিখি তাই !

ইলা । (সত্যার প্রতি) আমায় যদি গোড়ায় তুমি সব কথা খুলে বলতে, এমন কাণ্ড কখনো ঘটত না ! আমি তোমায় সঙ্গে নিয়ে সরাসর এখানে চলে আস্তাম—বাবার পা জড়িয়ে ধরতাম, দিদির পা জড়িয়ে ধরতাম ! তুমি তো আমার উপর রাগ করে থাকতে পারতে না দিদি ?

দেবী । আমিও বুঝতে পাচ্ছি বোন, তুমি আনন্দময়ী ! তুমি এলে সব দুঃখ চলে যেত !

বীথি । তুমি আর কথা বলো না বোমা, তোমার কষ্ট হচ্ছে ।

দেবী । সাত বছর এ সংসারে এসেছি—তখন ছোট্ট মেয়েটি সেইদিন থেকেই মুখ বুজে আছি মা ! আজ যখন ভগবান দিন দিয়েছেন, দুটো কথা বলে নিই মা !

বীথি । না—না বোমা !

দেবী । বেশী নয়—দুটো কথা ! (সত্যার প্রতি) শোন, যদি পার কাল সন্ধ্যা পর্যন্ত আমায় বাঁচিয়ে রেখে দিও—কাল বাবার আদ্য বীথি একটু জল ! (বীথি জল খাওয়াইল) বীথি, ইলা—আমি তোমাদের দু'জনকেই বলছি,—তোমরা বা ভাল বুঝবে ক'রো ; আমার এই স্বপ্নের ভিটেয় আমি সাত বছর প্রদীপ দিয়েছি, দামোদরের সেবা করেছি—ভিটে আর দামোদর নিয়েই বাবা জীবন কাটিয়েছেন । যা হয় ব্যবস্থা তোমরাই ক'রো !

বীথি । আমি এইখানেই থাকবো বোমা ! তোমার স্বপ্নের ভিটেয় সন্ধ্যাপ্রদীপ জ্বলবে—দামোদরের পূজার ভার আমিই নিলাম !

সত্য । বীথি !

বীথি । হ্যাঁ কাকা—আমি এখানেই থাকবো !

সত্য । ইলা !

ইলা । কেন ?

সত্য । বীথি যে ভার নিতে যাচ্ছে—সে ভার নেওয়া উচিত ছিল আমার !

ইলা । বেশ—তুমি ভার নাও !

সত্য । আমি ভার নিলে আমার সঙ্গে তুমি যোগ দেবে ইলা ?

ইলা । দিদি তো বীথিকে আর আনাকে আগেই বলেছেন । তাঁর আদেশ আমি মাথা পেতে নিয়েছি !

(প্রকাশের প্রবেশ)

প্রকাশ । কতক্ষণ এসেছ সত্য ?

সত্য । এস প্রকাশ ! এই খানিকক্ষণ—ইলাও এসেছে !

প্রকাশ । গুনলাম ; দিদিমণি আজ কেমন আছেন ?

দেবী । ভালই আছি দাদা ! নরবার সময় আমার কপালে এত-
সুখ ছিল—ভাবতে পারিনি ভাই !

সত্য । প্রকাশ, তুমি এসেছ—ভালই হয়েছে ! তুমি সাঙ্গী—বাবার কাছে, দেবীর কাছে আমি অপরাধী ! ভিটের আমি আসবো না—ভিটের ভার বীথির উপর । (ইগার প্রতি) কিন্তু আমার সাতপুরুষ বে গাঁয়ে মানুষ, আমার বাবা বে গাঁয়ে জীবন কাটিয়েছেন—বে গাঁয়ের বৌ দেবী, মেয়ে ভবানী—তাঁদের সকলের আত্মার তৃপ্তির জন্তে আজ থেকে আমি এই গাঁয়েই থাকবো ; এইখানেই আমার কর্মস্থল !

দেবী । যদি গাঁয়ে থাক—জেনে রাখ, বাবা তোমায় ক্ষমা করেছেন !

প্রকাশ । তাহ'লে আমি একথা গাঁয়ে রাষ্ট্র করে দিই ? সত্য, সব ছেড়ে তুমি গাঁয়ের উন্নতির জন্তে গাঁয়েই থাকলে !

সত্য। উন্নতি অবনতি জানিনে প্রকাশ! আমার পিতৃপুরুষের এ গ্রাম ছেড়ে আর কোথাও যাবনা—আমি এই গায়ে জন্মেছি, এই গায়েই মরবো। ওই—ওই—হাজরাতলার ঘাটে আমার মা চিত্তেয় শুয়েছেন, আমার বাবা চিত্তেয় শুয়েছেন, আজকালের ভিতর আমার দেবীকেও সেখানে আমার নিজের হাতে শুইয়ে রাখতে হবে! আমি বুঝছি, এ গ্রাম ছাড়া ত্রিভুবনে আর কোথাও আমার শাস্তি নেই! তুমি গায়ের সবাইকে শুধু এই কথাটি জানিয়ে দাও প্রকাশ—আমি তাদেরই একজন; তাদের স্মৃতি স্মৃতি, তাদের দুঃখে দুঃখী!

(মায়ার প্রবেশ)

মায়া। সত্য!

সত্য। কে—বৌদি?

মায়া। ইঁা—আমি।

সত্য। দাদা এসেছেন?

মায়া। না; কই—ছোট-বৌ কোথায়?

সত্য। এই যে!

দেবী। কে—দিদি? দিদি!

মায়া। থাক থাক—তুমি ব্যস্ত হয়োনা! একি—এই বিছানায় মাটির ওপর রুগী শুয়ে!

সত্য। এখন অশৌচ!

মায়া। তোমরাই তো রুগীকে আরো মেরে ফেলেছ! বীথি, এইভাবে তোমার কাকীমার সেবা কচ্ছ? কি চিকিৎসা হচ্ছে?

বীথি। কাকীমা কোন ঔষধ খেতে চান না!

মায়া। ওর কথা শুনতে হবে নাকি! সত্য, শীগগির যাও—কলকাতা থেকে Dr. Royকে নিয়ে এস—টাকা আমি দেব!

সত্য। কাল বাবার আদ্য!

মায়া। আঃ—তর্ক ক'র না! আগের জ্যান্ত মানুষের কথা ভাব, তারপর যদি সময় পাও—মরা মানুষের আদ্যের ব্যবস্থা করো! যাও—শীগগির যাও!

দেবী। আমি বাচবো না দিদি—কেন এত কচ্ছ?

মায়া। সারা জীবন স'য়ে এসেছ—তাই তোমায় এরা এতখানি ঠাকাতো পেরেছে!

দেবী। এবাড়ীতে এসে পর্যন্ত একটা কামনা ছিল, তোমায় এ ভিটেয় আনবো! মরবার সময় তাও হ'লো—ভগবান সে সাধও অপূর্ণ রাখলেন না! এরপর কি আর বাচতে আছে দিদি?

মায়া। হ্যাঁ—আছে! (সত্যর প্রতি) যাও—শীগগির যাও!

দেবী। শোন—শোন!

সত্য। কি দেবী—কি! একদৃষ্টে চেয়ে কি দেখছ ওদিকে?

দেবী। (অতি যত্নস্বরে) মা দেখতে কেমন ছিলেন বল দেখি? আমি তো তাঁকে দেখিনি কোনদিন—ঠিক বুঝতে পাচ্ছি না!

সত্য। আমার স্বপ্নের মত মনে আছে—লক্ষীর মত চেহারা, গৌরবর্ণ, চওড়া লালপেড়ে শাড়ী পরা—সিংথেয় সিঁদুর, কপালে সিঁদুর, হাতে পাঁখা, পায়ে আলতা!

দেবী। ওই যে—ওই যে তিনি দাঁড়িয়ে আছেন! একলা নয়—একপাশে বাবা, কোলের কাছে ঠাকুরঝি! তাঁরা তোমার ওপর প্রসন্ন হয়েছেন—তোমায় আশীর্বাদ কচ্ছেন!

সবনিকা

